

কর্মযোগ



শ্রীঅশ্বিনীকুমার দত্ত

১৩২৯

সরস্বতী লাইব্রেরী

৯ রমানাথ মজুমদার স্ট্রীট

কলিকাতা।

প্রকাশক
ঐশ্বর্য চন্দ্র গুপ্ত
সরস্বতী লাইব্রেরী
৯, রমানাথ মজুমদার ষ্ট্রীট,
কলিকাতা।

৯৩:১এ বহুবাজার ষ্ট্রীট কলিকাতা।
চেরী প্রেস লিমিটেড হইতে
আর, কে, রাণা কর্তৃক মুদ্রিত,
১৩২৯ সাল।

ভূমিকা | Cochi Bell

শ্রীযুক্ত অধীনীকুমার দত্ত প্রণীত "কর্ম যোগ" প্রকাশিত হইল। সফলিত প্রকাশ্যসারে গ্রন্থখানি সম্পূর্ণ হইলে বৃহদায়তন হইতে কিস্তি প্রস্তুতকারের রোগজ্ঞান দেখ হইতে সে সকল সিদ্ধির সম্ভাবনা নাই হইবে। অগত্যা কর্ম যোগের আদর্শ সম্বন্ধে স্থল স্থল বক্তব্য বিস্তারিত বিপিবদ্ধ করা হইয়াছে। ইং ১৩২৩-২৪ সালে "মানসী ও মনসাবাসী" পত্রিকায় মুদ্রিত হইয়াছিল। তৎকালে উক্ত পত্রিকার পরিচালকদের নিকট আমরা কৃতজ্ঞ আছি।

হৃদয় অত্যন্ত কুরুক্ষেত্রের সমরাজনে একদিন যে বিশ্ববিশ্রুত শঙ্খধ্বনি উঠিয়াছিল, এপুস্তক খানি তাহারই একটি প্রতিধ্বনি মাত্র। প্রতিপাত্ত বিষয়গুলি প্রধানতঃ শ্রীশ্রীভগবদ্গীতা অবলম্বনে লিখিত হইলেও ইহা বিভিন্ন জাতির সূক্ত, দৃষ্টান্ত ও উপদেশে সমৃদ্ধ হইয়াছে। গ্রন্থকার দেখাইয়াছেন এই কর্মযুগে নিকাম কর্মযোগে ভিন্ন উদ্ধারের অন্য পন্থা নাই; জাতীয় উত্থান পতন কর্ম নিরপেক্ষ হইতে পারে না; এক দিকে কর্মকৃৎ অকাল সম্রাসী, অন্যদিকে কর্মাসক্ত ঘোর বিমর্ষা—উভয়েই সমাজদ্রোহী; কর্মদ্বারা সসীম অনু অসীম ভূমা হইতে পারে; জদয়ে জদয়ে সচ্ছিদানন্দকে প্রতিষ্ঠিত না করিতে পারিলে কর্মযোগ মাত্র কর্ম ভোগেই পর্যাবসিত হয়; এই নিকাম কর্মযোগে শ্রীবিক্ষু প্রীত্যর্থ

363




বিষয়	পৃষ্ঠা
কক্ষভূমি	১
মোক্ষসেতু	১৩
আত্মার বৈঠক	১৮
পাকা আমি ও কাঁচা আমি	৩৩
কক্ষকেন্দ্র	৪৫
নিষ্কাম কক্ষ— প্রীতি পথে	৭১
নিষ্কাম কক্ষ— জ্ঞান পথে	৬৬
লোক সংগ্রহ	৭২
কক্ষাযোগিলক্ষণ	
মুক্ত সঙ্গ	৮৬
অনন্ত বাদ	৯৬
পৃতি সমন্বিতঃ	১০২
উৎসাহ সমন্বিতঃ	১০৫
সিদ্ধাসিদ্ধাঃ নিব্বিকারঃ	১০৬
সংসারনাট্যাভিনয়	১১২
উপসংহার	১১৬

কর্মেযোগ

আদর্শ

কর্মভূমি।



সংসার কর্মভূমি। ভুগু, ভরদ্বাজকে এই পৃথিবী দেখাইয়া
কহিলেন, “কর্মভূমিরিয়ম্”। বিশ্ব কর্মময়। কর্ম সৃষ্টির
ভিত্তি। উদ্দাম উচ্ছৃঙ্খল অনুরাশি (Chaos) সুশৃঙ্খল সুযন্ত্রিত
বিশ্ব (Kosmos) পরিণত হইল কর্মে। সৃষ্টি বিদ্যুত কর্মে।
দয়ঃ ভগবান্ মহাকর্মা। কর্মে সৃষ্টি, কর্মে পালন, কর্মে
সংহার। বিধাতা এই ত্রিজাগতগৃহের মহাগুপ্ত ; স্বাবরতঃসমাত্মক
বিশ্ববাপী এই মহাপরিবারের যাত্রার বাণ প্রয়োজনীয়, যথাযথ-
রূপে নিত্যকাল গোপনইতেছেনঃ—“যথা স্বর্গোত্তোত্তমান বানধাচ্ছা-
নতঃস্ত্যঃ সমাভাঃ” (ঈশোপনিষৎ, ৮)

গীতায় ভগবান্ অর্জুনকে বলিতেছেনঃ—

ন মে পার্থাস্ত কস্তব্যং ত্রিস্ব লোকেষু বিক্ৰম।

নান্বাপ্তমাপ্তব্যং বস্ত্ৰ এব চ কর্মণি ॥

ভগবৎগীতা ৩, ২২।

—‘হে পার্থ, আমার কস্তব্য কিছু না, এক তিনলোকে আমার
অপ্রাপ্ত বা প্রাপ্তব্যও কিছু না; তথাপি আমি কর্মে প্রবৃত্ত
রহিয়াছি।’

কৰ্মগামী ভাস্তি দেবাঃ পরত্র
 কৰ্মগৈবেহ প্লবতে মাতরিম্বা
 অহোরাত্রে বিদধৎ কৰ্মগৈবা-
 তস্মিন্তো শশ্বত্বেতি সূৰ্য্যঃ ॥

মহাভারত, উদ্যোগপৰ্ব, ২৮, ৯।

—‘পরলোকে দেবগণ কৰ্মবলে দীপ্যমান, কৰ্মবলে বায়ু
 প্রবহমান, কৰ্মবলে অহোরাত্রে বিধান করিয়া অতস্মিতভাবে
 সূৰ্য্য উদিত হইতেছেন।’

মাসার্কিমালানথ নক্ষত্রযোগানতস্মিতশ্চন্দ্রমাশ্চাভূপৈপাত।

অতস্মিতো মহতে জাতবেদাঃ সমিক্কমানঃ

কৰ্ম কুৰ্বন প্রজাভাঃ ॥

ঐ, ঐ, ১০।

—‘চন্দ্রমা অতস্মিতভাবে নক্ষ, মাস, নক্ষত্রযোগ প্রাপ্ত
 হইতেছেন; অগ্নি সমিক্কমান হইয়া অতস্মিতভাবে প্রজাগণের
 কৰ্মসাধন করিতে প্রজ্জ্বলিত হইতেছেন।’

অতস্মিতা ভারমিমং মহাশুং

বিভাস্তি দেবী পৃথিবী বলেন।

অতস্মিতাঃ শীঘ্রমাপো বহস্মি

নস্তুপংস্বাঃ সৰ্বভূতানি নদ্যাঃ ॥

ঐ, ঐ, ১১।

—‘দেবী পৃথিবী বলেন দ্বারা অতস্মিতভাবে এই মহাভার বহন

কৰিতেছেন ; যাবতীয় ভূতগণকে সম্বৃত্ত কৰিতে নদীগণ
অতদ্বিন্দিতভাবে দ্রুত জল বহন কৰিতেছেন ।’

অতদ্বিন্দিতো বৰ্ধতি ভূৱিতেজাঃ

সন্নাদানম্ভূরীক্ষং দিশশ্চ ।

অতদ্বিন্দিতো ব্রহ্মচৰ্য্যাং চচার

শ্ৰেষ্ঠহমিচ্ছন্ বলভিদেবতানাং ॥

ঐ, ঐ, ১২ ।

—‘আকাশ ও দিক্ সকল নিনাদিত কৰিয়া মেঘ অতদ্বিন্দিতভাবে
বাৰি বর্ষণ কৰিতেছেন ; দেবগণের মধ্যে শ্ৰেষ্ঠক ইচ্ছা কৰিয়া
ইন্দ্র অতদ্বিন্দিতভাবে ব্রহ্মচৰ্য্যা পাণন কৰিয়াছেন ।’

সকলেই অতদ্বিন্দিতভাবে কৰ্ম্মে নিযুক্ত । মহাত্মা কার্লাইল
এই বিশ্বের অতদ্বিন্দিত কৰ্ম্মাশুষ্ঠান দর্শন কৰিয়া বলিয়াছিলেন :—

“What is this universe but an infinite
conjugation of the verb ‘to do’ ?”—এই বিশ্ব কি ?
ইহা কু ধাতুর অনন্তরূপ ।’

কৰ্ম্মাভিন্ন এ জগতে কাহারও স্থিতিবার সাধ্য নাই । গীতায়
ভগবান অৰ্জুনকে বলিতেছেন :—

নহি কশ্চিৎ কণমপি জাতু তিষ্ঠত্যকৰ্ম্মকৃৎ ।

কাৰ্য্যতে হবশঃ কৰ্ম্ম সৰ্ব্বঃ প্রকৃতিজৈষ্ঠং গৈঃ ॥

ভগবদগীতা ৩, ৫ ।

শরীর যত্নাপি চ ত্তে ন প্রসিধ্যোদকৰ্ম্মণঃ ।

ভগবদগীতা ৩, ৮ ।

—‘কৰ্ম না করিয়া কেহ কৰ্মমাত্রও তিষ্ঠিতে পারেনা, সকলেরই প্রাকৃতিক গুণের দ্বারা চালিত হইয়া অনিচ্ছাস্বৈৰেও কার্যা করিতে হইতেছে।’ ‘কৰ্ম না করিলে তোমার শরীর-মাত্ৰাও নিৰ্ব্যাহ হইতে পারে না।’

তোমার জীবিকা নিৰ্ব্বাহের জন্ত যে সামান্য কতিপয় তণ্ডুলকণা-সংগ্রহ প্রয়োজনীয়, তাহাও কৰ্মসাপেক্ষ। অল্প প্রয়োজন না থাকিলেও, মাত্র আত্মরক্ষার জন্তও প্রত্যেক ব্যক্তির কৰ্ম করিতেই হইবে।

আত্মরক্ষা ও জগৎ রক্ষার জন্ত সকলেই কৰ্মচক্রে ঘূর্ণিতমান। যে গৃহে বাস করি, যে আসনে উপবেশন করি, যে শব্যায় শয়ন করি, যে বস্ত্ৰ পরিধান করি, যে ভক্ষা আহার করি, সমস্তই কৰ্ম্মোদ্ভব।

আমার জন্ত কেবল আমিই কৰ্ম করিতেছি, তাহা নহে : এই মাত্র শুনিলাম সূৰ্য্য, চন্দ্র, অগ্নি, বায়ু, বরুণ কি ভাবে নিরন্তর আমায় সেবা করিতেছেন। কত কোটি কোটি প্রাণী আমার জন্ত অবিশ্রান্ত খাটিতেছে। ‘আমার বাড়ী, আমার বাড়ী’ বলিয়া সে স্থান নির্দেশ করিয়া আনন্দে উৎফুল্ল হই, একবার চম্ভা করুন, সেই স্থানটি আবাসযোগ্য করিতে কত কত লোক ঠাঠাদিগের শাৰীৰিক ও মানসিক কত শক্তি ব্যয় করিয়াছেন! বাতাসপ হইতে আমাকে রক্ষা করিতে যে গৃহখানি নিৰ্ম্মিত হইয়াছে, ইহার প্রত্যেক উপকরণ আবিষ্কার ও সংগ্রহ করিতে কত লক্ষ লক্ষ লোক অবিশ্রান্ত পরিশ্রম

কৰিয়াছে তাহা ভাবিতে গেলে মন স্তম্ভিত হয়। যে অন্ন-
 ব্যঞ্জনাদি দ্বারা প্রত্যহ কুখানল প্রশমিত করি, কিম্বা যে বস্ত্রখণ্ড
 দ্বারা লজ্জা নিবারণ করিয়া থাকি, ইহার প্রত্যেক বস্ত্র যে যে
 পদার্থের সংলোভনায় প্রস্তুত হইয়া থাকে, সেই পদার্থগুলি
 আবিষ্কার ও যে প্রশালীতে সংযুক্ত করা প্রয়োজন, তাহা
 উদ্ভাবন করিতে কতযুগে কতলোক গললব্ধ হইয়াছে, চিন্তা
 করিলে অবাধ্ হইতে হয়। ক্ষুদ্র অপোগণ্ড শিশু ছিলাম,
 সামান্য মশকাদি দূর করিবার ক্ষমতা ছিল না, কত লোকের
 কৰ্তাবধ কেশ্বের ফলে এত বড় হইয়াছি—ভাঁবিতে প্রাণ কৃতজ্ঞতা-
 রসে আপ্ত হই। বাহিরের সুখ স্বাচ্ছন্দ্যের জন্ম কত
 লোকের নিকটে পণী; আবার অস্তুরের বল, বুদ্ধি, জ্ঞান,
 সম্ভাব প্রভৃতির জন্ম জীবিত, মৃত, কত অগণ্য লোকের নিকটে
 পণী আছি। আবার, আমার তোমার এ জীবনে যে তদ
 প্রতিষ্ঠিত হইতেছে, তাগ বাহাদিগের দ্বারা রক্ষিত ও সম্বন্ধিত
 হইবে, সেই ভবিষ্যৎশধরগণের নিকটেও ত পণী! কেবল কি
 মনুষ্যের নিকটেই পণী? কত উত্তর পশু আমাদিগের জন্ম
 শরীরের রক্ত জল করিতেছে এবং কত কষ্ট সহ্য করিতেছে,
 ইহা কি আমরা প্রত্যক্ষ করিতেছি না? উদ্ভিদ জগৎ আমাদিগের
 প্রাণ রক্ষা ও সুখ স্বাচ্ছন্দ্যের জন্ম কত উপায় লইয়া উপস্থিত!
 জীবসমাজ দ্বারা পুষ্ট ও বৃদ্ধিত হইয়া যদি সেই সমাজরক্ষা ও
 উন্নতিকল্পে কৰ্ম করিতে প্রস্তুত না হই, তবে আমরা নিতান্তই
 কৃতঘ্ন।

বিশেষ, আত্মোন্নতিও কৰ্মভিন্ন সম্ভবপর নহে। স্বকল্যাণ সাধন জগৎও সকলেরই কৰ্মের প্রয়োজন। সংসারদোলায় আন্দোলিত না হইয়া কেহই পরমপুরুষার্থোপযোগী গুণগ্রামের অধিকারী হইতে পারেন না। শ্রীকৃষ্ণ অয়ং বলিতেছেন :—

ন কৰ্মণামনারস্ত্যগ্নৈককৰ্ম্যাং পুরুষোহশুভে ।

ন চ সন্ন্যাসনাদেব সিদ্ধিং সমধিগচ্ছতি ॥ ১

ভগবদ্গীতা ৩, ৪।

—‘কৰ্মের অনুষ্ঠান না করিয়া কেহ জ্ঞানলাভ করিতে পারে না ; কৰ্মত্যাগ করিলেই সিদ্ধিলাভ হয় না।’

মহর্ষি বশিষ্ঠ শ্রীরামচন্দ্রকে বলিতেছেন :—

রাম রাম মহাবাহো মহাপুরুষ চিন্ময় ।

নায়ং বিশ্রান্তিকালে হি লোকানন্দকরোভব ॥

যাবল্লোকপবামর্শো নিরুচো নাস্তি যোগিনঃ ।

তাবদ্ভূতসমাধিবং ন ভবতোব নিশ্চলন ॥

তস্মাত্তোজাদিবিষয়ান্ পর্য্যালোক্য সিনধরান ।

দেবকার্যাদিভারাংশ্চ ভজ পুত্র স্থখীভব ॥

যোগবশিষ্ঠ । নির্বাণ । পূর্ব, ১২৮, ১৬—১৮।

—‘হে মহাবাহু, চিন্ময় মহাপুরুষ রাম, এখন তোমার বিশ্রামের সময় নহে, লোকানন্দকর হও। যোগীর যদবধি লোকযাত্রা-কৰ্ম সম্পন্ন না হয় তদবধি নিশ্চল সমাধিত্ব ঘটে না। অতএব নখর রাজ্যাদি বিষয় পর্য্যালোচনা করিয়া দেবকার্যাদিভার ভজনা কর, তুমি পুত্র, স্থখী হও।’

চত্ৰপতি-শিবাজী-গুরু শ্ৰীরামদাস স্বামী বলিয়াছেন :—

আধী প্রপঞ্চ করা বা নেটকা ।

মগ ঘ্যাবেঁ পরমার্থবিবেকা ॥

দাসবোধ ১২, ১, ১ ।

—‘প্রথমে সুন্দররূপে প্রপঞ্চের কার্য্য করিবে, পরে পরমার্থ-বিবেক গ্রহণ করিবে।’

কি ভাবে প্রপঞ্চের কার্য্য করিতে হইবে, তাহাও বলিয়া-
ছেন :—

প্রপঞ্চ করা বা নেমক ।

পাচাবা পরমার্থবিবেক ।

জেনেঁ করিতাঁ উভয়ে লোক ।

সম্বস্ট হোতী ॥

দাসবোধ ১১, ৩, ২ ।

—‘সংযতভাবে প্রপঞ্চ করিবে ও পরমার্থবিবেক বুঝিতে
থাকিবে ; ইহাদ্বারা উভয় লোক সম্বস্ট হইয়া থাকে।’

সংযত প্রপঞ্চসেবা ভিন্ন কেহই মৈত্রী, করুণা, মুদিতা,
উপেক্ষা প্রভৃতি আয়ত্ত করিতে পারে না ; শূরধৰ্ম্মাধিকারী
জন না। কাহার প্রতি করুণা করা হইবে ? সংসার-
সম্বন্ধ না থাকিলে কাহার সচিব মৈত্রী করা হইবে ?
কাহার আনন্দে মুদিতা প্রকাশ পাইবে ও কাহার ঘেব ও
সুণা উপেক্ষা করিবে ? সংসারকৰ্ম্ম ভিন্ন আত্মজ্ঞানলাভের
মোপান নিত্যানিত্যবস্তুবিবেক, ইহানুত্ৰার্থ-কলভোগবিরাগ,

শমনমাদি ষট্‌কসম্পত্তি ও মুমুক্‌ষু প্রতিষ্ঠিত হইবে কি প্রকারে ? অনিত্যের সংস্পর্শে আসিলে তবে ত নিত্যের সহিত তাহার পার্থক্য বৃদ্ধিবে। ইহলোকে ও পরলোকে কি ফল লাভ করা যায় জানিলে এবং তাহার আনন্ধ্য হৃদয়ঙ্গম হইলে তবে ত তত্ত্বোগে বিরাগ জন্মিবে। বহিরিন্দ্রিয় ও অন্তরিন্দ্রিয়ের নানা প্রকার বিপাক্তির বিষয় উপাস্তত হইলে তবে ত শমনমাদি সাধনের চেষ্টা হইবে। কষ্টে না পড়িলে তিতিক্ষা আসিবে কোথা হইতে ? বিষয়ানুভবের দোষ লক্ষিত হইলে তবে ত উপরতি। উপরতি হইলে তৎপরে সমাধান এবং গুরু ও বেদান্তবাক্যে শ্রদ্ধার উদয়। বন্ধনবোধ হইলে তবে ত মুমুক্‌ষু আসিবে। আমানিগের সংসারের ভিতর দিয়া চলিতে চালাতে পথ পরিষ্কার হইবে; অনেক ভ্রম হইবে, অনেকবাৎ পদাঙ্কলন হইবে সত্য; কিন্তু তাহাই কং প্রদ হইবে, তাহা হইতেই ভ্রম-নিরাস হইবে, সত্যপন্থা কৃটিয়া উঠিবে, প্রেম-পাবনতায় মগ্নিত হইবার অন্তষ্ঠান চলিতে থাকিবে। ইগ ঘটে বেদান্ত রবীন্দ্রনাথ ভগবানকে বলিয়াছেন :-

“শত ছিদ্র করে’ জীবন

বাঁশী বাজাও হে।”

পরমার্থাভিমুখ অর্থাৎ আত্মমোক্‌ ও জগন্মোক্‌সাভিমুখ কর্ম্য করিতে গিয়া যে ভ্রমে পতিত হই, সাদৃচ্ছাবলে তাহা দূর হইয়া যায় এবং আনন্দ ও সত্যের পথ খুলিয়া যায়। বহু শত ছিদ্রের ভিতর দিয়া অপূর্ব বংশীধ্বনি করিতে থাকেন।

এইরূপ কর্মের দ্বারা ইঙ্গং উন্নত হইতেছে। এইরূপ কর্ম করিবার জগুই জন্মগ্রহণ করিয়াছি। যে ব্যক্তি এইরূপ কর্ম, জীবনের ব্রত করিয়া লন, তিনিই প্রকৃত মনুষ্য এবং যে জাতি এইরূপ কর্মসাধন জগু সর্বদা সচেষ্ট, সেই জাতিই উন্নতির পদবীতে আরোহণ করেন। যে সম্প্রদায় সর্বাপেক্ষা উৎকৃষ্টরূপে এইরূপ কর্ম সম্পন্ন করেন, সেই সম্প্রদায়ই জগতের শীর্ষস্থানীয়। ইতিহাসের পর্য্যায়ক্রমে পংক্তিতে এই তথ্য প্রমাণিত হইতেছে। পৃথিবীর মহাজনগণ এইরূপ করিয়াছেন বলিয়াই মহাজন।

এইদিকে যে দেশ ও যে জাতি যতদূর অগ্রসর হইয়াছেন, সেই দেশ সেই জাতি জগতে ততদূর শ্রেষ্ঠ হইয়াছেন। প্রাচীন রোম যতদিন এই ভাবে অশুপ্রাণিত ছিলেন, ততদিন সমস্ত জগতের পূজ্য ছিলেন; খ্রিষ্ট এই ভাবটি ভাগ করলেন, অমন, তাঁহার পদপ্রাপ্তে স্থান পাইবার যোগ্য নহে যাচার, গ্রন্থাদিগের পদলুপ্তিত হইতে হইল। ভারত যতদিন এইরূপ কর্ম করিতে সর্বাপেক্ষা অগ্রসর ছিলেন, ততদিন পৃথিবীর শিরোমুখ ছিলেন; চতুর্দিকে তাঁহার নামে জয়ধ্বনি পড়িত; সেই এই ভাব হইতে বিচ্যুত হইলেন অমনি কলঙ্কের পদরা মস্তকে উঠিল।

এই ভারতবর্ষে যখন অর্গ্যাগণ কর্মদ্বারা গৌরবের উচ্চতম শিখরে আরোহণ করিলেন, এবং দেখিলেন যে এই 'সুফলা সুফলা' ভূমিতে এরূপ পর্য্যাপ্ত অন্নসংস্থানের ব্যবস্থা রহিয়াছে যে

তাঁহাদিগের জীবিকানির্ব্বাহের জন্য কৰ্মের বিশেষ প্রয়োজন নাই, তখন কৰ্মের প্রতি সহজে ত্যাগিত্য উপস্থিত হইল। শরীর-যাত্রা এই দেশে অনায়াসসাধ্য বলিয়া তাহা অনাদরের বিষয় হইল; এবং শরীরযাত্রা নিৰ্ব্বাহের সহিত নৈতিক ও আধ্যাত্মিক উন্নতি কিরূপ সংশ্লিষ্ট তাহা দৃষ্টির বহির্ভূত হইল। জীবিকাবিধায়ী বহিস্মৃৎ কৰ্ম নিতাস্তই অকিঞ্চিৎকর বলিয়া প্রতীয়মান হইল; কিন্তু তাহাই অন্তস্মৃৎ করিয়া লইলে বাচিরের মঙ্গল যেৰূপ সংসাধিত হয়, অন্তরের মঙ্গলও তেমনি সাধিত হইয়া থাকে—ইহা ধারণার বিষয় বহিল না। স্মৃতরাঃ অগ্রাণিগণ কৰ্মকে অবহেলা করিয়া, মাত্র জ্ঞান ও ভক্তিকে জীবনের পংসসাধা নির্দ্ধারণ করিলেন, এবং নিম্নশ্রেণীর ব্যক্তিগণ কৰ্মদ্বারা নিয়মিত না হওয়ায় উচ্ছৃঙ্খল হইয়া পড়িল। ইহাই ভাবতের পতনের সূত্র। বাঁহারা সংসার ত্যাগ করিয়া তপস্বী বরিতে লাগিলেন, তাঁহারা সাধু মহাপুরুষ বলিয়া পরিচিত হইলেন; এবং বাঁহারা সংসারী রহিলেন, জগতের মঙ্গলের সহিত তাঁহাদিগের স্বকীয় মঙ্গল কিরূপ ঘনিষ্ঠভাবে সম্বন্ধ, তাহা ভুলিয়া, ঘোর বিষয়ী ও স্বার্থপর হইয়া দাঁড়াইলেন। দুই দলই মানবনমাজ হইতে বিচ্ছিন্ন হইলেন। বাঁহারা তপস্বীপর, তাঁহারাও স্ববিমুক্তিকাম হইয়া পরার্থনিষ্ঠা ত্যাগ করিলেন, ইন্দ্রিয়ার্থবিন্দু জীবদিগের জন্য কোন চিন্তাই রহিল না। প্রহ্লাদ যে ভাবে উদ্দীপ্ত হইয়া ভগবানকে বলিয়া-ছিলেন :—

নৈবোধিজে পরদুরত্যয়বৈতরণ্যা-
 স্তদ্বীৰ্য্যায়নমহানুতমগাচিস্তঃ ।
 শোচে ততো বিমুখচেতস ইন্দ্রিয়ার্থ-
 মায়াসুখায় ভরমুদহতো বিনুটান্ ।
 প্রায়েণ দেবমুনয়ঃ স্ববিমুক্তিকামা
 মৌনং চরন্তি বিজনে ন পরার্থনিষ্ঠাঃ ।
 নৈতান্ বিহায় কৃপণান্ পিন্ণুমুক্ একো
 নাশ্চৎ স্বদম্ভশরণং ভ্রমতোঃশুপল্শ্য ।

ভাগবত ৭,৯,৪৩-৫৪ ।

—‘হে ভগবান, তোমার শৃণগান-মহানুত-মগাচিস্ত আমি, দুপ্পার
 বৈতরণী মনে করিয়া উদ্ভিগ্ন নই, সেই শৃণগান-বিমুখ ইন্দ্রিয়ার্থ-
 মায়া-সুখের জন্য ভারবহনকারী মূৰ্খদিগের জন্মই উদ্ভিগ্ন ।
 প্রায়ই দেবতা ও মুনীগণ স্ববিমুক্তিকাম হইয়া বিজনে মৌনা-
 বচন করিয়া তপস্যা করিয়া থাকেন, পরার্থনিষ্ঠ নহেন, পরের
 দিকে দৃষ্টি করেন না ; এতগুলি কৃপাপাত্র মায়াসুখ ব্যক্তি-
 দিগকে ত্যাগ করিয়া আমি একক মোক্ষ পাইতে ইচ্ছুক নহি ।
 এই যে মনুষ্য মোহচক্রে ভ্রমণ করিতেছে ইহার ত তুমি ভিন্ন
 গতি দেখি না ।’

প্রজ্ঞাদের সেই ভাবটি, তপস্বী ও সংসারী উভয়ের শ্রাণ
 হইতেই তিরোহিত হইল । উভয়েই জগৎ ভুলিয়া স্বার্থনিষ্ঠ
 হইলেন ।

ইহার ফল বাহা হইবার তাহা হইল । ভারতবাসী ক্রমে

নির্জীব, শক্তিহীন ও মলিনচিত্ত হইতে লাগিলেন। যাঁহারা মানব-সমাজ ত্যাগ করিয়া সাধনা আরম্ভ করিলেন, তাঁহাদিগের প্রায় সকলেই কৰ্ম্মজনিত হৃদয়-বলের অভাবে অকৰ্ম্মা ভিক্ষুক সম্প্রদায়ে পরিণত হইলেন। আর যাঁহারা সংসারে রহিলেন, তাঁহাদিগের প্রায় সকলেই উচ্ছৃঙ্খল হৃদয় লইয়া ঘেব, হিংসা, কাম লোভাদি কুপ্রবৃত্তিগুলির দাসত্ব অবলম্বন করিলেন। এই পন্থা অনুসরণ করিতে করিতে যখন ভারতবাসীগণ যৎপরো-
নাস্তি নির্বীৰ্য্য হইয়া পড়িলেন, তখন তাঁহাদিগকে পর-পদানত হইতে হইল। কৰ্ম্মের প্রতি অনাস্থা হইলে কি ফল হয়, কল্পা ত্রাহাই প্রত্যক্ষ ভাবে দেখাইয়া দিলেন। অকৰ্ম্মীগণ কৰ্ম্মাসু-
সেবিগণের ক্রীড়াপুতুল হইয়া থাকিবে, তাহাদিগের অঙ্গুলি হেলনে উঠিবে, বসিবে, চলিবে, ইহাই ভগবানের বিধি। জগন্ময় নিত্য এই তত্ত্ব প্রচারিত হইতেছে। যতদিন পুনরায় কৰ্ম্মের জগৎ প্রস্তুত না হইব, ততদিন কোন শ্রেষ্ঠজাতির সমকক্ষ হইবার আশা নাই।

কি ব্যক্তিগত, কি জাতগত, কি বিশ্বগত জীবন সর্বত্রই একবিধ। সৰ্বার্থসিদ্ধির একমাত্র উপায়--প্রকৃত কৰ্ম্ম-পন্থাবলম্বন এবং সৰ্বার্থবিনাশের একমাত্র হেতু--প্রকৃত কৰ্ম্মপন্থা-নিরাকরণ। প্রকৃত কৰ্ম্মপন্থা অবলম্বন করিলেই আমা-
দিগের জীবনের লক্ষ্য আয়ত্ত হইবে; এবং তাহা হইতে বিমুক্ত হইলেই লক্ষ্য ভ্রষ্ট হইব। প্রকৃত কৰ্ম্মপন্থা কি, তাহার আভাস পূর্বেই দেওয়া হইয়াছে।

মোক্‌সেতু ।

জীবনের একমাত্র লক্ষ্য—বিষময় সৰ্ব্বত্র সচ্চিদানন্দো-
পলকি, সচ্চিদানন্দাবলম্বন এবং সচ্চিদানন্দ-প্রতিষ্ঠা। ইহাই
মোক্‌সেতু। সগুণমণ্ডলে জীবের ইহাই একমাত্র আলোচ্য ও
কৰ্তব্য। নিগুণানন্দে কি; তাহা কে বলিবে? টেনিসন এই
সচ্চিদানন্দ-প্রতিষ্ঠাকেই “that far-off diyine event”
‘সেই চরম ঈশ্বর স্মৃষ্ঠান’ বলিয়া নির্দেশ করিয়াছেন।

ভগবান সচ্চিদানন্দ স্বরূপ। তিনি সংস্করণে তাঁহার
সন্ধিনী শক্তি প্রয়োগ করিয়া জগতের সৃষ্টি করেন এবং সেই
শক্তিতেই জগৎ বিধৃত রহিয়াছে; চিৎ অর্থাৎ জ্ঞানস্বরূপে
সম্বিশক্তিদ্বারা জ্ঞান প্রকাশ ও বিস্তার করেন, আনন্দস্বরূপে
হ্লাদিনী শক্তিদ্বারা বিষময় আনন্দ বিধান করেন। সেই
সন্ধিনী শক্তিই আমাদের কার্যকরী বৃত্তি, সম্বিশক্তি
জ্ঞানার্জনী বৃত্তি এবং হ্লাদিনী শক্তি চিস্তরঞ্জিনী বৃত্তি।
দার্শনিকগণের বিভিন্ন মতানুসারে আমরা ‘যয়ং সচ্চিদানন্দ বা
সচ্চিদানন্দাংশু অথবা সচ্চিদানন্দকণা কিংবা সচ্চিদানন্দবিশ্ব,
যাহাই হই, আমাদের জীবন ব্যাপিয়া যে সচ্চিদানন্দশীলা
চলিতেছে তাবিষয়ে সন্দেহ নাই। কি ব্যক্তিগত জীবন, কি
মানবসমাজ, কি ভূত-সমাজ, সবই যে এক সচ্চিদানন্দ
বিহার-ভূমি তাহা একটু চিন্তা করিলেই বুঝিতে পারিব। ব্যক্তি-
গত জীবন বতই বিকাশ প্রাপ্ত হয়, ততই সন্ধিনী, সম্বিশ ও

জ্ঞানিনী শক্তির ক্রিয়া বাড়িতে থাকে। মানুষ যয়োবুদ্ধি সহকারে ও শিক্ষার উন্নতির প্রভাবে কতই কল্পে, কতই জানে, কতই সবেস্তাপ কল্পে; এবং সমগ্র মানবসমাজ কি এই জগৎ ব্যাপিয়া যে আংশিক ভাবে ক্রমেই স্ফুটতররূপে সচ্চিদানন্দ-প্রতিষ্ঠা হইতেছে, বোধ হয়, কেহই অস্বীকার করিতে পারিবেন না; এবং অতীত ইতিহাস পর্যালোচনা করিলে মনে হয়, আনন্দের ইহার পূর্ণ প্রাপ্তির দিকে অগ্রসর হইতেছি। নানা দেশে ও নানা অবস্থায়, উন্নতি ও অবনতির তরঙ্গে তরঙ্গে উচ্চ নীচে উঠিয়া নামিয়া প্রাচীন জ্ঞান, প্রেম ও ক্রিয়াতত্ত্ব মৰ্জ্জগত করিতে করিতে ও জগন্ময় তাহার বিস্তার সাধন করিতে করিতে অর্ধাচীন জ্ঞান, প্রেম ও ক্রিয়াশক্তিবলে আমরা সচ্চিদানন্দ-প্রতিষ্ঠার দিকে ধাবমান। ইহারই নিদর্শন :—সিঙ্গাগোর সর্বসম্প্রদায়িক ধর্মমহাসমিতি, হেগের আন্তর্জাতিক বিবাদ-মীমাংসক মধ্যস্থধর্ম্মাধিকরণ এবং নবপ্রতিষ্ঠিত সার্বভৌমিক জাতি-মহাসমিতি। পুরাকালে যাহারা বিজাতীয় ঘেঘবশবর্ভী হইয়া একে অপরকে কত অত্যাচার কত উৎপীড়ন করিয়াছে, আজ তাহারা বিশ্বপ্রেমবন্ধনে সম্বন্ধ হইয়া সিঙ্গাগোর মহামিলন-নিকে এক আসনে অধিষ্ঠিত। বিভিন্ন ধর্ম্মাবলম্বী ব্যক্তিগণ কেমন আদরে পরস্পরের সম্বন্ধনা করিলেন। শত বৎসর পূর্বে এই অপূর্ব সম্মিলন কেহ স্বপ্নেও ভাবিতে পারেন নাই।

যদিও হেগ মধ্যস্থধর্ম্মাধিকরণ গণ্ডানিবদ্ধ ও এখনও আন্তর্জাতিক বিসম্বাদের উল্লেখযোগ্য কিছুই উপশম করিতে পারেন

নাই, যদিও আজিও রণদাবানলে নানা দেশ ভস্মীভূত হইতেছে, কিন্তু এই জাতীয় ধর্ম্মাধিকরণ যে একদিন শান্তিবারি বর্ষণ করিয়া অন্ততঃ অনেক পরিমাণে এই দাবানল নির্ক্বাপিত করিবে, ইহা নিঃসন্দেহ। পৃথিবীর গতি তদভিমুখিনী হইয়াছে বলিয়াই এই ধর্ম্মাধিকরণের সৃষ্টি হইয়াছে। যে রাষ্ট্র সশ্রীক্ষণীতে ইহার পলন হয়, রুসিয়াধিপতি তাহাতে বলিয়াছিলেন—“যে রাষ্ট্রসমূহ নাদবিসম্বাদের উপরে জগন্ময় শান্তির জয়জয়কার স্থাপনপ্রয়াসী, তাহাদিগের উদ্যম এই শক্তিমৎকেন্দ্রে কেন্দ্রীভূত হইবে!” বাস্তবিকও তাহা হইবেই। কবি যে ভুবনমিলন Federation of the World কল্পনার দিব্যচক্ষে দেখিয়াছেন, তাহা একদিন যে অন্ততঃ বিশিষ্টপ্রমাণে সংঘটিত হইবে, হেগ-ধর্ম্মাধিকরণ তাহারই পূর্বভাষ্য দেখাইতেছেন।

সার্বভৌমিক জাতিমহাসমিতিও তাহারই সূচনা করিতেছে। মানি, গোরকুন বর্ণবিভেদ আজিও ভীষণ উৎপাত ঘটাইতেছে। মানি, সাম্যমৈত্র্যাপ্রজ্ঞা সভ্যতাভিমাত্রী কোন কোন জাতি বর্ণগত বিদ্রোহগ্রস্তে বহু-আয়াসার্জিত গুণসমূহ আহুতি দিতেছেন। এই দারুণাবেদন হেতুও যে এই সমিতির অধিবেশন হইয়াছে, ইহাই ভবিষ্যমিলনের সূত্রপাত। সাম্যমৈত্র্যধিপতি ভাগিয়া গড়িয়া কৰ্ম্মামুঘাটী কল দেখাইয়া মহামিলনের হাট বদাইবেন।

আজ জগতের দীমান্ত—পূর্ব, পশ্চিম, উত্তর, দক্ষিণ—
তাড়িৎ বাতাবহ, বাষ্পীয়-যান এবং চিন্তা, ভাব ও ক্রিয়ার

বিনিময় দ্বারা আধ্যাত্মিক, বৈজ্ঞানিক, নৈতিক, ব্যবহারিক, বাণিজ্যিক, নানাবিধে পরস্পর সম্বন্ধ। মাত্র খাদ্যের জগৎও অনেক জাতির পরস্পর সম্বন্ধিত হইতে হইতেছে। ব্রিটন যদি অপরদেশ হইতে খাদ্য সংগ্রহ করিতে না পারেন, তাহা হইলে তাঁহার অন্নসংস্থানের উপায় থাকে না। জর্মানি এক বৎসরে শত কোটি টাকার উর্ক, ফরাসী অশীতি কোটির উর্ক, আমেরিকাও শত কোটির উর্ক নুলোর খাদ্য অপরদেশ হইতে সংগ্রহ করিয়াছেন। মহাত্মা কার্ণেগী ইহা দেখাইয়া এক বক্তৃতায় বলিয়াছিলেন—“Nations feed each other. A noble ideal present itself for the future of man —no nation labouring solely for itself, but all for each other, thus becoming a brotherhood under the reign of peace.”—‘বিভিন্ন জাতি পরস্পরের আহাৰ যোগাইতেছেন। ইহা দ্বারা মনুষ্যের ভবিষ্যৎ সম্বন্ধে এক মঙ্গল আদর্শ উপস্থিত হইতেছে—অর্থাৎ কোন জাতি মাত্র নিজের জগৎই পরিশ্রম না করিয়া, সকলেই পরস্পরের জগৎ পরিশ্রম করিতে করিতে শান্তির আশ্রয়ে এক ভ্রাতৃদাম্পলনীতে পাত্ৰগণ হইতেছেন।’ পূর্বেবক্ত বিবিধ সম্বন্ধবলে নানা বাদবিসম্বাদ বিরোধ সত্ত্বেও ভুক্তব্যাপী জ্ঞান, প্রীতি ও সামর্থ্যের যে ক্রমোন্নতিবিধান হইতেছে, তাহা যোগ্য হয় সকলেই স্বীকার করিবেন।

শতাব্দীর পর শতাব্দী যত চলিয়া বাইতেছে, ততই পৃথিবা

নূতন করিতে, নূতন আনিতে, নূতন জুঞ্জিতে অগ্রসর হইতেছে। এই ব্যাপারে আমরা ব্যক্তিগত ও জাতিগত জীবনে পরস্পর সহায়।

আম্মার বৈঠক।

সকলের মধ্যে এক শক্তি ক্রিয়া করিতেছে বলিয়াই আমরা পরস্পরের ক্রিয়া, জ্ঞান ও আনন্দ বৃদ্ধি এবং তাহার সহায় হই। এই তত্ত্ব উপলব্ধি করিয়াই ব্রহ্মাণ্ডান্তত্বদর্শী এক মহাপণ্ডিত বলিয়াছিলেন :—

“I am owner of the sphere,
Of the seven stars and the solar year,
Of the Cæsar's hand and Plato's brain,
Of Lord Christ's heart and Shakespeare's
strain.”

‘আমি লোকাধিপতি, সপ্তনক্ষত্রলোক সৌরবর্ষাধিপতি আমি, সীজারের হস্ত, প্রেটোর মস্তিষ্ক, প্রভু ব্রীটেনের হৃদয় ও সেক্সপিয়রের সঙ্গীত,—সকলই আমার।’

সমস্ত ব্রহ্মাণ্ডের অন্তর্নিহিত তত্ত্ব ও আমার অন্তর্নিহিত তত্ত্ব এক না হইলে ব্রহ্মাণ্ড-রহস্য ভেদ করিতে কখনই অগ্রসর হইতে পারিতাম না। আমার তিতরে দক্ষতার আভাস না থাকিলে কখনই কর্মবীর সীজারের দক্ষতা ধারণা করিয়া আনন্দে

উৎকল হইতাম না। আজ যে নেপোলিয়নের বীরত্বকাহিনী পাঠ করিতে করিতে বারংবার জয়ধ্বনি করিয়া উঠি, তাহার একমাত্র হেতু এই যে, আমার ভিতরেও নেপোলিয়নের সন্ধিনী-ত্ব লুকায়িত রহিয়াছে। প্লেটোর সন্ধিৎশক্তি আমার ভিতরেও ক্রিয়া করিতেছে বলিয়া আমি তাঁহার দার্শনিক গভীর চিন্তা আয়ত্ত করিতে সক্ষম হই। খ্রীষ্টের হৃদয়ের ছায়া আমাতেও আছে, তাই আমি তাঁহার মাহাত্ম্য হৃদয়ঙ্গম করিতে পারি। আমার প্রাণের ভিতরে সেক্সপিয়রের কাব্যসঙ্গীতের সুর না বাজিলে কিছুতেই তাঁহার কাব্যমাধুরী আন্বাদন করিতে সক্ষম হইতাম না। নক্ষত্রলোক এবং সৌরজগৎ ও বর্ষের অধিকারী যে আমি, তাহা একটু নির্জ্ঞানে প্রাণের ভিতরে প্রবেশ করিলেই বুঝিতে পারিব। কেবল নক্ষত্রলোক ও সৌরজগৎ বলি কেন? যাহা প্রকৃত 'আমি' তাহা দেশ ও কালের অতীত। এমাসন বলিয়াছেন:—“Before the great revelations of the Soul Time, Space and Nature shrink away.”—‘আত্মার মহাপ্রকাশ দেখানে, দেশ, কাল, প্রকৃতি তিরোহিত দেখানে।’ তাহা না হইলে ঔপনিষদিক ঋষি, প্লেটো, সেক্সপিয়র, কৃষ্ণ, অর্জুন—ইঁহাদিগের সঙ্গলাভ করি কি করিয়া? যখন ইঁহাদিগকে লইয়া বসি, তখন দেশ ও কালের বিভেদ কি মনে থাকে? আত্মার বৈঠকে দেশ ও কাল উড়িয়া যায়।

ব্রজবোহন বিদ্যালয়ে তেরম্বচন্দ্র চক্রবর্তী নামে একটি অতি মনোহর-চরিত্র ছাত্র ছিলেন। তাঁহার দৈনন্দিন লিপিতে

একদিন দেখিলাম, তিনি 'বরিশালের নদীতীরের শোভা বর্ণনা করিতে করিতে লিখিয়াছেন :—“বাইতে বাইতে পুলের উপরে যাইয়া বসিলাম, বসিয়া বসিয়া বিশ্বপতির অপূর্ব শোভাময় সৃষ্টি দেখিতে লাগিলাম। কত কি ভাব মনে আসিল, তন্মধ্যে বিস্তারের ভাবটিই নূতন। তারাগুলির দিকে চাহিয়া চাহিয়া কোন কোন মুহূর্ত্তে মনে হইতেছিল, আমি যেন পৃথিবী ছাড়িয়া আকাশে যাইয়া এত বিস্তৃত হইয়া পড়িয়াছি যে, এক সময়ে অনেকগুলি নক্ষত্রে উপস্থিত থাকিতে পারি। ঐ বিশালত্বের সহিত আমার তুলনা করিতে গিয়া আমি আমার অস্তিত্ব খুঁজিয়া পাই না।” এই যুবকটি প্রকৃত “আমি” কি তাহা কথাকথন হৃদয়ঙ্গম করিয়াছিলেন। কীটস এই তত্ত্ব অমুভব করিয়া বলিয়াছিলেন :—“I feel more and more every day, as my imagination strengthens, that I do not live in this world alone, but in a thousand worlds”— ‘আমার কল্পনার শক্তি যতই বাড়িতেছে, ততই দিন দিন হৃদয়ে এই ভাবের বৃদ্ধি হইতেছে যে আমি কেবল এই জগতের জীব নহি, আরও সহস্র সহস্র জগতে বসতি করিতেছি।’ প্রকৃত ‘আমি’ সত্যই বিশ্বজোড়া। একটি কথা আছে, “বা আছে, ব্রহ্মাণ্ডে, তা আছে তাণ্ডে;” এই প্রবচনটি ‘আমার’ বিস্তৃতি পরিচায়ক।

আমরা যে সামান্য গণ্ডীবদ্ধ জীব নহি, তাহা আমাদের জ্ঞান, প্রেম, সামর্থ্যের আটকবোধেই প্রমাণিত হইতেছে।

বতটুকু জানিয়াছি, কিছুতেই তাহাতে সন্তুষ্ট হইতে পারি না, যত জানি তত জানি না, আরও জানিবার জন্ম পাগল হই, বত চিন্তা করি ততই চিন্তার উৎস খুলিয়া যায়, ভাবিত ভাবিতে কত কত নূতন বিষয় হঠাৎ মস্তিষ্কে উদয় হয়, কথা কহিতে কহিতে হঠাৎ অজ্ঞাতপূৰ্ব কত ভাব আপনা হইতে অন্তরে প্রকটিত হয়। রবার্ট ব্রাউনিং এই রহস্যের ভিতরে প্রবেশ করিতে করিতে লিখিয়াছেন :—

‘Truth is within ourselves ; it takes no rise
From outward things, whate’er you may believe :
There is an inmost centre in us all,
Where Truth abides in fullness ; and around
Wall upon wall, the gross flesh hems it in,
This perfect, clear conception—which is Truth ;
A baffling and perverting carnal mesh
Blinds it and makes all error and ‘to know’
Rather consists in opening out a way
Whence the imprison’d splendour may escape,
Than in effecting entry for a light
Supposed to be without. Watch narrowly
The demonstration of a truth, its birth,
And you trace back the effluence to its spring
And source within us, where broods radiance vast
To be elicited ray by ray, as chance shall favour.”

‘সত্য আমাদের ভিতরে ; তুমি বাহাই মনে করনা কেন,

বাহিরের কোন পদার্থ হইতে ইহা উদ্ভূত হয় না ; আমাদিগের প্রত্যেকের অন্তঃস্থলে সত্য পূর্ণভাবে বিরাজমান ; এই পূর্ণ পরিষ্কার জ্ঞান, যাহা সত্য নামে অভিহিত, প্রাচীরের পর প্রাচীরের স্থায় স্থূল রক্তমাংস ইহাকে বেষ্টিত করিয়া রহিয়াছে । এই বুদ্ধিনাশক দৈহিক মায়াজাল জ্ঞানকে আবৃত করিয়া সমস্ত ভ্রম উৎপাদন করে । জ্ঞানার্জনের উপায়—বাহির হইতে ভিতরে আলোক প্রবেশ করান নহে, দেহবৃহ ভেদ করিয়া ভিতরের অপ্রকট জ্যোতিঃ প্রকাশের পন্থা উদ্ভাবনাই তাহার উপায় । কোন সত্যনির্ধারণ, কি তাহার উদ্ভব বিশেষভাবে পর্যালোচনা করিলে দেখিতে পাইবোঁ যে, আমাদিগের অন্তরে প্রভূত জ্যোতির আধার যে উৎস রহিয়াছে, তাহা হইতেই ইহা নিশ্চূত হইতেছে, তাহা হইতেই দৈবাৎ এক একটি রশ্মি প্রকটিত হয় ।’

পক্ষকোষ আত্মাকে ঘিরিয়া রহিয়াছে, তাহা হইতেই অনর্থের উৎপত্তি ; তাহা ভেদ করিলেই আত্মার জ্যোতিঃ প্রকাশ পায় ।
এমার্সন বলিতেছেন :—

“With each divine impulse the mind rends the thin rinds of the visible and finite and comes out into infinity.”—‘প্রত্যেক দিব্যভাবে প্রবর্তনায় মন দৃষ্টির বিবর্তিত সসীমের কোষ ভেদ করিয়া অসীমে উপস্থিত হয় ।’

আমাদিগের অন্তরে যেমন জ্ঞানের অনন্ত প্রস্রবণ, তেমনি

প্রেমেরও অনন্ত নিব্বার ; যত ভালবাসি ততই যেন ভালবাসিতে উন্নত হই ; কেহ বলিতে পারিল না 'আমি ভালবাসার পরাকাষ্ঠা কাহাকে বলে বুঝিয়াছি,' ভালবাসার যেন এক অসীম সাগর আমরাদিগের ভিতরে প্রসারিত, তাহার কূল কিনারা পাই না । ভালবাসা যত বিলাও ততই তাহার বৃদ্ধি, অনন্তত্বের ত ইহাই লক্ষণ । শেলী বলিতেছেন :—

"If you divide suffering or dross, you may
Diminish till it is consumed away ;

If you divide pleasure and love and thought,
Each part exceeds the whole."

—যদি তুমি দুঃখ, আবর্জনা ভাগ কর, হ্রাস করিতে করিতে তাহা একেবারে নাশ করিতে পারিবে ; কিন্তু আনন্দ প্রেম এবং চিন্তা ভাগ করিতে গেলে দেখিবে—প্রত্যেক ভাগ সমষ্টি হইতে বড় হইয়াছে ।

প্রথমে কিঞ্চিৎ প্রেম লইয়া ভালবাসিতে আরম্ভ করিলে দেখিবে, যত অধিক জীবে অধিক পরিমাণে ভালবাসা গড়াইবে, তত তোমার প্রেমের মূলধন বৃদ্ধি হইতে থাকিবে ; যত বিলাইবে ততই বাড়িবে । জ্ঞান সম্বন্ধেও তাহাই । ইহা দ্বারা ব্রহ্মানন্দ কেশবচন্দ্র সেনের জীবনবেদের গণিত প্রমাণিত হয় :—তিন হইতে সাত গেলে দশ থাকে বাকী ।

সামর্থা সম্বন্ধেও দেখিতে পাই, যত করি ততই মনে হয় আরও যেন কত নূতন ক্রিয়া করিতে পারি । পৃথিবী এত

প্রাচীনা হইরাছে তবু যেন ক্রিয়াকাণ্ডের আরম্ভ বই নয়।
টেনিসন গাহিতেছেন :—

“We are Ancients of the earth
And in the morning of the times”

—‘আমরা এই পৃথিবীতে প্রাচীন বটে, অনেক কাল আসিয়াছি, কিন্তু যুগযুগান্তের মাত্র এই যেন প্রভাত দেখিতেছি।’

বৈজ্ঞানিক আবিষ্কারের বতই উন্নতি হইতেছে ততই প্রভীতি হইতেছে, আরও কত ভাণ্ডারে সঞ্চিত রহিয়াছে, বড় তুলিবে তত পাইবে। সাঁতো ডুম্বো, মারকোনি, এডিসন, জগদীশ চন্দ্র, প্রফুল্লচন্দ্র জাতীয় ব্যক্তিগণ এই ক্রিড়া-সাগরে বড় ডুবিতোছেন ততই বড় তুলিতেছেন। কত দেখিলাম, তবু মনে হয় আরম্ভ বই নয়।

আবার এমিকে দেখিতে পাই, এই চক্ষু কত দেখে তবুও তৃপ্ত হয় না, আর বাহা দেখি তাহার পক্ষেই কি দুটি চক্ষু যথেষ্ট ? আকাশের অসংখ্য তারকাবলী বহুধরার নানা স্থানের বিচিত্র শোভা দেখিতে দেখিতে মনে হয় না কি—সহস্রাঙ্ক হইতাম, অসংখ্যাক হইতাম, তবে বুঝি সাধ মিটিত ? ঐ যে সন্মুখে আকাশটা নামিয়া দৃষ্টির অবরোধ করিতেছে, ক্রমাগত ইচ্ছা হয় না কি—ওটাকে তুলিয়া ফেলি, ওর অপর দিকে কি আছে দেখিয়া লই ? জ্ঞানচর্চা করিতে করিতে মনে হয় নাকি—একট’ মাথার কুলোয় কই ? সহস্রশীর্ষা, অনন্তশীর্ষা হইতাম ! আমরা যে সেই ‘সহস্রশীর্ষা, সহস্রাঙ্ক, সহস্রপাং পুরুষের’

সন্তান। আমাদেরিগের মানসিক বৃত্তিগুলি ও ইন্দ্রিয়বৃত্তিগুলি কেবলই এই পৃথিবীতে আটকবোধ করে। আমরা যেন এখানে আমাদেরিগের বৃত্তিগুলির অব্যবহৃত প্রসার পাইতেছি না। মনে হয় সাগরের জীব কূপে আবদ্ধ হইয়া আছি। দেশ সম্বন্ধে দূর দূরান্তর অসীমের প্রার্থী, কাল সম্বন্ধেও তাহাই। অতীতে তুমি কতদূর যাইবে যাও, সহস্র সহস্র শতাব্দী পার হইয়া যাও, দেখিবে তোমার দৃষ্টি আরও যেন কোথায় যাইতে চায়; ভবিষ্যতেও সেইরূপ, সহস্র সহস্র শতাব্দী ভবিষ্যৎ-দৃষ্টিতে দেখিয়া কি তুমি তৃপ্ত হইতে পারি? পশ্চাদ্ধিকেও অনন্ত অতৃপ্তি, সম্মুখেও অনন্ত অতৃপ্তি। তাই দ্বিগন্তবিশ্লুক মহাসাগর দেখিয়া আমাদেরিগের প্রাণ উখলিয়া উঠে। সাগরসখা কবি চিন্তরঞ্জন এই অতৃপ্তি অনুভব করিয়াই সমুদ্রসম্বোধনে বলিতেছেন :—

“এ পার ও পার করি, পারি না ত আর।

আজ মোরে লয়ে যাও অপারে তোমার।

পরান ভাসিয়া গেছে কূল নাহি পাই,

তোমার অকূল বিনা কোথা তার ঠাই।”

আমরা এপারও চাই না, ওপারও চাই না, অপার চাই, অকূল চাই। অতীত ও ভবিষ্যৎ দুই দিকেই দেশ ও কালের অনন্তদার ভিন্ন আমরা কিছুতেই সন্তুষ্ট হইতে পারি না। কার্ল হিল ইহা লক্ষ্য করিয়াই বলিয়াছিলেন :—“Man is a visible mystery walking between two eternities and two infinitudes.” ‘মানুষ দুই অনন্ত কাল ও দুই

অনন্ত দেশের মধ্যস্থলে একটি ভ্রমণশীল দৃশ্যমান রহস্য।
‘ভ্রমণশীল অর্থাৎ জন্ম হইতে মৃত্যু অবধি চলিতেছে। সকলেই
দেখি কিন্তু তবু কিছুই বুঝিয়া উঠিতে পারি না, তাই দৃশ্যমান
রহস্য।

অব্যক্তাদীনি ভূতানি ব্যক্তমধ্যানি ভারত।

অব্যক্তনিধনাস্তোব—”

ভগবদ্গীতা ২, ২৮।

‘—আদি জানিতে পাই না, শেষও জানিতে পাই না।’

এ জগতে যেন এই অনন্ত প্রসারের মধ্যে কেবলই কে
আটক উপস্থিত করিতেছে। যখন এই আটকবোধ হইতে মুক্ত
হই, তখনই আপনস্বরূপে প্রতিষ্ঠিত হই। বেহেতে আত্মবুদ্ধির
বিরাম যখন, আটকবোধ শেষ তখন।

যদি দেহং পৃথক্ কৃৎসি চিদি বিশ্রাম্য তিষ্ঠসি।

অধুনৈব সুখী শান্তো বন্ধমুক্তো ভবিষ্যসি ॥

অষ্টাবক্রসংহিতা।

—‘যদি দেহ পৃথক করিয়া চিতে বিশ্রাম করিতে পার,
এখনই, এই মুহূর্ত্তই সুখী, শান্ত ও বন্ধমুক্ত হইবে।’

চিতের মূলধর্ম্মই অসীমত্ব। দার্শনিক পুঙ্কব হেগেল
বলিতেছেন :—

“It is speaking rightly, the very essence
of thought to be infinite. The nominal ex-
planation of calling a thing finite is that it

has an end, that it exists up to a certain point only, where it comes into contact with and is limited by its other. The finite therefore subsists in reference to its other, which is its negation and presents itself as its limit. Now, thought is always in its own sphere, its relations are with itself and it is its own object. In having a thought for object, I am at home with myself. The thinking power, the 'I' is therefore infinite, because when it thinks, it is in relation to an object which is itself. Generally speaking, an object means a something else, a negative confronting me. But in the case where thought thinks itself, it has an object which is at the same time no object ; in other words, its objectivity is suppressed and transformed into an idea. Thought, as thought, therefore in its unmixed nature involves no limits ; it is finite only when it keeps to limited categories which it believes to be ultimate."

—‘সত্য বলিতে গেলে চিন্তের মূলধৰ্ম্মই অসীমত্ব। কোন পদার্থ সসীম বলিলে বুঝায়, তাহার শেষ আছে, যে স্থলে তদিত্তর বস্তুৰ সহিত সংস্পৃষ্ট হইয়া প্রতিবন্ধ হয়, সেইখানেই তাহার অন্ত। সসীম পদার্থ তদিত্তর পদার্থের সহিত সন্মুখ এবং উদ্ধারা নিরাকৃত ও সীমাগত হয়। চিৎ স্বলোকে অবস্থিত, তাহার

সম্বন্ধ নিজের সঙ্গে ; আপনিই আপনার চিন্তার বিষয় ; যখন চিৎই বিষয়ী ও চিৎই বিষয় তখন আমি আমাতে অবস্থিত । চিৎ যখন চিত্তেরই বিষয় তখন চিচ্ছক্তি অর্থাৎ ‘আমি’ অসীম, কাহারও দ্বারা নিরাকৃত ও সীমাবদ্ধ নহে । চিন্তার বিষয় বলিতে সাধারণতঃ অনাত্ম কিছু বুঝায়, যাহা ‘আমি’ নহি, যাহা আত্মা নহে । সসীম অনাত্মচিন্তায় চিৎ সসীম বলিয়া প্রতিভাত হয়, কিন্তু অনাত্ম-সম্বন্ধমুক্ত চিৎ স্বপ্রকৃতি বলে অসীম ।’

মহর্ষি যাজ্ঞনন্দা তাঁহার সহধর্মিণী ব্রহ্মবামিনী মৈত্রৈয়ীকে এই আত্মতত্ত্বের উপদেশ দিয়াছিলেন :—

“যত্র হি দ্বৈতমিতি ভবতি তদিতর ইতরং পশ্যতি তদিতর^১ ইতরং জিহ্রতি তদিতর ইতরং রসয়েতে তদিতর ইতরমভিবদতি তদিতর ইতরং শূণোতি তদিতর ইতরং মশুতে তদিতর ইতরং স্পৃশতি তদিতর ইতরং বিজানাতি । যত্র তস্মৈ সর্বমাত্মৈবাত্মস্তৎ কেন কং পশ্যেস্তৎ কেন কং জিহ্রেস্তৎ কেন কং রসয়েস্তৎ কেন কমভিবদেস্তৎ কেন কং শূণ্যেস্তৎ কেন কং মশুত তৎ কেন কং স্পৃশেস্তৎ কেন কং বিজানীয়াদ্যেনেদং সর্বং বিজানাতি তৎ কেন বিজানীয়াৎ ?”

বৃহদারণ্যকোপনিষৎ ৪, ৫, ১৫ ।

—‘যেস্থলে দ্বৈতভাব থাকে তথায় একে অপরকে দর্শন করে, একে অপরের জ্ঞান হয়, একে অপরকে আশ্বাসন করে,

একে অপরের সহিত কথা কহে, একে অপরের বাণী শ্রবণ করে, একে অপরকে মনন করে, একে অপরকে স্পর্শ করে, একে অপরকে জানে। আর যেস্থলে সমস্তই আত্মা হইয়া গিয়াছে, আত্মা ভিন্ন কিছুই নাই, সেস্থলে কে কাহাকে দর্শন করে, কে কাহার জ্ঞান লয়, কে কাহাকে আশ্বাসন করে, কে কাহার সহিত কথা কহে, কে কাহার বাণী শ্রবণ করে, কে কাহাকে জানে ? যাহা দ্বারা এই সমস্ত জ্ঞাত হওয়া যায়, তাঁহাকে কিরূপে জানিবে ?

যিনি নিষ্কর্মে একটু স্থির হইতে শিখিয়াছেন, তিনিই জানেন যে সময়ে সময়ে আমরা আমাদের স্বীয় শরীর ও চতুর্পার্শ্ব জগৎ একেবারে ভুলিয়া যাইতে পারি। কিঞ্চিৎকাল স্থির হইয়া বসিলে প্রথমে বাহুজগৎ, পরে আপনার হস্ত, পদ, অঙ্গ, প্রত্যঙ্গ দূর হইতে থাকে, তৎপরে ধীরে ধীরে চিন্তাপ্রবাহ পর্য্যন্ত অবরুদ্ধ হয়। ঐত চলিয়া যায়, আজাপর থাকে না। এই অবস্থা স্মরণ করিয়াই নারদ বলিয়াছেন :—“নাপশ্চমুভয়ং যুনে।” ‘হে মুনি (ব্যাসদেব), তখন আর দুই ত পাইলাম না।’ সমস্ত ভুলিয়া গেলে একটি অনির্বচনীয় ভাবের আগম হয়। সসীম ছাড়িয়া অসীমে উপনীত হইলে যে ভাব হয়, সেই ভাব। যিনি যখন এইরূপ ভাবে আবিষ্ট হইয়াছেন, তিনি যদি তখন বিদেহ না হইয়া আপনার ভাব ব্যস্ত করিতে পারিতেন, তাহা হইলে আনন্দে নৃত্য করিতে করিতে বলিতেন :—

ক গতং কেন বা নীতং কুত্র লীনমিদং জগৎ ।

অধুনৈব যয়া দৃষ্টং নাস্তি কিং মহদুত্তম ॥

বিবেকচূড়ামণি । ৪৮৫ ।

‘এই জগৎ কোথায় গেল, কে সরাইয়া নিল, কোথায় লয়প্রাপ্ত হইল ? আমি শু এইমাত্র ইহা দেখিতেছিলাম, এখন শু নাই, কি মহাশর্চর্য্য ব্যাপার !’

বুদ্ধির্বিনষ্টা গলিতা প্রবৃন্তি ব্রহ্মাঙ্কনোরেকভয়াধিগত্যা ।

ইদং ন জানেহপ্যানিদং ন জানে কিম্বা কিম্বা সুখমশু পায়ম্ ॥

বিবেকচূড়ামণি, ৪৮৩ ।

—‘ব্রহ্ম ও জীবের একত্ব অনুভব করার আমার বুদ্ধি লয়প্রাপ্ত হইয়াছে (বুদ্ধির অতীত স্থানে উপস্থিত হইয়াছি), সংসার-প্রবৃন্তি নাশ পাইয়াছে, এখন এই জগৎও জানি না, জগতের বাহির যাহা তাহাও জানি না, ইহাতে কি যে সুখ এবং ইহার শেষে কি সুখ তাহাও জানি না ।’

বাচা বক্তুমশক্যমেব মনসা মন্তুং ন বাস্বাঙ্কতে

স্বানন্দান্মুতপূরপূরিতপরব্রহ্মাস্বখের্বেত্তবম্ ।

অন্তোরাশির্বিদীর্ণবার্ষিকশিলাস্তাবং ভজশ্চে মনো

বশ্চাংশাংশলবে বিলীনমধুনানন্দানন্দানা নিবৃর্তম্ ॥

ঐ, ৪৮৪ ।

—‘অন্তোরাশিতে বর্ষাকালীন শিলা পতিত হইয়া বেঙ্গল তাহাতেই বিলীন হইয়া যায়, আমার মনও উদ্রুপ বে সাগরের অংশাংশ-

কণার মধ্যে বিনীন হইয়া আনন্দময় হইয়া গিয়াছে, সেই স্বীয় আনন্দামৃতপ্রবাহপরিপূর্ণ ভ্রম্মসাগরের বৈভব আমি বাক্য দ্বারা প্রকাশ করিতে কিংবা মনের দ্বারা চিন্তা করিতে অথবা তাহার আশ্রয় বুঝিতে নিতান্তই অক্ষম ।’

কিং হেয়ঃ কিমুপাদেয়ং কিমশ্রুৎ কিং বিলক্ষণম্

অথশূনন্দপীযুষপূর্ণে ভ্রম্মার্গবে ॥

ন কিঞ্চিদত্র পশ্যামি ন শৃণোমি ন বেদ্যাহম্

স্বাত্মনৈব সদানন্দরূপেণাস্মি বিলক্ষণঃ ॥

ঐ, ৪৮৭ ।

—‘অথশূনন্দপীযুষপূর্ণে মার্গবে নিমগ্ন হইয়া হেয় কি, উপাদেয় কি, সামান্য কাছাকে বলে, অসামান্য বলিতে কি বুঝায়, ইহার কিছুই দেখি না, শ্রুতি না, বুঝি না; একমাত্র আপন আত্মাতে সদানন্দরূপে বিলক্ষিত হইয়া আছি ।’

আনন্দে সমস্ত একাকার হইয়াছে । বাস্তবিকই এইরূপ ভাবাবেশের সময়ে যে আনন্দপ্রাবনে শরীর, মন, বুদ্ধি, চরাচর বিশ্ব সমস্ত ডুবিয়া যায় তাহার তুলনা এ জগতে কোথায় ? আবার যখন শরীরের, মনের অস্তিত্ব-জ্ঞান হইতে থাকে তখন কষ্ট হয়, হাত খানি, পা খানি, নাড়িতে ইচ্ছা হয় না । পিঞ্জরাবদ্ধ বিহঙ্গ মুক্তাশে বিচরণ করিয়া যেমন পুনরায় পিঞ্জরে প্রবেশ করিতে কষ্টবোধ করে তেমনি কষ্ট বোধ হয় ।

ওরড্‌স্‌ওরর্থ জগতের শোভা দেখিতে দেখিতে ও টেনিসন্ আপন নাম জপ করিতে করিতে ইহা উপলব্ধি করিয়াছিলেন ।

ওয়ার্ড্‌স্‌ওয়র্থে ওয়াই নদীতীরের শোভা দেখিতে দেখিতে যে দিব্যভাব অনুভব করিয়াছেন তাহা বর্ণনা করিতেছেন :—

“That blessed mood,
In which the burthen of the mystery,
In which the heavy and the weary weight
Of all this unintelligible world
Is lightened :—that serene and blessed mood,
In which the affections gently lead us on,—
Until the breath of this corporeal frame
And even the motion of our human blood
Almost suspended, we are laid asleep
In body and become a living soul.”

—‘সেই নিস্তরঙ্গ দিব্যভাব, যাহার আগমে বিশ্বরহস্য ভেদ করিবার, এই দুর্বেদ্য পৃথিবীর সারতত্ত্ব বুঝিবার অক্ষমতা লঘু হইয়া যায়, হৃদয়ের মধুর বৃত্তিগুলি ক্রমে ধীরভাবে এমন অবস্থায় উপনীত করে যে দেহের শ্বাস, এমন কি, রক্তের গতি অবধি রুদ্ধ হইয়া আসে, দেহসম্বন্ধে নিম্মিত হইয়া পড়ি, দেহের জ্ঞান লোপ পায়, আত্মা আগ্রত জীবন্তভাব ধারণ করে।’

টেনিসন্ বলিতেছেন :—

More than once when I
Sat all alone, revolving in myself,
The word that is the symbol of myself,
The mortal limit of the Self was loosed,
And passed into the Nameless, as a cloud

Melts into Heaven. I touched my limbs, the limbs
Were strange, not mine—and yet no

shade of doubt

But utter clearness, and thro' loss of Self
The gain of such large life as match'd with ours
Were Sun to spark—unshadowable in words,
Themselves but shadows of a shadow-world."

—‘একাধিকবার একাকী নির্জনে বসিয়া আমার আমিহ পরি-
চারক যে বাক্যটি (অর্থাৎ আমার নাম) জপ ও চিন্তা করিতে
করিতে দেখিয়াছি যে আমার দৈহিক বন্ধন খুলিয়া গেল,
আকাশে যেমন মেঘ মিশাইয়া যায়, তেমনি আমার আমিহ
আত্মাতীতেন্দ্র মধ্যে মিশাইয়া গেল ; তখন দেহান্ত স্পর্শ
করিয়া মনে হইল—একি ! ইহা ত আমার নয় । কিন্তু
সন্দেহের লেশও নাই, সমস্ত পরিষ্কার দেখিতেছি—আমার আমিহ
যুচিয়া গিয়া জীবনের এমন বিস্তারলাভ করিয়াছি যে তাহার
সঙ্গে এ জীবন তুলনা করিলে সূর্যের সম্মুখে একটিমাত্র অগ্নি-
ফুলিঙ্গ যেমন, তেমনি মনে হয় ; সে ভাব বাক্যে প্রকাশ করা
যায় না, বাক্য ত ছায়াময় পৃথিবীর ছায়া মাত্র ।’

অরমেবাহমিড্যান্সিন্ সঙ্কোচে বিলয়ং গতে ।

সমস্তভুবনব্যাপী বিস্তার উপজায়তে ॥

বোগবাশিষ্ঠ । মোক্ষ । উপশম ২১, ৪ ।

‘এই শরীরই আমি’ এইরূপ সঙ্কোচ—কৃত্রায়তন জ্ঞান-সরপ্রাপ্ত
হইলেই সমস্ত ভুবনব্যাপী বিস্তার উপলব্ধি হয় ।’

ইহারই উদ্দেশ্যে চন্দ্রশেখরশিখরবিহারী কবি শশাঙ্কবোহন
আমাকে নৃত্য করিতে করিতে গাছিতেছেন :—

“খেলো ঘাব, খোল ঘাব, জাগিয়াছি আমি ;

এমনো সময় হয়, যখন মানব

আপনারে সূর্য্য বলি করে অশুভব—

সমস্ত জগৎখানি পদ্মকলি সম

কুটিছে তাহারে চাহি ; কুটে আর টুটে

নব নব বৃষ্টি পরি দেখা বে : পুনঃ

বুদ্ধ প্রপঞ্চ যেন ভূমার সাগরে :

অরূপ সে নিত্য সত্য : সে মুহূর্ত্ত আঁকি

জীবনে এসেছে মম । এ বিশ্বের পানে

চাছিতে চাছিতে, বিধে দিয়া মিলাইয়া

আপনার মাঝে আমি গেছি হারাইয়া ।”

ইহাট আত্মপ্রতিষ্ঠা অথবা সচ্চিদানন্দপ্রতিষ্ঠার প্রাক্কান্দ



পাক: আমি ও কাঁচ: আমি

অঙ্ক সচ্চিদানন্দরূপ ; অহং নহে : আত্মা বিশ্বব্যাপী,
বিবর্তি, অহং সঙ্কীর্ণ, সঙ্কীর্ণক : আত্মা ব্রহ্মসংসারী
বিশ্বজননীবিধিপ্রযোচী, অহং ব্রহ্মসংসারপ্রিয় সংসারসেবী ।
আত্মা তোমার, আমার, জগতের মঙ্গল এক গলিয়া জানে ;
অহং স্বর্গের ক্ষুদ্র অবকাশের মধ্যে সহস্রবিধ পার্থক্য কর্ণ

করে। রাক্ষসের পরমহংসদেবের ভাষায় 'অহং'- 'কীচা আমি'; 'আত্মা'—'পাকা আমি'। 'পাকা আমি' দেখেন সেই

একোহবর্ণী বহুধাশক্তিব্যোগাদবর্ণাননেকানু
নিহিতার্থো দধাস্তি। শ্বেতাশ্বতর। ৪।১

'এক, বর্ণহীন, প্রয়োজন অনুসারে বিবিধ শক্তিব্যোগে অনেকবর্ণ ধারণ করেন।'

ত্রয়োময় এক কুমার বিচিত্রলীলা। তিনি দেখেন সর্বভূতের অন্তঃস্থে এক শক্তি, এক প্রবাহ। বিজ্ঞান ইহাট প্রমাণ করিতেছে। এক মহাপাণ্ডিত লিখিয়াছেন :—যে বিধি অনুসারে প্রকৃতিরও ভূমিতলে পণ্ডিত হয়, সেই বিধি অনুসারেই চন্দ্র পৃথিবীর দিকে আকৃষ্ট হন। সূর্যের বশ্মিবিপ্লবণ দ্বারা প্রকাশ পাইতেছে যে, পৃথিবীতে যে সকল ধাতু ও বাষ্প বিদ্যমান, সূর্যেতেও তাহাই বর্তমান; এমন কি অতিদূরবর্তী স্থির নক্ষত্রপুঞ্জ, গুরুপটল এবং ধূম্রবর্ণ ধূম্রকোতুও তাহাই প্রকাশ করিতেছে। আমাদেরিগের সৌরজাগতিক গ্রহগণ যে নিয়মে নিয়মিত, বিশেষ নিরীক্ষণের কালে দেখিতে পাই, যুগ্মনক্ষত্ররাজিও একে অপরকে বেস্টন করিয়া সেই নিয়মে ভ্রাম্যমান। সুতরাং সিদ্ধান্ত হইতেছে যে এই পৃথিবীর যে একতা অনুভব করি, পৃথিবীর বাহিরেও তাহাই বিরাজমান। বিজ্ঞানের গবেষণা ইহাই প্রমাণ করিতেছে যে সেলিম্ব কি নিরিন্দ্রিয়, সত্য কি নির্জীব পদার্থে, উদ্ভিদ কি চেতন রূপে, জ্ঞানভূমিতে অথবা নীতিভূমিতে,

এই পৃথিবীতে কিংবা বিশ্বের উ আনন্দে যে জ্যোতিষমণ্ডলকুল দেখিতে পাই তদ্ব্যবস্থিত আমাদের অজ্ঞাত ও কল্পব্যতীত জীবনে সর্বদাই শক্তিসীলা সঙ্গত, সমস্তলীকৃত ও এক। পাশ্চাত্য বিজ্ঞানচার্যগণ দেখাইতেছেন—তাপ, আলোক, চার্ভিত, মাগনেটিস্ম, একশক্তিরই রূপান্তর মাত্র। ভারতীয় বিজ্ঞানচার্য্য শ্রীবৃক্ষ স্তর জগদীশচন্দ্র বসু মহাশয় সঙ্গীত ও নির্জীব দেহে কয়েকটি বৈজ্ঞানিক প্রক্রিয়া দ্বারা দেখাইয়াছেন যে উভয়ত্র একই শক্তি জড়ীভা করিতেছে। তিনি প্রথমে সঙ্গীত মাংসপেশীতে নিরমিত আঘাত করিয়া সেই তড়নাতনিত বৈদ্যুতিক প্রবাহের লিপি অঙ্কিত করিয়া গইলেন। তৎপর বধাক্রমে সঙ্গীত উত্তিরদেহে ও খাতুক্ষসকে ঠিক পূর্ববৎ আঘাত করিয়া যে চিত্র পাইলেন, তাহা অবিকল মাংসপেশীর বৈদ্যুতিক লিপির অনুরূপ দেখা গেল। একথণ্ড সঙ্গীত মাংসপেশীতে ধুব ঘন ঘন আঘাত করিতে আরম্ভ করিলে প্রথমে এই আঘাতজাত বৈদ্যুতিক প্রবাহদ্বারা রেখাচিত্রে দীর্ঘ দীর্ঘ তরঙ্গরেখা অঙ্কিত হইতে লাগিল; কিন্তু বহুকণ আঘাত চলাইলে প্রবাহজ্ঞাপক নূতন রেখাগুলি ক্রমেই খর্ব্বকায় হইয়া চিত্রে অঙ্কিত হইতে দেখা গেল। পুনঃ পুনঃ আঘাতজনিত মাংসপেশীর অবসাদই এই ক্ষীণতর সাড়ার কারণ। উত্তিরদেহে ও খাতব পদার্থে পরীক্ষা করিয়া বসু মহাশয় ঐরূপ অবসাদ-জ্ঞাপক অবিকল চিত্র দেখিলেন। উত্তিরদেহে বা কোন খাতুপিণ্ডে ঘন ঘন আঘাত কর, সুদীর্ঘ রেখাময় চিত্রদ্বারা

ইহাঙ্গিগের সাড়ার সুন্দর পরিচয় পাইবে। বহুক্ষণ আঘাত চালাইলে প্রাণিদেহের স্তায় ইহারাও ক্রান্ত হইয়া পড়িবে, তাহার কলে চিত্রে কতকগুলি কীর্ণ ও খর্ব্বরেখা অঙ্কিত দেখিবে। ক্রান্তি অপনোদনের ক্রম ক্রিয়াকাল আঘাত ক্রান্ত রায়, বিশ্রান্ত প্রাণীর স্তায় উদ্ভিদ ও ধাতু উভয়ই বলসঙ্কর করিয়া লইলেন। তখন আবার আঘাত করিলে পূর্বের স্তায় স্তম্ভায় রের) অঙ্কিত হইবে, অবসাদজ্ঞাপক খর্ব্বরেখা দেখিবে না। বিষপ্রয়োগ করিলে প্রাণিদেহে যে মৃত্যুলক্ষণ দেখা যায়, বহু মহাশয় উদ্ভিদ ও ধাতুতে প্রায়ই দেখিতে পাইলেন। প্রথমে সস্তর মাংসপেশীকে তীব্র পটাস দ্বারা বিদ্যাক্ত করিয়া বারবার চিন্টি কাটিয়া মোচড় দিয়া, তাহাতে সাড়ার কোমল লক্ষণ পাইলেন না, সাড়াঙ্গাপক রেখাচিত্রে এক দীর্ঘ ক্ষুরেরখাদ্যের মাংসপেশীর মৃত্যু সূচিত হইল। পরে সুস্থ উদ্ভিদ ও ধাতুদেহ পূর্ব্বোক্ত প্রকারে বিষসংযুক্ত করিয়া ইহাঙ্গিগের সাড়াচিত্রে মৃত্যুলক্ষণ দেখিলেন। কতকগুলি পদার্থ ব্যবহারে প্রাণী যেমন মৃত হইয়া উদ্ভেজনার লক্ষণ প্রকাশ করে, সেই মতল পদার্থ ধাতু ও উদ্ভিদে প্রয়োগ করিয়া বহু মহাশয় উভয়েই তজ্জন মস্তক ও উদ্ভেজনার লক্ষণ দেখিতে পাইয়াছেন। ক্রোরোকরম প্রভৃতি কতকগুলি বিশেষ বিশেষ পদার্থের বায়ু জামরা অনেকেই দেখিয়াছি। এই সকল পদার্থ ব্যবহার করিলে প্রাণী লুপ্তসংজ্ঞ হইয়া পড়ে এবং জীবনক্রিয়া অতি স্বীপ্তাবে চলিতে থাকে। উদ্ভিদ ও ধাতব

পদার্থে ক্রোরোকরম ইত্যাদির প্রয়োগফলেও তিনি তদবস্থ প্রাণীর লক্ষণ দেখিতে পাইয়াছেন।

প্রকৃতিবিজ্ঞান নানারূপ ক্রিয়া সাহায্যে যে সিদ্ধান্তে উপনীত হইতেছেন, কবি টেনিসন্ তাহা উপলক্ষি করিয়া ভগ্নপ্রাচীরমধ্যগত একটি পুষ্প হস্তে তুলিয়া বলিতেছেন :—

‘হে পুষ্প, তুমি কি যদি বৃক্ষিতে পারিতাম, তাহাতেই ভগবান্ এবং মানব কি তাহাও বৃক্ষিতাম।’

একটি সামান্য কুসুমতরু বৃক্ষিলে বিশ্বস্তার অগুদশী উইতে পারিতাম। সত্তা দুয়েরই এক। কাইন্ট টলস্টয় স্বীয় জীবনের কথা বলিতে বলিতে একস্থানে বলিয়াছেন :

I was all alone and it seemed to me that mysterious, majestic Nature, the attractive bright disc of the moon, which had for some reason stopped in one undefined spot in the pale blue sky, and yet stood everywhere and as it were filled all the immeasurable space, and myself, insignificant worm, defiled already by all petty wretched human passions, but with all the immeasurable mighty power of love, it seemed to me in those minutes that Nature and the moon and I were one and the same."

‘আমি একাকী ছিলাম, আমার মনে হইল, রহস্যময়ী মহিমা-হিতা প্রকৃতিদেবী ও মনোহর উজ্জ্বল চন্দ্রমা যিনি মলিন নীল

আকাশে কোন কারণে এক অনির্দিষ্ট স্থানে অবস্থিত হইয়া
ও সর্বত্র ব্যাপিতা, অগণিত দেশ পূর্ণ করিয়া বিরাজমান ; আর
আমি ভুচ্ছ কীট, ইতর জঘন্য রিপুভাড়াইয়া কলুধিত অথচ
প্রেমের অপ্রমের দুর্জয় শক্তিশালী ; সেই মুহূর্ত্তে আমার মনে
হইল :—প্রকৃতি চন্দ্রমা ও আমি এক ও অভিন্ন ।’

অধ্যাত্মবিজ্ঞানবলে ঋষিগণ এই রহস্য প্রত্যক্ষ করিয়া-
ছিলেন । তাই সেই ‘এক অবর্ণ ভূমা’ই “পাকা আমি”র কর্ম-
কেন্দ্র । ‘কাঁচা আমি’ সর্বত্র পার্থক্য দর্শন করিয়া আপনার
ক্ষুদ্র পুঁটুলীটিকেই কর্মাকেন্দ্র করিয়া লয় । “কাঁচা আমি”
বলে ‘আমি, আমি’ ; “পাকা আমি” বলেন ‘তিনি, তিনি’ । সুতরাং
“পাকা আমি” করেন ‘কর্মযোগ’, “কাঁচা আমি” হয় ‘কর্মভোগ’
এই “কাঁচা আমি”র ভাড়াইয়া কবি অস্তির হইয়া গাঠিলেন :—

‘আর আমায় আমি নিজের শিরে বইব না ।

আর নিজের দ্বারে কাঙ্গাল হয়ে রইব না ।

* * *

বাসনা মোর মাঝেই পবন করে সে—

আলোটি তার নিবিয়ে ফেলে নিম্নেবে ।’

মানুষ প্রকৃত শক্তি সঞ্চয় করিয়াও রিপুবশে ‘কাঁচা
আমি’কে মহীরান করিতে বাইয়া আপনার আলোটি নিবিয়ে
ফেলে ।

দক্ষবজ্রের আঘাতিকাটি ধরা ইহাই উদারুত হইয়াছে ।

অশেষ গুণালঙ্কৃত হইয়াও দক্ষ কর্তাকে ভুলিয়া তাঁহার

“কাঁচা আমি”কে উচ্চাঙ্গনে বসাইতে গিয়া আপনার মুণ্ড
হাগমুণ্ডে পরিণত করিলেন। দক্ষ সত্যই দক্ষ অর্থাৎ সংসার-
ব্যাপারে দক্ষপুরুষ। তাঁহার বোড়শ কস্তা। তন্মধ্যে—

ত্রয়োদশদাক্ষর্য্যার তথৈকামগরে বিভূঃ।

পিতৃভ্য একাঃ মুক্তেভ্যো ভবায়ৈকাঃ ভবচ্ছিদে ॥

ভাগবত। ৪।১।১৮

‘ত্রয়োদশ ধর্ম্মকে, একটি অগ্নিকে, একটি সংযত পিতৃগণকে
ও একটি ভবরোগহস্তা মহাদেবকে সম্প্রদান করিলেন।’

শ্রদ্ধামৈত্রীদয়াশান্তিস্থষ্টিঃ পুষ্টিঃ ক্রিয়োগ্নিতঃ।

বুদ্ধিমৈধাতিতিকাহ্নীমূর্ত্তিধর্ম্মস্ত পত্নয়ঃ ॥

শ্রদ্ধা, মৈত্রী, দয়া, শান্তি, তৃষ্টি, পুষ্টি, বুদ্ধি, মেধা, তিত্তিকা,

স্ত্রী ও মূর্ত্তি—এই ত্রয়োদশটি ধর্ম্মের পত্নী।

শ্রদ্ধাহসূয়ত শুভং মৈত্রী প্রসাদমভয়ং দয়া।

শান্তিঃ স্তব্ধং যুদং তৃষ্টিঃ স্ময়ং পুষ্টিরসূয়ত ॥

বোগং ক্রিয়োগ্নতিদর্পমর্গং বুদ্ধিরসূয়ত।

মেধা স্মৃতিং তিত্তিকা তৃ কেমং স্ত্রীঃ প্রভ্রয়ং স্তব্ধম্।

মূর্ত্তিঃ সর্বদগুণোৎপত্তিন রনারায়ণাবুধী ॥

‘শ্রদ্ধা শুভ নামে পুত্র প্রসব করেন, মৈত্রী প্রসাদ, দয়া
অভয়, শান্তি স্তব্ধ, তৃষ্টি হম, পুষ্টি স্ময়, ক্রিয়া বোগ, উন্নতি দর্প,
বুদ্ধি অর্থ, মেধা স্মৃতি, তিত্তিকা মঙ্গল, স্ত্রী বিনয় এবং সর্ব-
গুণোৎপত্তিস্বরূপা মূর্ত্তি নরনারায়ণ ঋষিধরকে প্রসব করেন।’

পুষ্টি হইতে স্ময়ের উৎপত্তি বলিতে বুঝি যে পুষ্টি হইলেই

তজ্জনিত এক অনির্বচনীয় আনন্দের অনুভূতি হয়। স্ময়, স্মি ধাতু, অচ্ প্রত্যয়। স্মি ধাতুর অর্থ ঈষৎ হাস্য করা। ইংরাজিতে যাহাকে Rejoicing in-one's strength বলে, স্ময় বলিতে বোধ হয় তাহাই বুঝায়। উন্নতিতে যে দর্পের জন্ম তাহাও ধর্মের ঔরসে, স্তূতরাং এ দর্প পাপক্রমিত নহে। ইংরাজিতে এই দর্পের 'honest pride' বলিয়া ব্যাখ্যা করা যাইতে পারে। বুদ্ধি হইতে অর্থের জন্ম, অর্থাৎ বুদ্ধি দ্বারা ঐঙ্গিত্য বস্তুর লাভ হয়। নৃষ্টি বলিতে প্রকৃতির প্রতিকৃতি ('phenomena') বুঝি। ইহাতেই সব রকম ও তম গুণের ক্রীড়া, তাই নৃষ্টি সর্বগুণোৎপত্তিস্বরূপ। এবং ধন্যামুরাজিত চক্ষে ইহাই ধ্যান করিলে নরনারায়ণ পরম্পর বিরূপ সম্বন্ধে সম্বন্ধ তাহা উপলব্ধি হয়। এই প্রকট বিখে—প্রকৃতির নৃষ্টিতে—যে জগৎবানের প্রকাশ তাহাই নারায়ণ বলিয়া ব্যাখ্যাত। নরনারায়ণের সৌহার্দ্য, নারায়ণ নরের—আমাদিগের—বিরূপ মঙ্গলবিধাতা, এই ত্রিগুণাত্মক প্রকট বিশ্বাসুষ্ঠান চিন্তা করিতে করিতে চিন্তে উদ্ভাসিত হয়।

ধার্মিক ব্যক্তি জ্ঞান, মৈত্রী, দয়া, শান্তি প্রভৃতি দ্বারা কি কি গুণের অধিকারী হন, দেখিলাম।

দক্ষ স্বাহানাম্নী চতুর্দশ কল্পা অগ্নিকে প্রদান করিলেন। যিনি সংসারী গৃহস্থ পূর্বোক্ত গুণগুলির অধিকারী, তাহার দেবোদ্দেশে বজ্র অবশ্যকর্তব্য বলিয়া শাস্ত্র নির্দেশ করিয়াছেন। বজ্রে উৎসর্গ করিতে “বাহা” মন্ত্র উচ্চারণ করিতে হয়।

স্বধানাত্মী কল্যাকে পিতৃগণকে অর্পণ করিলেন। ইহা দ্বারা
আদর্শ সংসারী পিতৃতর্পণ করিয়া ধন্য হন, ইহাই সূচিত হইল।

শকাব্দ দশ কনার পরে সর্বকনিষ্ঠা ষোড়শ কলা জন্মগ্রহণ
করেন। শ্রদ্ধা, মৈত্রী, দয়া, শাস্তি, তুষ্টি, পুষ্টি, ক্রিয়া, উন্নতি,
মেধা, ভিত্তিকা, হ্রী ও মৃতি এই ত্রয়োদশ শারীরিক মানসিক
ও নৈতিক শক্তি এবং তদনুবর্তী গুণগুলি অগ্রত হইলে স্বতঃই
মানুষ দেব ও পিতৃগণে অঙ্কায়িত হইয়া দেবযজ্ঞ ও পিতৃযজ্ঞ
করিয়া কৃতার্থ হন। এইরূপ উৎকৃষ্ট জীবন গঠিত হইলে
সতীত্ব জন্ম হয়, সমস্ত ব্রহ্মাণ্ডের মূলে যে শক্তি, সমস্ত অনিত্য
আনন্দের অন্তস্তলে যে নিত্য শক্তি ক্রীড়া করিতেছেন সেই
সৃষ্টিস্থিতিলয়ের মূল শক্তিকে জানিবার অধিকার হয়। যিনি
তাহাকে চিনিয়াছেন তিনিই সৃষ্টিস্থিতিলয়কে জানিয়া
তবরোগ হইতে মুক্ত হইবার অধিকারী হইয়াছেন। এই জন্মই
ওষধী কবি সতীর বিবাহ ভবরোগহস্তা ভবের সঙ্গে করিয়া
করিয়াছেন।

যিনি এই অধিকারে অচলপ্রতিষ্ঠ তিনি ব্রহ্মানন্দকে জানিয়া
সকল ভয় হইতে মুক্ত হইয়াছেন। যিনি এই অধিকার পাঠিয়াও
তাহাতে স্থিরপদবাস্তু হইতে চেষ্টা করেন না, তিনিই দক্ষের
নায় হতভাগা। দক্ষ এইরূপ উচ্চ অধিকারী হইয়াও যজ্ঞ
মহাদেবের নিমন্ত্রণ করিলেন না, তাহাকে ভুলিয়া আপনার মতিমা
প্রচার করিতে মহাডম্বরে সংসারবজ্র আরম্ভ করিলেন। কল
বাহা হইবার তাহাই হইল। সতী প্রাণত্যাগ করিলেন। যে

শক্তি মহাদেবকে আলিঙ্গন করিয়াছিলেন, দক্ষজঘরের সেই শক্তি অস্তহিতা হইলেন। যেমন সেই শক্তির অস্তর্ধান, অমনি রুদ্রভেজ বীরভঙ্গরূপে অবতীর্ণ হইয়া সমস্ত বক্ষ লণ্ডলণ্ড করিয়া দিলেন এবং দক্ষমুণ্ড ভাগমুণ্ডে পরিণত হইল। সহস্রবিধ সন্স্কৃণের অধীশ্বর চটয়া ও শত শত শুভামুষ্ঠান করিয়াও যেই মামুখ ভগনদ্বিত্যতী হয় অমনি রুদ্রবিধি অনুসারে তাহার সমস্ত স্কৃণে, সমস্ত শুভামুষ্ঠানে বহুপাত হয় এবং পশুয় তাহার মনুষ্য হরণ করে চর্যোধন নারায়ণশূন্য অর্কবুদংথাক সশস্ত্র নারায়ণ সেনা লইয়াও সর্বন্যাস্ত ও ধিক্কারস্পাদ হইলেন; অর্জুন সেনাশূন্য নিরস্ত্র নারায়ণকে লইয়া ইহলোকে পরলোকে কৃতার্থ ও বরণীয় হইলেন। এং এই অর্জুনই আবার নারায়ণ-বিরহিত চটয়া সমস্ত পূর্বোপকরণ বহুমান থাকা সত্ত্বেও সামান্য গোপগণ কর্তৃক পরিত্যক্ত হইয়া বুধিত্তিরকে বলিলেন :—

সৌহৃৎ নৃপেন্দ্র রচিতঃ পুরুষোত্তমেন

সখ্যা প্রিয়েণ সূক্তদা হৃদয়েন শূন্যঃ ।

অধনশূক্লক্রমপরিগ্রহমস্তরক্ষন

গোপৈবসন্তিদ্রবলেন বিনির্জিতোহস্মি ।

ভাগবত । ১।১৫।১০

সেই আমিই, হে নৃপেন্দ্র, আমার সখা প্রিয় সূক্তদা পুরুষোত্তমবিরহিত হইয়া শুভরাং হৃদয়ের শক্তিশূন্য হইয়া পশ্চে সেই শ্রীকৃষ্ণের পরিবার রক্ষণাবেক্ষণ করিয়া আসিতে আসিতে নীচগোপগণ কর্তৃক সামান্য অবলার ন্যায় পরাজিত হইলাম।

ভবেধনুস্ত ইববঃ সরধো হর্যাস্তে

সৌহৃৎ রথী নৃপত্তরো যত আমনস্তি ।

সর্বং ক্ষণেন তদভূতসদীশরিক্তং

ভঙ্গনং হস্তং কুহকরাক্ষসিষোপনুস্থান্ ॥

সেই ধনু, বাণও সেই, রথও সেই, ঘোড়াও সেই, ঘোড়া-
গুলি সেই, রথীও সেই আমি, নৃপত্তিগণ যাঁহাকে দেখিয়া;
মস্তক অবনত করিতেছেন, নারায়ণবিরহিত হওয়ার পলকের মধ্যে
ভঙ্গুচত পদার্থের স্থায়, মায়াবী হইতে লক ধনের স্থায়, উৎস
ভূমিতে উল্লু বীজের স্থায় তাহা সমস্ত অকর্ণশী হইয়া পড়িল !

নারায়ণশূন্য যাবতীয় উপকরণ, নারায়ণী সেনাও অকর্ণশী ।
অতএব নারায়ণশূন্য শ্রদ্ধা, মৈত্রী প্রভৃতিও অকর্ণশী । 'কাঁচা'
আমি"র এই চরিত্রা ।

এই "আমি"র দোহেই অনেক সম্রাট, সাম্রাজ্য, নীচ
পাইয়াছে, পাইতেছে ও পাইবে । দক্ষাখ্যানে ব্যক্তিগত যে
তত্ত্ব পাইলাম, স্মৃতিগত যজ্ঞেও সেই তত্ত্ব প্রতিষ্ঠিত ।

অনেক লোক দেখিতে পাই বাস্তবিক পরোপকার, ভগবতের
মঙ্গল সাধন করিতে দাতব্য চিকিৎসালয়ে লক্ষ মুদ্রা দান
করিতেছেন, দেশের কল্যাণের জন্য বহুল আয়াস স্বীকার
করিতেছেন; কিন্তু চিত্তগুপ্ত তাহা জমার ঘরে না লিখিয়া
থরচেব ঘরে লিখিয়া লইলেন । ইহারা সকলেই দক্ষের স্থায়
কৃপাপাত্র । ভগবান্কে ভুলিয়া "কাঁচা আমি"র দাস হইয়া
আপনাদিগকে হীন করিয়া রাখিয়াছেন ।

অনেক প্রাচীন জাতি দেখিতে পাই নানা সদগুণাধিকিত
 হইয়াও “কাঁচা আমি”র বড়াই করিয়া সর্বনাশ পাইয়াছেন।
 আমরাই ইহার প্রমাণ। প্রাচীন রোমীয়, গ্রীক ইহার সাক্ষ্য
 দিতেছেন। আজ কালও ইউরোপথণ্ডে আমরা “কাঁচা আমি”র
 কি আশ্চর্যিক লীলাই না প্রত্যক্ষ করিতেছি! কয়েক বৎসর
 হইল, সকলেরই মনে আছে, আমেরিকায় খেতকার জেমস্
 জেকিন্সের সঙ্গে মুষ্টিবলপরীক্ষায় কৃষ্ণকার জ্যাক্ স্নস্ন জয়লাভ
 করায় খেতকারগণের সেই পরাজয় কিরূপ অসহ্য হইয়া উঠিয়া-
 ছিল। আমেরিকার নগরে নগরে খেতকারগণ কৃষ্ণকারগণের
 প্রতি কি ক্রোধ অত্যাচার করিয়াছিল! নিউ ইয়র্ক সহরে একটি
 কাফিপল্লী ত্বরসাৎ করিয়া ফেলিয়াছিল! কাফিগণ কতপ্রকারেই
 লাঞ্ছনাভোগ করিয়াছিল! অশ্রু কোন কোন স্থলে তাহারাও
 আততায়ী হইয়াছিল। এই জাতীয় “কাঁচা আমি”র তাত্ত্বিক
 নৃত্য চলিলে ইহার ফল একদিন ভোগ করিতেই হইবে। আর
 আমামিগণের দেশে কালু ও কিকর সিংহের যে কৃষ্টি হইয়াছিল
 তাহাতে হিন্দু কিকর জয়লাভ করার কষ্ট, মুসলমানগণ ও
 আমেরিকাবাসী খেতকারগণের হ্যায় কোন বিশেষের ভাব
 প্রকাশ করেন নাই। লীলাময়ের লীলাপ্রসঙ্গে এই দেশবাসী
 সকল সম্প্রদায়েরই “কাঁচা আমি”র কয়ত দূর হইতেছে তা
 হইবে।

কর্মক্ষেত্র ।

এ জগতে ভগবানের এমনই বিধি, যাই তুমি বলিয়াছ 'আমি' ভবনি তুমি হয় হইয়াছ। বিশ্বরহস্তানুর্দশী বীণাগ্রীষ্ট বলিয়াছিলেন :—'বে আপনাকে উচ্ছে তুলিয়া ধরে সেই হীন হইবে এবং বে আপনাকে হীন করিয়া রাখে সেই উন্নত হইবে।' 'কঁচা আমি' আপনার বড়াই করিয়া অস্তির, তাই সে জগতে হীন। 'পাকা আমি' সমস্ত বিশ্ব বক্ষের উপরে রাখিয়া আপনি নীচে পড়িয়া গেলেন তাই জগৎ তাঁহাকে পরম মস্তনে অতি স্রুতি উচ্চ আসনে তুলিয়া বসাইল। এই 'পাকা আমি'ই প্রকৃত কর্মক্ষেত্র। জোসেফ ম্যাটিনিনি এই 'পাকা আমি'কে কেন্দ্র করিতে চেষ্টা করিয়াই বলিয়াছিলেন :—

"Ask yourselves, as to every act you commit within the circle of family or country, 'If what I do is done by me, for all men would it be beneficial or injurious to Humanity? And if your conscience tel. you it would be injurious, desist, desist even though it seem that an immediate advantage to your country or family would be the result.'" 'পরিবার কি দেশের জন্য যে কার্য করিতে বাইতেছ, তাহার প্রত্যেক কার্যের পূর্বে আপনাকে জিজ্ঞাসা করিবে,—'আমি বাহ্য করিতে যাউতেছি তাহা যদি সকল মানুষাই করিত এক সকলের জন্যই করা হইত, তদ্বারা সমগ্র মানবসমাজের মঙ্গল হইত কি ক্ষতি হইত? যদি জোনার

বিষেক বলে 'ক্ষতি হইত', তাহা হইলে খামিবে, স্বকীয় দেশের
কি পরিবারের উদ্দারা উৎকণ্ঠা কোন লাভ হইলেও খামিবে।'

মহাত্মা লামিনে (Lamennais) বলিতেছেন :—“When
each of you, loving all men as brothers,
shall reciprocally act like brothers ; when
each of you seeking his own well-being
in the well being of all: shall identify
his own life with the life of all, and his
own interest with the interest of all ; when
each shall be ever ready to sacrifice himself
for all the members of the Common Family,
equally ready to sacrifice themselves for him ;
most of the evils which now weigh upon the
human race will disappear, as the gathering
vapours of the horizon on the rising of the sun ;
and the will of God will be fulfilled, for it is
His will that love shall gradually unite the
scattered members of the Humanity and
organise them into a single whole, so that
Humanity may be one, even as He is one.”

যখন তোমরা প্রত্যেকে সকল মানুষকে ভাইয়ের স্থায়
জানবাসিয়া ভাইয়ের মত পরস্পরের প্রতি ব্যবহার করিবে ;
যখন তোমাদের প্রত্যেকে সকলের কল্যাণে নিজের কল্যাণ
খুঁজিয়া, সকলের জীবন ও নিজের জীবন এবং সকলের স্বার্থ
ও নিজের স্বার্থ এক করিয়া লইবে ; যখন প্রত্যেকে সেই

শ্রমক অহা পল্লিবান্ধেব্দ অঙ্গগত ব্যক্তিগণের জন্য এক তাঁহারও একজনের জন্য আত্মবলিদান করিতে প্রস্তুত হইবে ; তখন মানবজাতি যে সকল কলঙ্কের ভারে অবনত হইয়া বহিরাছে তাহার সমস্তই, সূর্য্যোদয়ে দিগন্তস্থিত কুজ্বাটিকার ন্যায় অদৃশ্য হইবে, জগবানের ইচ্ছা পূর্ণ হইবে—তাঁহার ইচ্ছাই এই যে, মানবসমাজের ইতস্ততঃ বিক্ষিপ্ত অঙ্গপ্রত্যঙ্গ ক্রমে প্রেমে সঙ্গত হইয়া ভিনি বেদন শ্রমক তেমনি এক মহাপ্রাণে পরিণত হইবে ।’

প্রসার আরও বৃদ্ধি করিয়া বিশ্বগতপ্রাণ বিদ্যুৎ এই “পাকা আমি”কেই কেন্দ্র করিতে উপদেশ দিয়াছিলেন :—

হিতং যৎ সর্বভূতানাং আত্মনশ্চ সুধাবহম্ ।

তৎ কুর্বাদীশ্বরে হেতন্মূলং সর্বার্থসিদ্ধয়ে ॥

মহাভারত । উজোগপর্ব, ৩৬.৪০

‘যাহা সর্বভূতের হিতজনক আপনার সুখপ্রদ তাহাট করিবে, কর্তার পক্ষে ইচ্ছাই সর্বার্থসিদ্ধির মূল ।’

দার্শনিকচূড়ামণি ইমানুয়েল ক্যান্টও বলিয়াছেন :—
“এমনভাবে কর্ম কর বেন তোমার কর্মের মূলসূত্র বিশ্বগতবিধি বলিয়া গ্রহণ করিতে পার ।”

উক্তয়েরই এক উপদেশ । বিশ্ব ও তুমি এক বুঝিয়া, তোমার ও বিশ্বের হিত, বিশ্বের সুতরাং তোমার—বিশ্বজ্ঞক তোমার—সঙ্কীর্ণ মনে তুমি যাহাকে ‘তুমি’ জ্ঞাব, তাহার নহে,

বিশ্বময় তোমার—সঙ্গলসাধনে তৎপর হও। রবীন্দ্রনাথের
সহিত তান মিলাইয়া বল :-

“আমার একলা ঘরের আড়াল ভেঙ্গে বিশাল ভবে
প্রাণের রণে বাহির হতে পারব কবে ?”

বিশ্বময় তোমার সঙ্গলসাধনে সচ্চিদানন্দপ্রতিষ্ঠার নামাস্তুত
মাত্র। সচ্চিদানন্দপ্রতিষ্ঠাই তোমার লক্ষ্য। সেই লক্ষ্যোন্মুখ
কার্যকরী জ্ঞানার্ক্ষ্যনী ও চিত্তরঞ্জিনী সসামঞ্জস্য অবাধ স্ফূর্তি
যাগেতে তাহাই কৰ্মযোগ।

কৰ্মযোগ স্তুতরাঃ বিষ্ণুপ্ৰীতিকাম। বিশ্ববাপী যিনি, তাঁহার
প্ৰীতিকাম। এখানে স্বার্থপরতা ও পবার্থপরতা এক।
আমার প্রয়োজন ও বিশ্বের প্রয়োজন এক। এই তানে
অনুপ্রাণিত কবিত্তেই রামপ্রসাদ গাছিয়াছিলেন :-

স্বার্থ কর, মনে কর আশ্রিত্তি দেই শ্যামা মাকে।

নগর ফির, মনে কর প্রদক্ষিণ শ্যামা মাকে ॥

ভবনগাতায় ভগবান অর্জুনের কৰ্মযোগের মূলমন্ত্র
বলিলেন :-

সঙ্গোপাৎ কৰ্মযোগেন লোকেহিহা কৰ্মবন্ধনঃ।

‘তদর্থং কৰ্ম কৌন্তেয় মুক্তসঙ্গঃ সমাচর ॥’

ভগবদগীতা । ৩। ১২

যেহে বৈ বিষ্ণুরিত্ত প্রভেঃ। বজ্র শব্দের অর্থ বিষ্ণু।
বিষ্ণুপ্ৰীতিকাম সে কৰ্ম তাহা দিলে অন্য কৰ্ম সংসারে আবদ্ধ
করে, অন্তঃপ্রব বিষ্ণুপ্ৰীত্যর্থ অনাসক্ত হইয়া কৰ্ম কর। যাদুধ

বিষ্ণুশ্রীতিকাম না হইত! সকাম হইয়া বালা করে তাহাতেই বন্ধ হয় ।

যথা লৌহময়ৈঃ পাতৈঃ পাতৈঃ স্বর্ণময়ৈরপি ।

তথা বন্ধো ভবেচ্ছীবঃ কৰ্ম্মভিশ্চাস্ততৈঃ শুভৈঃ ॥

মহানির্ব্বাণ উত্ত । ১৪, ১০২

'যেমন লৌহময় পাশ দ্বারা জীব বন্ধ হয়, স্বর্ণময় পাশদ্বারাও বন্ধ হয়, সেইরূপ অশুভ কৰ্ম্ম দ্বারা জীব যেমন বন্ধ হয়, শুভ কৰ্ম্মদ্বারাও তেমনি বন্ধ হয় ।'

বিষ্ণুশ্রীতিকাম কৰ্ম্ম দ্বারা বন্ধন হয় না ।

ন মন্যাবেশিতখিয়াং কামঃ কামায় কল্পতে ।

ভক্তিভক্তা কথিতা খানা প্রায়ো বীজায় নেষাতে ॥

ভাগবত । ১০'১২।২৬

'যেমন ভক্তিভক্ত কিম্বা কথিত (সিদ্ধ) বীজের অঙ্কুর হয় না, তেমনি যাহারা আমাতে চিত্ত নিবিষ্ট করিয়াছে তাহাদিগের বাসনামূলক কাম থাকে না । তাহারা বাসনামূল্য হইয়া ভগবানে সমস্ত কাম অর্পণ করেন ।'

নারদ ব্যাসদেবকে ত্রিতাপ—আধ্যাত্মিক, আধিভৌতিক ও আধিদৈবিক তাপ-ক্বালা হইতে মুক্ত হইবার উপায় বলিয়াছেন :—

এতৎ সংসূচিতং ব্রহ্মল্যোপত্তয়র্চিকৎসিতম্ ।

যদীশ্বরে ভগবতি কৰ্ম্ম ব্রহ্মাণি ভাবিতম ॥

ভাগবত । ১।৫।৩২

‘হে ব্রহ্মণ, ঈশ্বরে ভগবানে কৰ্ম ভাবিত করাই ত্রিতাপ-
প্রশমনের উপায়।’ যদি বল কৰ্মে ত বন্ধন হয়, বাহাতে
বন্ধন তাহাতে আবার মুক্তি হয় কিরূপে ?

আময়ে যশ ভূতানাং জায়তে যেন সূত্রত ।

তদেব জাময়ং দ্রব্যং ন পুণ্যতি চিকিৎসিতম্ ॥

ভাগবত । ১।৫।৩৩

যে প্রবেশে যে পীড়া উপস্থিত হয়, সেই দ্রব্য দ্বারা সেই
পীড়া নাশ হয় না বটে, কিন্তু দ্রব্যান্তর দ্বারা ভাবিত হইলে সেই
দ্রব্যই সেই পীড়ানাশে সমর্থ হয় ।’

এবং নৃণাং ক্রিয়াযোগাঃ সর্বের সংস্রতিহেতবঃ ।

ত এবাস্ত্রাবিনাশায় কল্পন্তে কল্পিতাঃ পরে ॥

ভাগবত । ১।৫।৩৪

‘এইরূপ মানুষের ক্রিয়া সংসারবন্ধের হেতু হইয়াও ভগবানে
কল্পিত হইলে তাহাই মুক্তির হেতু হয় ।’

মহানিৰ্ব্বাণতন্ত্রের “যথা লৌহময়ৈঃ পাশৈঃ” শ্লোকটিতে
ভগবানে অনর্পিত কৰ্মের ফল বলি হইয়াছে ।

বাহারা সকাম শুভকৰ্ম করেন :—

তে তং ভুক্ত্বা স্বর্গলোকং বিশালং স্বর্ণে পুণ্যে মর্ত্যালোকং

বিশন্তি ।

এবং ত্রয়োধর্মমমুপ্রপন্ন্য গভাগতং কামকামা লভন্তে ॥

ভগবদগীতা । ৯:২১

‘তাহারা বিশাল স্বর্গলোক উপভোগ করিয়া পুণ্যকরে

মর্ত্যালোকে প্রবেশ করেন, এইরূপ বেদ-বিহিত কর্ম্মানুষ্ঠানপর হইয়া কখনাবশে কেবল ষাতারাত করিতে থাকেন।

কিছুদিন বিপুল সুখ-স্বর্গ ভোগ করিয়া আবার দুঃখক্লিষ্ট মর্ত্যালোকে পতন; বাসন্তীকুম্ভ-সৌরভবাসিতা জ্যেৎস্নাময়ী রজনী মঞ্জুসম্ভোগের অব্যবহিত পরে সমুদলধারাসম্পাত বিষম ঝঙ্কাবাতের তীব্র তাড়না। যাঁহারা “কাঁচা আমি” প্ৰীতিকাম হইয়া কার্য্য করে তাঁহাদের ভাগ্যে এই কয়েকদিনের স্বর্গভোগও নাই। তাহারা ‘কাঁচা আমি’র জয়জয়কারের আশায় শুভ কর্ম্মের যে টুকু ফল তাহা হইতেও বঞ্চিত হয়। কিছুদিন মানুষের চক্ষে ধূলি নিক্ষেপ করিতে পারে, কিন্তু অন্তর্দর্শীকে তা আর প্রবঞ্চনা করিবার ক্ষমতা নাই। দুই-ই দুর্ভাগ্য। ‘কাঁচা আমি’প্ৰীতিকাম অধিকতর হতভাগ্য। সকাম কর্ম্মে ফলকামী হইয়া ভগবানের নিকটে প্রার্থনা আছে। ‘কাঁচা আমি’-প্ৰীতিকাম ভগবানের সিংহাসনে আপনাকে বসাইতে উছোঁগী।

নিকাম কর্ম্ম—প্ৰীতিপথে।

নিকাম কর্ম্মই সাত্বিক কর্ম্ম।

নিয়তং সঙ্গরহিতমরাগদেষতঃ কৃতম্।

অকলপেপ্রসূনা কর্ম্ম যতঃ সাত্বিকমুচ্যতে ॥

ভগবদগীতা। ১৮।২৩

‘যে কর্ম নিত্যবিহিত, আসক্তিহীন, রাগ ও ঘেরশূন্য ও
কলাকাজকারহিত হইয়া করা হয়, তাহাই সাত্বিক কর্ম।’

অসন্তোষাচরন্ কর্ম পরমাপ্নোতি পুরুষঃ ।

‘যে পুরুষ আসক্তিশূন্য হইয়া কর্ম করেন তিনি পরমপদ
প্রাপ্ত হন।’

যদি অটুটভাবে চিরদিন নিকাম কর্ম করিয়া যাইতে না
পারি, যতটুকু পারি ততটুকুই সংসারাবর্জ হইতে রক্ষা করিবে।

শ্রীকৃষ্ণ অর্জুনকে নিকামভাবে বুদ্ধ করিতে উপদেশ
দিলেন :—

স্বধ্বংসে সমে কৃৎ লাভালাভৌ জয়াজয়ৌ ।

ততো যুদ্ধায় যুক্ত্যস্ব নৈবং পাপমবাপ্যসি ॥

ভগবদ্গীতা । ২।৩৮

‘স্বধ্বংসে, লাভ অলাভ, জয় পরাজয় সমান করিয়া যুদ্ধের
জন্ম প্রস্তুত হও, তাহা হইলে পাপ স্পর্শ করিবে না।’

এইরূপ বুদ্ধিমুক্ত হইলে

কর্মবন্ধং প্রহাস্তসি ।

গীতা । ২।৩৯

‘কর্মবন্ধ নাশ করিবে।’

এবং এইরূপ নিকাম কর্মে

নেহাভিক্রমশোহস্তি শ্রত্যবায়ো ন বিত্ততে ।

যন্নমপ্যন্ত ধর্মস্য ত্রায়তে মহতো ভয়াৎ ॥

গীতা । ২।৪০

‘নিষ্কাম কর্মবোধে প্রারম্ভের দাশ নাই, কিছুই নিষ্কল হইবে না, ইহাতে প্রত্যাবারও নাই, ইহার অঙ্গ করা হইলেও তাহা সংসাররূপ মহত্তর হইতে জ্ঞান করে।’

কেহ কেহ বলেন, ‘নিষ্কাম কর্মে প্রণোদনা কোথায় ? আমি এই কল পাইব, আমার এই সুখ হইবে, তাহিলে কর্মে বেরূপ উৎসাহ উদ্ভূত হয়, নিষ্কাম কর্মে তাহা কোথায় ?’ এই প্রশ্নের উত্তর কঠিন নহে। আমরা কি প্রত্যক্ষ দেখিতেছি না, অনেক সময় আপনার সুখ অপেক্ষা পরের সুখসাধন করিতে লোক অধিকতর উৎসাহী ? কাহাকেও প্রাণের সহিত ভালবাসিলে তাহার সুখসাধনের নিকটে আপনার সুখসাধন অকিঞ্চিৎকর। পরমপ্রেমাম্পদ কোন ব্যক্তির জন্ত প্রাণবিসর্জন অতি সহজ বলিয়া মনে হয়। পিথিয়াসের জন্ত ডায়মন কেমন আনন্দে আপনার প্রাণত্যাগ করিতে প্রস্তুত হইলেন। ঘাতকগণ নারায়ণ রাও পেশোয়াকে আক্রমণ করিলে তাঁহার গুস্ত ভৃত্য নিরস্ত্র চাকালি টিলেকার স্বীয় শরীর দ্বারা প্রভুর শরীর আবরণ করিয়া কেমন নীরবে পান্থগুনিগের মুহুমূহঃ অত্রাঘাত সহিতে সহিতে প্রাণত্যাগ করিলেন। এই দেব-বন্দিত প্রাণবিসর্জনের প্রণোদনা কোথায় ? আমাদেরই দ্বায় সামান্য লোকের মধ্যেও দেখিতে পাই যঁহাকে ভালবাসি আমার কিঞ্চিৎ কষ্ট হইয়াও যদি তিনি সুখে থাকেন তাহাতে আমাদের আনন্দই হয়। পরিষ্কান্ত ক্লান্ত হইয়া দুইজন একস্থলে উপস্থিত, একজন বই দুইজনের শয়নের স্থান নাই, একপ অবস্থায় কি ইচ্ছা হয় ? তাঁহাকে নিজের অবসর

দিয়া তুমি সমস্ত রাত্রি তন্দ্রালু চক্ষে অভিকষ্টে জাগ্রৎ থাকিয়াও কি বিশেষ আনন্দানুভব কর না? এই ভাবের মাত্রা বৃদ্ধি পাইলেই প্রেমাস্পদের জন্ত প্রাণত্যাগ সহজসাধ্য ও আনন্দপ্রদ হইয়া দাঁড়ায়। কোন ব্যক্তিবিশেষের প্রতি প্রীতিনিবন্ধন যদি তাঁহার সুখ কি মঙ্গলসাধনে এইরূপ প্রণোদনা দেখিতে পাই, যে ব্যক্তি কোন ধর্ম কি সম্প্রদায়, কোন জাতি অথবা দেশকে এইরূপ ভালবাসেন, তিনি তাঁহার সুখ কি মঙ্গলসাধনের জন্ত, আমরা বাহাকে সুখ বলি, অন্যাসে তাহা সমস্তই জলাঞ্জলি দিতে, এমন কি তাঁহার 'আত্মজীবন পর্য্যন্ত বলিদান করিতে পারেন না কি? ধর্ম্মার্থত্যাগজীবিত মহাপুরুষ ও স্বদেশপ্রেমিক মহাত্মাগণের উজ্জ্বল দৃষ্টান্ত মনে কর। ধর্ম্মের জন্ত, দেশের জন্য, মৃত্যুঞ্জয় স্বরণে মৃত্যুঞ্জয় হওয়ার দৃষ্টান্ত এ দেশে কি গুপ্তাপ্য? রাজকুমার উদয়সিংহের ধাত্রী রাজপুত্র-রমণী পান্না কি প্রণোদনায় বনবীরের হস্ত হইতে উদয়সিংহকে রক্ষা করিতে যাইয়া কুমারের শয্যায় আপনার প্রাণপুস্তলী পুত্রকে রাখিয়া ভীষ্ম ছুরিকাঘাতে তাঁহার হৃদয়বিদারণ স্থিরভাবে দর্শন করিলেন? রুষ-জাপান যুদ্ধের সময় সংবাদপত্রে পড়িয়াছিলাম— এক রুষ ওহানসান নাম্নী একটি জাপানরমণীকে বিবাহ করিয়া ইয়োকোহামায় বসতি করিতেছিলেন। রুষটি স্ত্রীকে প্রাণের সকল কথাই কহিতেন, কেবল একটি ক্ষুদ্র বাক্য গোপন করিয়া রাখিতেন। কিছুতেই সেই বাক্যটি তাঁহাকে দেখিতে দিতেন না। ওহানসানের সন্দেহ হইল যে, তাঁহার স্বামী রুষপক্ষের

গুপ্তচর হইয়া জাপানীদিগের কোন মন্ত্রণাসম্বন্ধীয় কাগজ পত্র উহাতে লুকাইয়া রাখিয়াছেন। প্রিয়তম পতিসাহচর্যা অপেক্ষা স্বদেশহিতৈষণা তাঁহার হৃদয়ে প্রবলতর ও মধুরতর প্রতিভাত হইয়াছিল, তাই একদিন তাঁহার পত্রিকে সুরাপানে বিহ্বল করত বাস্তি লংয়া তাহার ভিতরের কাগজপত্র পুলিশের নিকটে উপস্থিত করিলেন। স্বামী সুরাজনিত বিহ্বলতার অপগম হওয়ামাত্র বাস্তি নিকটে নাই দেখিয়া ওহানসান কি করিয়াছেন বুঝিতে পারিলেন এবং তৎক্ষণাৎ জাপান হইতে নিরুদ্দেশ হইলেন। ওহানসান কোন প্রণোদনায় চালিত হইয়া একাতরে তাঁহার গার্হস্থ্য সুখ অতলজলে ডুবাইয়া দিলেন ? জাপানবাসিনী কয়েকটি মহিলা তাঁহাদিগের ভরণপোষণের জন্য যুদ্ধে যাওয়ার বাধা হওয়ায় স্বামিগণকে ত্যাগ করিয়া তাঁহাদিগের ভরণপোষণের দায় হইতে মুক্তি দিয়াছিলেন। এক জাপান-রমণী ক্রোধের বিরুদ্ধে পুত্রের রূপে উপস্থিত হইবার আপনাকে একমাত্র প্রতিবন্ধক দেখিয়া স্বীয় বক্ষে ছুরিকাঘাত করত শেষ মুহূর্ত্তে স্বীয় হৃদয়-শোণিত-দিগ্ধ ছুরিকা পুত্রের হস্তে সমর্পণ করিয়া তাহাকে স্বদেশমঙ্গলসাধন জন্ত রণরঙ্গে মগ্ন হইতে আদেশ করিয়া আশীর্ব্বাদ করিলেন এবং স্মিতমুখে মৃত্যুকে আলিঙ্গন করিলেন। কোথা হইতে তাঁহার প্রাণে এই প্রণোদনা উদ্দীপ্ত হইল ?

বাহারা তাঁহাদিগের প্রেমচক্রের পরিসর আরও বাড়াইয়া লইয়াছেন তাঁহারা সমস্ত জগতের মঙ্গলের জন্ত, এই ত্রয়োদশে ভগবদ্বিধিপ্রতিষ্ঠার জন্ত, জাতি ও দেশনির্ব্বিশেষে রোগ, শোক,

ভাগ ও ভগ্নদ্বিরোধীভাবে ও অনুষ্ঠান নির্মূল করিতে প্রাণের ভিতরে, এমন কি এক দ্বিবা প্রবর্তনা অনুভব করিয়া থাকেন যে তুম্বারা প্রাণোন্মিত হইয়া প্রয়োজন হইলে হাসিতে ভাসিতে প্রাণবিসর্জন করেন। ফাদার ড্যামিয়েন্ ইহার চূড়ান্ত দৃষ্টান্ত। এইরূপ সার্বভৌমিকহিত-প্রেরণায় করাসিদেশবাসী মাকুইস লাফায়ের আমেরিকাবাসিগণের পরাধীনতাশৃঙ্খল মোচন প্রয়াসে আপনার শক্তি প্রয়োগ করিতে উদ্বুদ্ধ হইয়াছিলেন। তিনি ফরাসী, আমেরিকাবাসিগণের জন্য তাঁহার কি দায় পড়িয়াছিল ? কিন্তু তিনি তা স্থির থাকিতে পারিলেন না। উনবিংশ বৎসর বয়সে যাই ইংলণ্ড ও আমেরিকার বিবাদের সংবাদ শুনিলেন অমনি আমেরিকার পক্ষে রণে যোগদান করিতে কৃতসঙ্কল্প হইলেন। কাউন্ট ডি ব্রলির উপদেশ চাহিলেন। তিনি বলিলেন, “তোমার পিতৃব্যকে ইটালীয় যুদ্ধে প্রাণত্যাগ করিতে দেখিয়াছি, তোমার পিতাকে মিশেনের সংগ্রামে মৃত্যুমুখে পতিত হইতে দেখিয়াছি; সেই বংশের একমাত্র অবশিষ্ট শাখার উন্মুলনের পরামর্শে আমি সহকারী হইতে পারি না।” লাফায়ের কিছুতেই সঙ্কল্পচ্যুত হইলেন না। ইতিমধ্যে আমেরিকাবাসিগণের কতকগুলি ঘোর বিবাদপূর্ণ পরাভয়ের বার্তা, এমন কি নিউ ইয়র্ক হইতে তাহাঙ্গিগণের পলায়নের সংবাদ পহুছিল। তিনি তাহাতেও পশ্চাৎপদ হইলেন না। তাঁহার সেই ভগৎপ্রাসী প্রীতিবাহি আতঙ্ক থক থক করিয়া জ্বলিয়া উঠিল। ফরাসীদেশস্থ আমেরিকার প্রতিনিধি ক্রাঙ্কলিন ও লী পর্যন্ত তাঁহাকে আমেরিকার

সাইতে নিবেদন করিলেন, ফ্রান্সের রাজা স্বয়ং তাঁহাকে প্রীতি-
 নিবৃত্ত করিতে চেষ্টা করিলেন। তিনি কাহারও বাধা মানিলেন
 না। নানা বিপদ উত্তীর্ণ হইয়া আমেরিকার সাইয়া প্রাণের দ্বারা
 পদদলিত করিয়া বিবিধ রণক্ষেত্রে স্বহৃদয়ের অপার মহত্ব ও
 অসমসাহসিকতার বিশেষভাবে পরিচয় দিলেন। স্বদেশের
 বিপ্লবে যে অভিনয় করিয়া তিনি যেরূপ পূজাহঁ হইয়াছেন, এত
 অল্প বয়সে আমেরিকার অধিবাসিগণের জন্য উৎসুকজীবন হইয়া
 তদপেক্ষা সহস্রগুণে বন্দনীয় হইয়াছেন। সার্কভোনীপ্রীতি-
 প্রণোদনায় নব্যভারত শিরোমণি রামমোহন রায় স্পেনদেশে
 নিরুন্নতপ্রাণসনপ্রণালী সংস্থাপনের সংবাদ জ্ঞাপন মাত্র
 কলিকাতার টাউনহলে ভোক্তা দিয়া আনন্দোৎসব করিয়াছিলেন।
 কোথায় স্পেন আর কোথায় ভারতবাসী রামমোহন ! ইংলণ্ডে
 সাইবার পাথে নেটাল বন্দরে ১৮৩০ সনের বিপ্লবের পরে
 একখানি ফরাসি জাহাজে স্বাধীনতার পতাকা উড্ডীরমান দেখিয়া
 নিবিড় আনন্দোচ্চ্বাসে অভিযান করিতে যাওয়ার চরণে জীবন
 আঘাত পাইয়া পড়ুন। সনামধন্য ঋষিপ্রতিম হার্বিট
 স্পেন্সার সার্কভৌমিক প্রীতিবলে সঙ্কীর্ণ স্বদেশ-প্রীতি-
 মণ্ডলের বহুযোজন উর্দ্ধে বিক্ষুব্ধে বিচরণ করিতেন। তিনি
 জাপানবাসী বেরণ কেনিকোর নিকটে এক পত্রে নিম্নোক্ত
 কয়েকটি কথা লিখিয়াছিলেন :—

“আপনি আমাকে অপর যে কয়েকটি প্রশ্ন করিয়াছেন
 তৎসম্বন্ধে প্রথমেই সাধারণভাবে এই উত্তর দিতেছি যে, আমার

নিবেচনায় আমেরিকায় ইউরোপবাসিদিগকে যথাসম্ভব দূরে রাখাই জাপানের রাজনীতি হওয়া সমীচীন। অধিকতর শক্তিসম্পন্ন জাতির সম্মুখে অবস্থিত হইয়া আপনাদিগের সর্বদাই বিপদের সম্ভাবনা আছে, সুতরাং বিদেশীগণকে দাঁড়াইবার স্থান যতটুকু না দিলে নয় ততোধিক দেওয়া সম্বন্ধে সর্বতোভাবে সতর্ক থাকা কর্তব্য। প্রাকৃতিক, শারীরিক ও মানসিক-শক্তিসম্ভব পদার্থাগম ও নিগম এবং বিনিময়ের জ্ঞান অশ্রোণ্ত-সংসর্গ যতটুকু অবশ্যপ্রয়োজনীয় ততটুকুর সিধান উপকারী। এই উদ্দেশ্যে প্রয়োজনীয় মাত্রাতিরিক্ত অধিকার অপর জাতিকে বিশেষতঃ অধিকতর বলশালী জাতিকে দেওয়া কদাচ কর্তব্য নহে। ইউরোপীয় ও আমেরিকাস্থ রাজশক্তির সহিত আপনাদিগের বর্তমান সন্ধির পুনর্যালোচনা দ্বারা আপনারা বিদেশীগণের বসতি ও খনচালনার জ্ঞান আপনাদিগের সমগ্র সাম্রাজ্য উন্মুক্ত করিতেছেন বলিয়া মনে হয়। একরূপ নীতি আপনাদিগের সর্বনাশ করিবে বলিয়া আমার কণ্ঠে হইতেছে। অধিকতর বলশালী জাতিবৃন্দের কোন জাতি একবার একটু প্রবেশাধিকার পাইলে সময়ে তাহা হইতে সেই জাতির পরস্বত্বগ্রাসিনীতির আবির্ভাব অবশ্যস্বাভাবী। ইহার আবির্ভাব হইলেই জাপানীদিগের সহিত সংঘর্ষ উপস্থিত হইবে, এবং জাপানবাসিগণ কর্তৃক আক্রমণ বলিয়া এই সংঘর্ষগুলি ব্যাখ্যাত হইবে, সুতরাং তাহার প্রতিশোধ লওয়া অবশ্যকর্তব্য বিবেচিত হইবে; তাহার ফলে দেশের কিঞ্চিৎশ আক্রান্ত হইবে এবং তাহা তাহাদিগের

স্বতন্ত্র ভূমিখণ্ড বলিয়া নির্দেশ করিতে বাধ্য হইতে হইবে ; ইহা হইতে ক্ৰমে অবশেষে সমগ্র জাপানসাম্ৰাজ্য পরাভূত হইবে । সৰ্ববাস্থাই আপনাদিগের এই নিয়তি পরিহার করা কঠিনসাধ্য হইবে, কিন্তু বিদেশিদিগকে আমার উল্লিখিত অধিকারের অতিরিক্ত দিলে, ইহার পথ আরও সহজ হইবে ।”

এই মহাত্মা সত্যসত্যই সমস্ত ভুবনব্যাপী বিস্তার উপলক্ষি করিয়া ধন্য হইয়াছেন ।

সার্বজনীন প্ৰীতিনিবন্ধন কৰ্ম ও বিষ্ণুপ্ৰীতিকাম কৰ্ম একই । ব্যক্তিগত, সম্প্রদায়গত কি স্বদেশ-স্বার্থগত প্ৰীতিপ্রসূত কৰ্ম বিষ্ণুপ্ৰীতিকাম হইতেও পারে, নাও হইতে পারে । ইহা ভগবদ্বিধিপ্রতিকূল হইলে আর বিষ্ণুপ্ৰীতিকাম হইবে কিরূপে ? তোমার সম্প্রদায়ের গৌরব বৰ্দ্ধনার্থ কি তোমার সাম্ৰাজ্যপিপাসা চরিতার্থ করিতে অপর সম্প্রদায়, কি অপর জাতিকে নিৰ্ব্যাতন করিলে তাহাতে বিষ্ণু প্ৰীত হইতে পারেন না । কারণ, ‘সব্-ভূম্ হায় গোপালকী !’

“সব্-ভূম্ হায় গোপাল কী

ইস্মে আটক্ কাঁহা ?

জিস্কে মন্মে আটক্ হায়

ওহি আটক্ রহা।”

আকবর যে প্রয়োজনে মান সিংহকে এই কবিতাটি প্রেরণ করিয়াছিলেন তাহা অপেক্ষা মহত্তর বিষয়ে ইহা প্রযোজ্য । সত্যই এই পৃথিবী খ্ৰীঃগোপালের, তোমার রাজ্য কি অপরের

রাজি, এইরূপ সর্কার দৃষ্টিতে দেখিবে কেন? বাহীর দৃষ্টি সর্কার, মন সর্কার, সে-ই সর্কার হইয়া রহে। যে ব্যক্তি, কি জাতি, সর্কারমানে এই উদার বিশাল জনহৃৎকে আপনীর সর্কার গভীর ভিতরে আনিতে ইচ্ছা ও চেষ্টা করে, তুমি ভগবান তাহার সর্কারতার প্রতিকল তাহাকে দিয়া থাকেন। রোমান্ কাথলিক দিগের প্রেটেক্স্যান্ট-পীড়ন ও রোমীয়-দিগের বর্বরোৎসাহনের চেষ্টার ফল ইহার দুইটি বলন্ত দৃষ্টান্ত।

পাশ্চাত্য অগ্রগণ্যের মধ্যে অনেকে সার্বজনীন মঙ্গল ভুলিয়া স্বদেশের স্বহিতাবর্দ্ধন মহাত্মত মনে করিয়াছেন। ইহাদিগকে লক্ষ্য করিয়াই হার্বার্ট স্পেন্সার বলিয়াছেন :—

“আমাদিগের দেশ—আমাদিগের দেশ—ধর্ম জানে কে? অধর্ম জানে কে?—এই ধনি আমার নিকট স্নানাহ মনে হয়। স্বদেশপ্রেমের সহিত এই ধনি মিলিত হওয়ার কিঞ্চিৎ সম্ভব বলিয়া প্রথমে প্রতীতমান হয়। কিন্তু বাহিরের আধরণ দূর করিলেই ইহার অন্তর্গত জাব যে নিতান্তই ইতর, ইহা স্পষ্ট উপলব্ধি হইবে। দুই দিকই দেখা যাক।”

“মনে কর, আমরা কোন বৈদেশিকের আক্রমণ প্রতিরোধ করিতেছি। এখানে স্বদেশহিতৈষণার ধনি ধর্মাত্মক। আত্ম-রক্ষা কেবল সম্ভব নহে, কর্তব্যও বটে। অপরাধকে মনে কর, আমরাই আক্রমক,—পরের বেশ দখল করিয়াছি, কিংবা যে জাতি যে জল চাহে না

স্বাধীনতার আন্দোলনে ভারতবর্ষকে জয়লাভ করিতে পারা যায় কিরিত্তেই, অথবা আমাদের দেশের কোন কর্মচারী ভারতবর্ষের বিরুদ্ধে অসহায়রূপে প্রাণত্যাগ পরিচালনার মন্ত্রণা করিলেন, আমরা তৎক্ষণাতঃ শাসনে প্রবৃত্ত হইলাম। যেন কর, অপর কোন জাতি সম্বন্ধে এমন কোন কার্য করা হইতেছে বাহা অসহায় বলিয়া স্বীকৃত। তখন এই স্বদেশবিহীনতার ধ্বনিতে কি বুঝিব? বাহারা আমাদের বিরোধী তাহারা ধর্ম ধরিয়া আছে; আর আমরাই অধর্ম অবলম্বন করিয়াছি। এখানে স্বদেশবিহীনতার এই ধ্বনির অর্থ—আমরা চাই ধর্মের বিচার, অধর্মের ত্যক্তকার। অর্থাৎ শরতান বাহা চায় আমরাও তাহাই চাই। কয়েক বৎসর অতীত হইল আমার ঘনের এই ভাবটি—নিশ্চয়ই ইহাকে স্বদেশ-দেবী তাহা বলা হইবে—এই ভাবটি এমনভাবে প্রকাশ করিয়াছিলাম যে, তাহা শুনিলে অনেকে চকিত হইবেন। ‘আমাদের স্বার্থানুরোধ’ বলিয়া যে দ্বিতীয়বার আফগানিস্তান আক্রমণ করা হয়, সেই সময়ে আমাদের কতকগুলি সৈন্য বিপন্ন হইয়াছে, এই সংবাদ আসিল। আর্থেনিয়াম ক্লাবে একজন বিখ্যাত সৈনিক পুরুষ—তখন তিনি কাপ্তান ছিলেন, এখন সৈন্যধ্যক্ষ—এই সংবাদের প্রতি মনোযোগ আকষণ করিলেন এবং আমণ্ড তাহার শ্রয় সম্বন্ধ হইব মনে করিয়া তাহা পাঠ করিলেন। আমি উত্তর করিলাম, ‘বাহারা ধর্ম, অধর্ম, শ্রয়, অশ্রয় না দেখিয়া বেতনের ভিত্তি আদেশ হইলেই নরবধ করিতে অগ্রসর হয়, তাহারা হত

হইলে আমি বিন্দুস্বাত্তও কৰ্ত্তবোধ করি না।' আমার এই উত্তর শুনিয়া তিনি জবাব্‌।”

“ইহার প্রত্যুত্তরে যে চীৎকার উত্থিত হইবে তাহা আমি জানি। কেহ কেহ বলিবেন, ‘এই মত গ্রহণ করিলে রাজশাসন অকৰ্ম্মণ্য হইবে, সেনা-গঠন অসম্ভব হইবে। প্রত্যেক সৈনিক কি জন্ত যুদ্ধ বাধিল তাহার বিচার করিলে কখনও কার্য্য চলিবে না। সামরিক-বিধান শক্তিশূন্য হইবে এবং যিনি আক্রমণ করিবেন তিনিই আমাদের দেশ জয় করিয়া লইবেন।’ এ চিন্তা অমূলক। স্বদেশরক্ষার জন্ত যুদ্ধকালে সৈন্যসংহতি এখনও যেমন প্রাপ্তব্য তখনও তেমনি প্রাপ্তব্য থাকিবে। এরূপ যুদ্ধে প্রত্যেক সৈনিকই ধৰ্ম্মার্থ যুদ্ধ করা কর্ত্তব্য বুঝিবে। আত্ম-রক্ষার্থ যুদ্ধ থাকিবেই; অপর দেশ কি জাতি আক্রমণমূলক যুদ্ধ থাকিবে না।”

“বলা বাইতে পারে এবং এরূপ বলা অযৌক্তিকও নহে যে, এরূপ আক্রমণমূলক যুদ্ধ না থাকিলে ত আত্মরক্ষার্থ যুদ্ধও থাকিবে না। কিন্তু কোন জাতি ত এরূপ বিধি করিতে পারে যে তাহারা আত্মরক্ষার্থ যুদ্ধ ভিন্ন পর ক্রমণমূলক যুদ্ধ করিবে না।

“কিন্তু বাহারা আমাদের দেশ—আমাদের দেশ—ধৰ্ম্মই জানে কে? অধৰ্ম্মই জানে কে?’ এইপ্রকার দ্বনি উত্থিত করে এবং যে ভাবে কিঞ্চিদূৰ্দ্ধ অসীতি দেশ আমরা আমাদের সাত্ত্বাভ্যভূক্ত করিয়াছি সেইভাবে আরও সাত্ত্বাভ্যভূক্ত করিতে ইচ্ছুক, তাহারা এরূপ সামরিক সংঘম বিরক্তির চক্ষে দেখিবেন।

তঁাহাদিগের মতে রবিবার ধর্ম্মমন্দিরে যে ধর্ম্মনীতি প্রকাশ এবং অঙ্গীকার করা হইল, সোমবার তদনুসারে কার্য্য করা অপেক্ষা যোরতর নির্বুদ্ধিতা কিছুই হইতে পারে না।”

বাহারা রাজ্যলালসায় সনাতন ধর্ম্ম ভুলিয়া যায়, বিশ্বব্যাপী শ্রমু তাহাদের “অথ অদ শতাস্তে বা” মর্মে মর্মে বুঝাইয়া দেন যে, যে জাতি সার্ব্বজনীন মঙ্গল ও স্বদেশমঙ্গল বিসংবাদী বলিয়া জানে, সেই জাতি অতিশয় মুর্থ, তাহারা আপন চরণে কুঠারাঘাত করে।

যিনি ভগবানকে ভালবাসিয়াছেন, তিনি ত সমস্ত জগৎকে আপনার ক্রোড়ে স্থান দিয়াছেন, সুতরাং সমগ্র জগতের মঙ্গল ভিন্ন তাঁহার দৃষ্টিতে অপর কিছু লক্ষ্য হয় না। ভগবানের আরাধক সমদর্শী; তিনি ছোট বড় সকলকেই ভালবাসেন।

বিজ্ঞাবিনয়সম্পন্ন ব্রাহ্মণে গবি হস্তিনি।

শুনি চৈব খপাকে চ পশুতাঃ সমদর্শিনঃ ॥

ভগবদগীতা । ৫।১৮

‘বিজ্ঞা বিনয়সম্পন্ন ব্রাহ্মণ, আর গরু, হাতী, কুকুর আর কুকুর-খাদক চণ্ডাল, সুধীগণ সকলকেই সমান চক্ষে দেখেন।’ ইহারই আভ্যন্তরীণ তত্ত্ব :—“যত্র জীবন্তত্র শিবঃ।” সুখিষ্টিরের জগৎব্যাপী প্রেম তাঁহার ও তাঁহার সারমেয়ের সংবাদ প্রচার করিতেছে। আমরািগের প্রেমচক্রে ইতর জীব ও উদ্ভিদের কি উচ্চস্থান তাহা গৃহস্থের দৈনিক পঞ্চবজ্ঞে ভূতবজ্ঞের বিধান দ্বারাই বোঝা যাইতেছে। ভূতবজ্ঞে যেমন ইতর জীবকে

তোষ্যমান করিতে হয়, তেমনি উদ্ভিহে জলসিকন করিতে হয় ।

ল্যাক্কেডিও হার্ণের “আনকেমিলিয়ার জাপান” নামক পুস্তকে পড়িয়াছি, তিনি কোন স্থানে দেখিয়াছেন—গৃহস্থ তাঁহার পালিত পশুগুলি পীড়িত না হয় ও হৃদ্যর পরে তাহাঙ্গিণের আত্মা মুখে অবস্থান করে, তৎকন্য দেবতার নিকট প্রার্থনা করেন । তিনি দেখিয়াছেন—শরীর পুঁতিবার সময়ে পশুর আত্মার জন্য প্রার্থনা হইতেছে । টোকিওর একোইন মন্দিরে পশুঙ্গিণের স্মৃতিচিহ্ন রাখা হইয়াছে, তথায় প্রত্যেক দিন প্রাতঃকালে তাহাঙ্গিণের আত্মার জন্য প্রার্থনা হয় ।

আমাদিগের তর্পণ ও পিণ্ডদানের ব্যবস্থা কি উদার বিশ্বজনীন প্রেমের পরিচায়ক ! তর্পণের মন্ত্র—

ওঁ আত্রক্ষন্তম্বপর্ষাস্তুঃ জগত্পাতু ।

—‘ব্রহ্মা হইতে তৃণশিখা পর্যাস্তু সমস্ত জগৎ তৃপ্ত হউক !’

ওঁ দেবা যক্ষাস্তথা নাগা গন্ধর্ব্বাপ্সরসোহসুরাঃ ।

ক্রুরাঃ সর্পাঃ স্তপর্নাশ্চ তরবো জিক্সগাঃ খগাঃ ।

বিজ্জাধরা জলাধারাস্তথৈবাকাল্পা মনঃ ।

নিরাহারাস্চ যে জীবাঃ পাপে ধর্ম্মে রক্তাস্চ যে ।

তেষামাপ্যায়নায়ৈতদীয়তে সলিলং ময়্যা ॥

‘সেবতা, বন্ধ, নাগ, গন্ধর্ব্ব, অ্প্সরা, অসুর, সর্প, গরুড়জাতীয় পক্ষী, বৃক্ষ, বক্রলতি জীব, বিহঙ্গগণ, বিজ্জাধর জলচর, খেচর, নিরাহার, পাপী, ধার্ম্মিক, সকলের তৃপ্তির জন্ত এই জল দিতেছি’ ।

পিশুদ্বন্দ্বের মন্ত :-

পশুযোনিং গতা চ যে পক্ষীকীটসরীসৃগাঃ ।

অথবা বৃক্ষবোনিহাস্তেভাঃ পিশুং দদামাহম্ ॥

‘পশু, পক্ষী, কীট, সরীসৃপ, বৃক্ষ—সকলকে পিশু
মিহেতি ।’

জৈনদিগের পশুচিকিৎসা ও বৃক্ষ মিক্রপার পশুরক্ষার জন্য
‘পিশুরাশোক’ প্রভৃতির বন্ধনকল্প মনে হইলে কি আনন্দ হয় !
এইরূপ সার্বভৌমিক শ্রীতি কি মধুর ! কি মধুর !

“He prayeth best who loveth best

All things both great and small ;

For the dear God who loveth us,

He made and loveth all.”

—*Coleridge.*

—‘তিনিই সর্বোৎকৃষ্ট উপাসনা করেন যিনি ছোট বড়
সকল পদার্থকেই বৎপরোনাস্তি ভালবাসেন, কেন না, সেট প্রিয়
ভগবান যিনি আমাদের ভালবাসেন তিনি সকলকেই সৃষ্টি
করিয়াছেন এবং সকলকেই ভালবাসেন ।’

সর্বভূতেষু যঃ পশ্যন্তগবন্ধাবমান্বনঃ ।

ভূতানি ভগবন্তাস্থস্তেষ ভাগবতোক্তমঃ ॥

ভাগবত ; ১।২।৪৫

—‘যিনি সকল ভূতঃ আত্মভগবন্ধাব এবং পরবাক্য ভগবানে
সকল ভূতঃ অবস্থিত আছে দর্শন করেন, তিনি ভক্তশ্রেষ্ঠ ।’

প্রীতিভূমিতে বিচরণ করিয়া নিজাম কর্মের উদ্দীপনা
কোথায় বুঝলাম।

নিজাম কর্ম—জ্ঞানপথে।

এখন জ্ঞানপথাক্রম্ ব্যক্তির কর্মকেই কি ও কর্মপ্রণোদনা
কোথায় বুঝিতে চেষ্টা করিব।

জ্ঞানের দ্বারাই ত দেখিতে পাই সমস্ত বিশ্ব ও “আমি” এক
তবেরই বিবিধরূপে প্রকাশ।

বিভক্তধ্ব ভূতেষু বিভক্তমিব চ স্থিতম্।

ভগবদ্গীতা ; ১৩।১৬

‘তিনি সমস্ত ভূতে অবিকৃত—প্রকৃতপক্ষে এক, কিন্তু বাহ্য
উপাধির পার্থক্য হেতু পৃথক পৃথক বলিয়া মনে হয়।’

অধ্যাত্মবিজ্ঞান এই সত্য প্রকাশ করিতেছেন। প্রকৃতি-
বিজ্ঞানও এই সিদ্ধান্তে উপনীত হইয়াছেন অথবা হইতেছেন।
তাই যদি হইল তবে আর ‘আমি’ রাখল কোথায় ? ‘আমি’
ও বিশ্ব ত এক : যোগবশিষ্ঠে মহর্ষি বশিষ্ঠ জ্ঞানভূমির
সোপান প্রদর্শন করিয়াছেন :—

জ্ঞানভূ মঃ শুভেচ্ছাখ্যা প্রথমা সমুদাহতা :

বিচারণা দ্বিতীয়া ম্যাস্তৃ তীয়া তন্মুমানসা ॥

মস্তাপস্তিশ্চতুর্থী স্তাস্ততোঃসংসক্তি নামিকা ।

পদার্থভাষনো ষষ্ঠী সপ্তমী তুর্যাগা গাতঃ ॥

যোগবশিষ্ঠ । উৎপত্তি । ১১৮, ৫, ৬

‘শুভেচ্ছা প্রথম জ্ঞানভূমি ; বিচারণা দ্বিতীয় জ্ঞানভূমি ;
তনুমানসা তৃতীয় ; সন্তাপস্তি চতুর্থ ; অসংসক্তি পঞ্চম ; পদার্থ-
জ্ঞাবনা ষষ্ঠ ; তুর্যাগা গতি সপ্তম ।

স্থিতঃ কিং মুঢ় এবান্মি যোকোহহং শাস্ত্রসঙ্জনৈঃ ।

বৈরাগ্যাপূর্বমিচ্ছেতি শুভেচ্ছেত্যাচ্যতে বৃথৈঃ ॥

ঐ ঐ ঐ ৮

‘আমি কেন মুঢ় হইয়া আছি, আমি বৈরাগ্যের ভাব লইয়া
শাস্ত্রালোচনা করিব ও সঙ্জনের সঠিত মিশিব, এই প্রকারের
যে ইচ্ছা, পশুতগণ তাহাকেই প্রথম জ্ঞানভূমি ‘শুভেচ্ছা’
বলিয়া থাকেন ।’

শাস্ত্রসঙ্জনসম্পর্কেবৈরাগ্যাভ্যাসপূর্বকম্ ।

সদাচারপ্রবৃত্তা যা প্রোচ্যতে সা বিচারণা ॥

ঐ ঐ ঐ ৯

‘শাস্ত্রাণুশীলন ও সঙ্জনসঙ্গতি দ্বারা বৈরাগ্যাভ্যাস পূর্বক
সত্য কি ? অসত্য কি ? স্থায়ী কি ? অস্থায়ী কি ? আত্মা
কি ? অনাত্মা কি ? কথব্য কি ? অকথব্য কি ? বন্ধন
কি ? মোক্ষ কি ? এইরূপ সদাচারপ্রবৃত্তি যে বিচার, তাহার
নাম বিচারণা ।’

বিচারণা শুভেচ্ছাভ্যাং ইন্দ্রিয়ার্থেবরক্ততা ।

যাত্র সা তনুস্তাত্বাৎ প্রোচ্যতে তনুমানি ॥

ঐ ঐ ঐ ১০

‘প্রথমে শুভেচ্ছা জ্ঞানিলে পরে সঙ্গলং বিচারণা দ্বারা ইন্দ্রিয়ভোগ্যবিষয় অতিক্রমকর জ্ঞান হওয়ার তাহাতে যে অরক্তি জন্মে, তাহার নাম তনুমানসা—অর্থাৎ তখন আর কোন বিষয়ের দিকে ধাবিত হইতে চাহে না, মনের স্থূলত্ব খুচিয়া সূক্ষ্মত্ব প্রাপ্তি হয়।’

ভূমিকাক্রিয়াজ্যাসাচ্চেতোঃপার্থে বিরভেবশাৎ ।

সত্তাপ্তানি স্থিতিঃশুদ্ধে সত্তাপত্তিরুদাহতা ॥

ঐ ঐ ঐ ১১

‘শুভেচ্ছা, বিচারণা ও তনুমানসা এই তিন জ্ঞান-ভূমি অভ্যাস করিয়া চারিদিকে প্রলোভনের বিষয়ে বিরক্তিবশতঃ যে সময়ে বিমল আত্মাতে মন স্থির হয়, সেই অবস্থার নাম সত্তাপত্তি।’

দশাচতুষ্কর্যাসাদসংসর্গফলায় যা ।

রুচসংচমৎকারাৎ প্রোক্তা সংসত্তিনামিকা ॥

ঐ ঐ ঐ ১২

‘শুভেচ্ছা, বিচারণা তনুমানসা ও সত্তাপত্তি এই চতুষ্কর জ্ঞান-ভূমি অভ্যাস করায় যে চমৎকার সাদিক ভাবের উদয় ঘটে, য’ত দ্বারা বিষয়াপত্তি সমূলে নষ্ট হয়, তাহার নাম অসংসক্তি।’

ভূমিকা পক্ষকাজ্যাসাৎ স্বাত্মরামতয়া ভূশম্ ।

অভ্যাস্ত্রাণাং বাছানাং পদার্থানামভাবনাৎ ॥

পন্নপ্রযুক্তেন চিঃ প্রকৃত্বেন বিবোধমম ।

পদার্থভাবনা নাম যতী সংজ্ঞায়তে গতিঃ ॥

ঐ ঐ ঐ ১৩, ১৪

'শুভেচ্ছা, বিচারণা, তন্মুমানসা, সত্যাপত্তি ও অসংসক্তি এই পঞ্চ জ্ঞান-ভূমির অভ্যাস দ্বারা ত্র্যকোঙে নিবৃত্তি লাভ করিলে, ভিতরের ও বাহিরের পদার্থের চিন্তা দূর হয়, এই সকল চিন্তা দূর হইয়া মেলে যে সব্ব প্রকৃত আত্মত্বের চিন্তা হয়, তাহার নাম পদার্থভাবনা।'

ভূমি যটুকচিরাভ্যাসাত্তেন্দ্রন্যামুপলভতঃ ।

যৎ স্বাত্মাবিকনিষ্ঠং সা জ্ঞেয়া তুর্য্যাগা গতিঃ ॥

ঐ ঐ ঐ ১৫

'পূর্বেকৃত ছয়টি জ্ঞান-ভূমির অভ্যাসবশতঃ আত্মপর ভেদ-জ্ঞান চলিয়া গেলে ত্র্যকোঙে যে স্বাত্মাবিকী নির্ভার উদয় হয়, তাহারই নাম তুর্য্যাগা গতি।'

যে হি রাম মহাত্মাগাঃ সপ্তমীভূমিমাগতাঃ ।

আত্মারামা মহাত্মানস্তে মহৎপদমাগতাঃ ॥

ঐ ঐ ঐ ১৬

'হে রামচন্দ্র, যে সকল মহাত্মাগ জ্ঞান-ভূমির সপ্তম অবস্থা অর্থাৎ তুর্য্যাগা গতি প্রাপ্ত হন, সেই মহাত্মাগণ আত্মারাম হইয়া ত্র্যকোঙ লাভ করেন।'

'তেন্দ্রন্যামুপলভতঃ'—তেদের উপলব্ধি নাই বলিয়া যে স্বাত্মাবিকী নির্ভার উদয় তাহাই তুর্য্যাগা গতি। এ অবস্থায় সব

একাকার, আত্মপর-ভেদ কোথায় চলিয়া গিয়াছে। সাত্বিক জ্ঞান হইলেই আর ভেদ থাকে না।

সর্বভূতেষু যেনৈকং ভাবমবায়মীক্ষতে।

অবিভক্তং বিভক্তেবু তজ্জ্ঞানং বিদ্ধি সাত্বিকম্ ॥

ভগবদ্গীতা। ১৮।২০

'সে জ্ঞানে সকল ভূতে এক অস্বাভাবের অর্থাৎ আত্মবস্তুর দর্শন হয়, সকল বিভক্ত পদার্থে এক অবিভক্ত সত্তা উপলব্ধি হয়, সেই জ্ঞানকে সাত্বিক জ্ঞান বলিয়া জানিবে।'

এক অবিভক্ত সত্তা, এক অস্বাভাব বস্তু, সূত্ররাং এক সর্বব্যাপী বিষ্ণু ভিন্ন 'আমি' 'তুমি' প্রকৃতি ভিন্ন ভিন্ন ক্ষুদ্র পদার্থ কিছুই দৃষ্টিপথে আসিতেছে না। জ্ঞানের এই উচ্চমঞ্চে আরোহণ করিলে দেখিব, তথায় আর 'আমি এই চাই', 'আমি এই ফল পাঠিব' এইরূপ সঙ্কীর্ণ ক্ষুদ্র কামনার স্থান নাই। 'অন্ন' দ্বরে সরিয়া গিয়াছে, 'ভূমা' চতুদ্দিক আলোকিত করিয়া রাখিয়াছেন। গোপ্পদের স্থলে অনন্ত প্রশান্ত সাগর প্রসারিত।

এ অবস্থায়—

জীবশুক্তা ন সজ্জন্তি স্বধনঃস্বরসস্থিতৌ।

প্রকৃতেনার্থকার্যাণি কিঞ্চিৎ কুর্ষন্তি বা ন বা ॥

যোগবাসিষ্ঠ। উৎপত্তি। ১১৮।১৮

'জীবশুক্তা—তুর্যাগাগতিপ্রাপ্ত মহাত্মাগণ—স্বধ কিংবা দুঃখে আসক্ত হন না। কোন কার্য করেন কি না করেন ভৎসন্বছে স্বতঃ প্রবৃত্তি থাকে না।' কিন্তু—

পাৰ্শ্বস্থবোধিতাঃ সন্তুঃ সৰ্বাচারক্রমাগতম্ ।

আচারমচরন্তোৰ সুপ্রবুদ্ধবদন্তম্ ॥

ঐ, ঐ, ঐ, ১৯

'পাৰ্শ্বস্থ কৰ্তৃক বোধিত হইয়া, অর্থাৎ লোকসমাজ কৰ্তৃক উদ্ভূত হইয়া সুপ্রবুদ্ধ ব্যক্তির স্থায় পুরুষানুক্রমে সমাজের যে আচার চলিয়া আসিয়াছে, তাহা পালন করেন, কিন্তু আসক্তিদ্বারা কখনও ক্ষত হন না ।'

আত্মারামতয়া তাংস্তু সুখয়ন্তি ন কাশ্চন ।

জগৎক্রিয়াঃ স্তস্যঃসুপ্তান্ রূপালোকাঃ ক্রিয়ো যথা ॥

ঐ, ঐ, ঐ, ২০

'গাঢ় নিদ্রাভিত্তক ব্যক্তিকে যেমন রূপপ্রভাবিশিষ্টা নারীগণ প্রলুক্ক করিতে পারে না, তেমনি জগতের ক্রিয়াগুলি তাঁহাদিগের প্রাণে কোন (লৌকিক) সুখ উৎপাদন করিতে পারে না, কারণ তাঁহারা আত্মাধাম—আত্মক্রৌড়ারত ; বাহ্যসুখ তাঁহাদিগের নিকটে সুদূর পরাহত ।'

বশিষ্ঠ "পাৰ্শ্বস্থবোধিতাঃ" বলিয়া ঘাহা মনে করিয়াছেন, ভগবান্ শ্রীকৃষ্ণ "চৈকৌৰ্ব লোকসংগ্রহম্" বলিয়া তাহাই বুঝাইতেছেন ।

সন্তাঃ কৰ্ম্মণাবিদ্ভাংসো যথা কুৰ্ব্বন্তি ভারত ।

কুৰ্ম্ম্যাধিভাংসুখাসক্তশ্চৈকৌৰ্ব লোকসংগ্রহম্ ॥

ভগবদগীতা, ৩২৫

'হে অর্জুন, অজ্ঞ ব্যক্তি যেমন আসক্ত—যোহাভিত্তক

হইয়া কৰ্ম করিয়া থাকে, জ্ঞানী ব্যক্তি অনাসক্ত—মোহমুক্ত হইয়া লোক-সমাজের রক্ষা ও উন্নতির জন্ত তেজস্বী কৰ্ম করিবেন।’

জ্ঞানীর কৰ্মপ্রণোদনা, বিশিষ্টের জ্বাৰ “পাৰ্শ্বস্থবোধনে” এবং শ্রীকৃষ্ণের জ্বাৰ “লোকসংগ্রহচিন্তায়।” সেই যে “সৰ্বস্বেশ্যনানঃ” “ভূতাপিত্তি” “ভূতপাল” “সেতুবিধরণ এবাং লোকানামসস্তোমায়”, লোকবিধৃত্তিসেতু, তাঁহারই সেই লোক-রক্ষার্থ জ্ঞানী কৰ্ম করিয়া থাকেন। নিজের প্রার্থনীয় কিছুই নাই—মাত্র লোকসংগ্রহ অথবা অগতে সক্তিমানক প্রতীষ্ণার জন্ত তাঁহার কৰ্মকৰ্ত্ত্ব।

জ্ঞানে যখন ‘আমি’র স্থলে ‘ভূমা’ বিস্তারমান তখন জ্ঞানীর কৰ্মকেন্দ্র যে সেই ‘ভূমা’ তাঁহা বলা নিপ্পয়োক্তম। তত্ত্বতঃ জ্ঞানী উত্তরেরই একই কৰ্মকেন্দ্র।

লোকসংগ্রহ

ব্যক্তিগত, সম্প্রদায়গত, সমাজগত, জাতীগত, রাষ্ট্রগত, উন্নতির জন্ত যে কৰ্মকরা প্রয়োজনীয়, সকলেরই এই এক কৰ্মকেন্দ্র, কারণ, মূল এক, শাখা-প্রশাখা বহু ও ভিন্ন ভিন্ন। “একোহহং বহু স্যাম্” বাহার ব্যক্তিমুচক উক্তি, তিনি এমনই জ্বাবে এই বহুত্ব প্রতিপাদন করিতেছেন যে, এমন একটি ব্যক্তি নাই বাহার আকৃতি ও প্রকৃতি অপার কাহারও আকৃতি বা

প্রকৃতির সহিত এক বন্ধা বাইতে পারে। কঠিন ছুইটি বন্ধন
 তাইয়ের আকৃতি প্রায় একরূপ হইলেও তাঁহাদের মধ্যে কঠিন
 প্রভেদ দেখিতে পাই। বৈচিত্র্য ও বৈষম্যই লীলাময়ের লীলাম
 ভিত্তি। এইরূপ পার্থক্য না থাকিলে লীলাই চলিতে পারিত না।
 তাই প্রকৃতিক গুণ এবং আভ্যন্তরীণ ও বাহ্যিক আবেষ্টন
 প্রভাবে ব্যক্তিগত, সম্প্রদায়গত, জাতগত, রাষ্ট্রগত বৈচিত্র্যের
 অন্ত নাই। কিন্তু এত বৈচিত্র্যের অন্তরালে একই রহিয়াছে।
 কেন না, বাঁহা এই অসংখ্য অস্তিত্বগুলি তিনি এক, অধিষ্ঠায়।
 প্রাকৃতিক ধর্ম, শিক্ষা, দীক্ষা, ক্রিতি, জন্ম, বায়ু, স্থানীয় বিবিধ
 দৃশ্য, স্পৃহা, ধার্ম্যাদি প্রভাবে বিভিন্ন দেশে, বিভিন্ন জাতিতে,
 বিভিন্ন সমাজে, বিভিন্ন ব্যক্তিতে বিভিন্নভাবে শক্তি ক্রিয়া করি-
 তেছে এবং তদনুসারে আচার, বিচার, স্বভাব, সংস্কৃতি, নীতি,
 ব্যবহার নীতি, নীতি পৃথক পৃথক হইলেও সকলেরই মুখা উদ্দেশ্য
 এক - সচ্ছন্দানন্দপ্রতিষ্ঠা। যেমন বিবিধ যন্ত্রের বিবিধ বায়োদি
 একজন সঙ্গীত, তেমনি অসংখ্য প্রাণীর অসংখ্য শক্তিস্বাভাব
 সচ্ছন্দানন্দপ্রতিষ্ঠাই সঙ্গীত। ব্যক্তিগত, সম্প্রদায়গত, জাতগত,
 কার্যিক, বাচক, মানসিক বিভিন্ন প্রচেষ্টা ও ভাবনা সেই এক
 মূলতত্ত্বপ্রতিষ্ঠার জন্ম পরস্পরের অভাবপূরক (Complemen-
 tary)। সেই এক আদি সত্যগুণের একতন্ত্রী গৃহস্থালী
 সাধনে অগণ্য জীব অগণ্য উপকরণ সংগ্রহ করিতেছে।
 আমার বাহা নাই তাহা তুরি আনিতেছ, তোমার বাহা নাই তাহা
 আমি আনিতেছি, এদেশে বাহা নাই তাহা ওদেশে হইতে

যোগাইতেছে, গুদেশের যাহা নাই তাহা এ দেশ দিতেছে, পৃথক পৃথক দেশে, পৃথক পৃথক ভাবে সভ্যতার ও উন্নতির ধারা চলিতেছে। এশিয়ার ধারাও ইউরোপের ধারা এক নহে, ভারতের ধারা ও ইংলণ্ডের ধারা এক নহে এবং এক দেশেও পৃথক পৃথক সম্প্রদায়ে প্রভেদ দৃষ্ট হয়। এই প্রভেদগুলি অভাবপূরক। আমি তোমা হইতে আমার অভাব পূরণ করিয়া লইতেছি, এদেশ ওদেশ হইতে অভাব পূরণ করিয়া লইতেছে। এ অভাবপূরণে যাহা সমীচীন তাহাই গণিত হইতেছে এবং সমগ্র সমীচীন সাধনের পরিণতি একে। সেই একই প্রত্যেকের লক্ষ্য। লোকসংগ্রহ তন্মুখ।

এই লোকসংগ্রহব্যাপারে প্রত্যেকই কিছু দেয়, কিছু আহরণীয় আছে। এখানে ছোট বড় কেহ নাই। সকলেই এই মহাবজ্রের যাজ্ঞিক। রাগা ও রাখাল, ব্রাহ্মণ ও চণ্ডাল, ইংরাজ ও কাফি সকলেরই এক যজ্ঞে হবনীয় কিছু চাই। প্রত্যেক ব্যক্তি, প্রত্যেক সম্প্রদায়, প্রত্যেক জাতি, প্রত্যেক রাষ্ট্রের এজগতে কিছু কর্তব্য আছে। কেহই বৃথা জন্মে নাই। একটি পরমাণুরও অস্তিত্ব বৃথা নহে। এ পৃথিবীতে কোনবস্তু, কোন ব্যক্তি নিরর্থক নহে। প্রত্যক্ষ দেখিতেছি আবর্জনার কেমন সারের উৎপত্তি! প্রকৃতি-বিজ্ঞান “খুঁটিনাটা ময়লামাটা” হইতে কত রত্ন সংগ্রহ করিতেছেন! মানুষের মধ্যে আমরা যাহাকে হীন, জঘন্য মনে করিতেছি, সেই ব্যক্তি এই মহাবজ্রে কি আহুতি দিতেছে

তাহা কি আমরা কথায় কথায় বুঝিতে পারি ? (আমি বরিশালে গোপাল মেথর নামে একটি মেথরকে জানিতাম। সে কর্তব্যনিষ্ঠায় আমাদের গুরুস্থানীয় ছিল। আর মেথরের যাহা বাহ্যিক কর্তব্য তাহাই কি হীন ? শুনিতে পাই গুরুদেব প্রভুপাদ বিজয়কৃষ্ণ গোস্বামী মহাশয় কোন স্থান হইতে স্থানান্তরে বাইবার সময়ে বিদায়কালে মেথরানীকে আহ্বান করিয়া কিঞ্চৎ বক্তৃতি দিয়া, তাহাকে ভূমিষ্ঠ প্রণতিপূর্বক গদগদস্বরে বলিয়াছিলেন—“মা, তুমি জননীর স্থায় মলমূত্র দূর করিয়া যে উপকার করিয়াছ, সে ঋণ ত শেষ দিবস সাধ্য নাই।” মেথর-মেথরানীর কার্যের মহত্ব কি আমরা কখনও মনে করি ? সত্যই ত আমরাদিগের শৈশবে মা যাহা করিতেন, যৌবনে ও বার্দ্ধক্যে তাঁহারা তাহাই করিয়া, আমরাদিগের বাসস্থান পরিষ্কৃত পরিচ্ছন্ন রাখিয়া দুর্গন্ধাদি নাশ করিয়া মানসিক প্রশান্ত ও স্বাস্থ্যের উন্নতি সম্পাদন করেন। মেথর যদি বুঝিত যে মানুষের চিত্তপ্রসাদবৃদ্ধি ও স্বাস্থ্যরক্ষার জন্য কষ্ট তাহার স্বন্ধে এই গুরুভার স্থাপন করিয়াছেন—সত্যই মার প্রাণ লইয়া আমরাদিগের মল মূত্র মুক্ত করা তাহার কর্তব্য, তাহা হইলে আর সে কখনও আপনার অদৃষ্টকে ধিক্কার দিত না, আনন্দে নৃত্য করিতে করিতে সে তাহার কার্য করিয়া যাইত। আমরাও যদি তাহার কার্যকে এই চোখে দেখিতাম তাহা হইলে আমরাও গোস্বামী মহাশয়ের স্থায় তাহা স্মরণে কৃতজ্ঞতার আনন্দ হইতাম।) কাষ্ঠচ্ছেদক যদি মনে করিত ভগবান

ভাষাকে কি কৃষ্ণকৰ্তব্যের জ্ঞানই দিয়াছেন, তঁহির কৃষ্ণকৰ্মের কাৰ্ত্তব্যের প্রত্যহ পকাশ জনের অস-
 কাঙ্ক্ষনাদি স্বজন হইতেছে, ভাষাকে কৰ্ত্তা এতগুলি লোকের
 দেহ পোষণের সহায় করিয়া রাখিয়াছেন, ভাষা হইলে
 ভাষার কৃষ্ণকৰ্মের প্রত্যেক আঘাতে অমৃত-খারা বহিতেছে
 দেখিতে পাইও; আমরাও এই ভাবে ভাষার কাৰ্য্যক-
 মিকে দৃষ্টিপাত করিলে ভাষার গলদ্বন্দ্ব শরীরের প্রত্যেক
 শ্বেদবিন্দু মুক্তাবিন্দু মনে করিতাম। কৃষক বিপ্রহর রোস্ত্রে
 চাষের সময়ে যদি মনে করিত, যে কত কত ছোকের অন্ন
 সংস্থানের জন্ত কৰ্ত্তা ভাষাকে পরিশ্রম করাইতেছেন, কি মধুর
 ব্যাপ্যরেই ভাষাকে নিযুক্ত রাখিয়াছেন, ভাষা হইলে সে ভাষার
 পরিশ্রমকে পরিশ্রম বলিয়াই মনে করিত না, আর চাষা বলিয়া
 আপনাকে কখনও হয় মনে করিত না। আমরাও যদি এইরূপ
 ধারণা লইয়া ভাষার ভূমিকৰ্ষণের দিকে দৃষ্টি করিতাম, ভাষা
 হইলে কত শ্রীতিপূৰ্ব্বক ভাষার পরিশ্রমের গুরুত্ব বুঝিতাম।
 রাজা বুঝিতেন যে, তাঁহার অন্নদাতা তাঁহার প্রজা কৃষকগণই,
 এবং ইহা বুঝিয়া কতই না ভাষাশিগ্ৰক আদর করিতেন।

যে মেধর, যে কাষ্ঠচ্ছেদক, যে কৃষক আপনাদি কৰ্ত্তব্য এই
 ভাবে বুঝিয়াছেন, তাঁহার আর নিজের আহারের চিন্তা থাকে
 না, তিনি আর তাঁহার পরিবার পোষণের জন্ত উদ্বিগ্ন থাকেন
 না, তিনি জানেন তাঁহার বন্দোবস্ত কৰ্ত্তাই করিয়া রাখিয়াছেন,
 তাঁহার কেবল কৰ্ত্তার আজ্ঞানুসারে কাৰ্য্য করিয়া যাইতে হইবে

এবং কর্তব্য যে তাঁহার বিসম্বাদ পরিবার উন্নতির কার্যে তাঁহাকে ও তাঁহার ক্ষুদ্র শক্তি প্রয়োগ করিতে নিয়াছেন—শ্রীমদ্রাজেশ্বর অতি প্রকাণ্ড সেতু-বন্ধ ব্যাপারে যে কার্তিকমর্কটারেরও কিঞ্চিদ করণীয় আছে—ইহা ভাষিণী আনন্দে ভঙ্গপূর হন। তিনি আর নিজের ভাবনা ভাবিয়া ভাবিয়া শরীর ক্ষয় করেন না, তিনি আর আপনাকে হেয় মনে করেন না, তিনি “কিছু শ্রীতিকাম” হইয়া তাঁহার কর্তব্য করিয়া যান, তিনি “লোকসংগ্রহটিকীর্ষার” তাঁহার শান্তি-ব সুব্যবহার করিয়া লন। তিনি জানেন লোকে তাঁহাকে ছীন মনে করিলে কি হইবে? তিনি যে স্বয়ং ভগবান্ কর্তৃক আদৃত, তিনি যে তাঁহার মহিমাময় লীলাসৌকর্য্যার্থ তাঁহাকেও তাঁহার কার্যে আহ্বান করিয়াছেন। তিনি চর্যকার ভক্তশ্রেষ্ঠ রবিদাসের ভাষায় গান—

সুরসুরিসাললকৃত বারুণীরে

সমুজ্জন করত নাহি পানং ।

সুরা অপবিত্র ন ত অবর জলরে

সুরগরি মিলত নাহি হোহি আনং ॥

‘মত্যা বটে, সাধুজন গঙ্গাজলকৃত সুরা পান করেন না, কিন্তু সুরা যদি গঙ্গাজলে পড়িয়া মিলিয়া যায়, তাহা হইলে সে আর অপবিত্র সুরা থাকে না, অমৃত জল বলিয়াও গণ্য হয় না।’ এই উচ্চ পদবোধে তিনি সুপ্রতিষ্ঠিত।

সুবিখ্যাত সাধু সেন্ট অগ্‌স্‌টিন এইরূপে একটি চর্যকার সম্বন্ধে দৈববাণী পাইয়াছিলেন। বহুকালব্যাপী উপত্যার পথে

আৰ্ণাভি দেবতার এই বাণী শ্রবণ করিলেন যে, আলেকজান্দ্রিয়ায় এক চৰ্মকাৰ আছেন তিনি ভক্তের রাজা। অমনি দ্রুতপদে তিনি তাঁহার শ্রীচরণ দর্শন করিতে গেলেন। যাইয়া দেখিলেন তিনি ভগবদগুহ হইয়া স্বকীয় বৃত্তি চালাইতেছেন; এবং আপনাকে অপর সকলের পদতলস্থ বলিয়া মনে করিতেছেন। তাঁহার কোন কঠোর তপস্যার প্রয়োজন হয় নাই। ভগবানকে কৰ্মকেন্দ্র করিয়া লইয়াছেন বলিয়াই বাসনাগ্রন্থি ছিন্ন হইয়াছে এবং তিনি ঐরূপ উচ্চ অধিকার প্রাপ্ত হইয়াছেন।

অপর এক সাধুর জীবনচরিতে পড়িয়াছি—তিনি চার্লিশ বৎসর ভীষণ তপস্যার পরে আদেশ শুনিলেন যে, নিকটস্থ এক গ্রামের একটি 'সং' তাঁহা অপেক্ষা অনেক উচ্চ স্থানে অধিষ্ঠিত। তিনি অমনি তাঁহার দর্শনাভিলাষী হইয়া সেই গ্রামে গমন করিলেন। তথায় তিনি দেখিলেন এক স্থানে অনেক লোকের সমাবেশ হইয়াছে, তাহারা এক সং-এর ক্রীড়া দেখিতেছে এবং উচ্চহাস্যের বোল তুলিয়াছে। তিনি তাহাদিগের নিকটে সং-এর নাম জিজ্ঞাসা করিয়া জানিলেন, যাঁগার বিষয়ে আদেশ শুনিয়াছিলেন ইনিই সেই সং : ক্রীড়া শেষ হইলে তিনি তাঁহাব পশ্চাদ্গমন করিলেন এবং কোন নিভৃত স্থানে জিজ্ঞাসা করিলেন তান কি সদনুষ্ঠান, কি তপস্যা করিয়া ভগবানের এত প্রিয় হইয়াছেন? সং ত অবাক্। তিনি বলিলেন, “আমি ত আমার কোন তপস্যা কি সদনুষ্ঠান দেখিতে পাই না।” সাধু কিছুতেই তাঁহাকে ছাড়েন না, অবশেষে অনেক অনুনয়, বিনয় ও

‘স্বস্তাধ্বস্তি’র পরে বলিলেন, “তঁা, একদিন একটি কার্যা করিয়াছিলাম, তা সেটা বেশী কিছু ভাল নয়, তবে মন্দও না।” সাধু সেই কার্যাটির বিবরণ শুনিতে চাহিলে, বলিলেন:—

“আমি ত সং সাজিয়া জীবিকা নির্বাহ করি। একদিন একটি নারী দেখিলাম, মুখ অবগুণ্ঠনে আবৃত করিয়া ভিক্ষা করিতেছেন। অমুসন্ধানে জানিলাম তাঁহার পাত ঋণের দায়ে কারাবদ্ধ। উপজীবিকার কোন পন্থা নাই বলিয়া ভিক্ষা করিতে হইতেছে। ইঁহারই বাড়ীতে আমি সং সাজিয়া কয়েকদিন পূর্বে কিঞ্চিৎ উপার্জন করিয়াছিলাম। তাঁহার কষ্ট দূর করিতে বড়ই ইচ্ছা হইল। তাঁহার পতির ঋণের পরিমাণ জানিতে চাহিলাম। শুনিলাম চারিশত মুদ্রা। গৃহে আসিয়া আমার স্বর্গীয় সহ-ধর্ম্মিণীর গহনার বাক্স খুলিলাম। তাহাতে যাহা পাইলাম তাহার মূল্য দুইশত মুদ্রার অধিক হয় না। বড় বিপদে পড়িলাম। পবে ভাবিলাম, আমি ত প্রত্যহই উপার্জন করিতেছি, কোনরূপে আমার দিন চলিয়া যাইবে, আমার সং সাজার বেশগুলি প্রায় সমস্ত বিক্রয় করিলে বোধ হয় আর দুইশত মুদ্রা পাইব। ইতা ভাবিয়া তাগাই বিক্রয় করিয়া ঋণ পরিশোধ করিলাম। তাঁহার সন্মা মুক্ত হইলেন। ইতা ত’ উল্লেখযোগ্য কিছু নহে।” সাধু বুঝিলেন ইঁতার এই কার্যের কেন্দ্র কোথায় এবং কেন ইনি ভগবৎজনগণ মধ্যে মহীয়ান হইয়াছেন। ইঁতার সঙ্কীর্ণ স্বার্থ ভুলিয়া লোকসংগ্রহচিকীর্ষায় এইরূপ কার্যা করিয়াছেন, সুতরাং এমন উচ্চপদস্থ।)

এ ক্ষেত্রে ছোট, কিছুই নাই পূর্বেরই বস্তিরাছি। মহা-
ভারতের শক্তু প্রস্থ যজ্ঞের আখ্যায়িকা তাহাই প্রমাণ
করিতেছে। যুধিষ্ঠিরের অশ্বমেধযজ্ঞ শক্তু প্রস্থ যজ্ঞের
তুলনায় অতি হীন হইয়া গেল। অশ্বমেধযজ্ঞের সমাপ্তি
হইবামাত্র এক অদ্ভুত নকুল যজ্ঞক্ষেত্রে উপস্থিত হইয়া লুটিতে
লাগিল। তাহার মস্তক ও অর্ধশরীর সুবর্ণময়। লুটিতে
লুটিতে সে বলিল, “এই অশ্বমেধযজ্ঞ শক্তু প্রস্থযজ্ঞের তুলনায়
অতি নিকৃষ্ট।” উপস্থিত ব্যক্তিগণ ইহা শুনিয়া বিস্মিত হইয়া
এই নিন্দার হেতু বিজ্ঞান করিলেন। নকুল বলিল :—
“কুরুক্ষেত্রে একটি ব্রাহ্মণ ছিলেন। উষ্ণবৃষ্টি দ্বারা জাবিক
নির্ঝর করিতেন। তাঁহার এক পত্নী, এক পুত্র ও এক পুত্রবধু
ছিল। প্রতিদিন দিবসের বর্ষভাগে উষ্ণবৃষ্টি দ্বারা যাহা
সংগৃহীত হইত তাহাই ইঁহারা ভোজন করিতেন। কোন কোন
দিন উপবাসও করিতে হইত। এক সময়ে দারুণ দুর্ভিক্ষ
উপস্থিত হইল, তখন ব্রাহ্মণপরিবারের কক্ষের উপরে কক্ষ ওড়ি
হইল। অনেক সময়েই অনাহারে থাকিতে হইত। একদিন
অতি কষ্টে ব্রাহ্মণ সামান্য কিকিৎ যব সংগত করিয়াছেন, তাহা
দ্বারা শক্তু প্রস্তুত হইল। পরিবারের চারি ব্যক্তির একে লা
কোনরূপে স্নানবৃষ্টি হইতে পারে এই পরিমাণ শক্তুক সংস্থান
হইল। সেই শক্তু বিভাগ করিয়া, ব্রাহ্মণ, ব্রাহ্মণী, পুত্র ও
পুত্রবধু আহার করিতে বসিয়াছেন, এমন সময়ে এক অতিশয়
উপস্থিত হইলেন। তাঁহাকে আহার অক্ষুণ্ণরূপে পড়ে ব্রাহ্মণ

তঁাহার অংশ গ্রহণ করিলেন। অতিথি তাহা ভক্ষণ করিয়া তৃপ্ত হইলেন না। ব্রাহ্মণী তাহা দেখিয়া তঁাহার অংশ দিলেন। তাহাতেও তঁাহার ক্ষুধা শান্ত হইল না। পুত্র তঁাহার অংশ উপস্থিত করিলেন। অতিথি তাহা ভক্ষণ করিয়াও জানাইলেন তঁাহার ক্ষুধা তখনও প্রশমিত হয় নাই। অমনি পুত্রবধূ তঁাহার ভাগ দিলেন। তাহার সুব্যবহার করিয়া অতিথি পরিভূক্ত হইলেন। ক্ষুধাক্লিষ্ট ব্রাহ্মণ পরিবার অনাহারীই রহিলেন। এই অলোকসামাস্ক দানে দিব্যধামে সেই পরিবারের জয়জয়কার শড়িয়া গেল। তঁাহারা বিষ্ণুলোকের অধিকারী হইলেন। আমি অতিথির ভুক্তাবশিষ্ট শক্তুর উপরে লুপ্তিত হইলাম। দেখিতে দেখিতে আমার মস্তক ও অর্দ্ধশরীর সুবর্ণময় হইল। দেহের অবশিষ্ট ভাগ সুবর্ণময় করিবার জন্ত তপোবন ও যজ্ঞস্থলে বিচরণ করিয়াছি। কোথাও আশা পূর্ণ হইল না। অবশেষে মহারাজ যুধিষ্ঠিরের যজ্ঞ-ক্ষেত্রে লুটিয়াও অশীর্ষক সিদ্ধ হইল না। ইহা দ্বারাই বুঝিতে পারেন, এই মহাযজ্ঞ সেই দরিদ্র ব্রাহ্মণের একপ্রস্থ শক্তূদানের সহিত কিছুতেই তুল্য হইতে পারে না।”

কোন কেন্দ্র হইতে কার্য হইতেছে তাহা বিবেচনা করিয়াই কার্যের শুদ্ধ ও অশুদ্ধ, গুরুত্ব ও লঘুত্বের পরিমাপ হয়। উল্লেখ্য ব্রাহ্মণের দানকেন্দ্র মহারাজ যুধিষ্ঠিরের দান-কেন্দ্র হইতে অনেক উচ্চ বলিয়াই তঁাহার শক্তূপ্রস্থের নিকটে মহারাজের অশ্বমেধ এত লঘু হইল।

(“জাঁহা বায়ান্ন তাঁহা তিগ্নান্ন”) গল্পটি বোধ হয় অনেকেই জানেন। এক ব্রাহ্মণ মন্যুবৃষ্টি করিয়া জীবন বাপন করিত। উদুপলক্ষে বায়ান্নটি নরহত্যা করিলে অশুভাপ উপস্থিত হইল। সে অভ্যস্ত উদ্বিগ্ন হইয়া একটি সাধুর নিকটে উপস্থিত হইয়া নিজের কর্মের জীবনবৃত্তান্ত বলিয়া তাঁহাকে জিজ্ঞাসা করিল, সে কখনও এই দুর্ভয় পাপ হইতে মুক্তি পাইবে কি না? সাধু তাহার হস্তে একটি ক্ষুদ্র কৃষ্ণবর্ণ পতাকা দিয়া বলিলেন,—“তুমি মন্যুবৃষ্টি ত্যাগ করিয়া এই পতাকা স্কন্ধে লইয়া বিচরণ করিতে থাকো, যে দিন দেখিবে ইহার কৃষ্ণবর্ণ দূর হইয়া শ্বেতবর্ণ হইয়াছে সেই দিনই জানিবে তোমার জীবনও শুভ্র হইয়াছে।” ব্রাহ্মণ চিরদিনের অভ্যাসবশতঃ একখানি খড়গ কটিদেশে ঝুলাইয়া পতাকা স্কন্ধে নানাস্থানে ভ্রমণ করিতে লাগিল। সর্বদা মনে জ্বালা কবে সেদিন আসিবে তাহার প্রতীক্ষায় উদ্‌গ্ৰীব হইয়া রহিল। একদিন হঠাৎ দেখিল একটি নির্জন কান্তারের পার্শ্বে একটি সুন্দরী যুবতী উর্দ্ধ্বাসে ধাবিতা এবং তাহারই অনতিদূরে এক নরপিশাচ তাঁহাকে ধরিবার জন্য বেগে ধাবমান। ‘ধাম্, ধাম্’ বলিয়া ব্রাহ্মণ উচ্চৈঃস্বরে চীৎকার করিতে লাগিলেন। পাষণ্ড মানিল না, স্কণ্ডের মধ্যে যুবতীটিকে আক্রমণ করিল। ব্রাহ্মণ বিদ্রাঘেণে তথায় উপস্থিত হইলেন এবং তাহাকে কোন প্রকারেই নিবৃত্ত করিতে না পারিয়া “জাঁহা বায়ান্ন, তাঁহা তিগ্নান্ন” বলিয়া খড়গাঘাতে তাহার মস্তক ছিন্ন করিয়া ফেলিলেন।

ছিন্ন মস্তকের রক্ত উর্দ্ধে ছুটিতে লাগিল, তিনিও উর্দ্ধদিকে দৃষ্টি করিয়া দেখিলেন কৃষ্ণনিশান খেত হইয়া গিয়াছে। স্বর্গে তাঁহার পরিত্রাণের দুন্দুভি বাজিয়া উঠিল। ত্রাঙ্গণ নরহত্যা ও মনুষ্যবিস্তম্বিত পাপ হইতে মুক্ত হইয়া ধস্ত হইলেন।

যে কেন্দ্র অবলম্বন করিয়া ত্রাঙ্গণ ত্রিপকাশস্তম নরহত্যা করিলেন, অর্জুনকে ভগবান সেই কেন্দ্র স্থির করিয়া বৃদ্ধ করিতে আদেশ করিলেন। দুর্ষোধানকে পাপ হইতে নিবৃত্ত করিতে বধন ব্যর্থকাম হইলেন অনন্যোপায় হইয়া ভখন পাণ্ডবগণকে যুদ্ধে প্রবৃত্ত করাইলেন। এই বৃদ্ধের উপদেশ পাণ্ডবগণের স্বার্থানুরোধে নহে,—লোকসংগ্রহার্থ। “ধর্মযুদ্ধ” বলিয়া শ্লাথোৎসাহ অর্জুনকে সংগ্রামে প্রণোদিত করিলেন।

এই কেন্দ্র লক্ষ্য করিয়া যাহা করা হয়, তাহাতেই লোকসংগ্রহ; ইহা ছাড়িয়া যাহা করা হয় তাহাতে লোক-বিগ্রহ। যে ব্যক্তি, যে সমাজ, যে জাতি, যে রাষ্ট্র এই কেন্দ্রে দৃষ্টি রাখিয়া কার্যে অগ্রসর হন, সেই ব্যক্তি, সেই সমাজ, সেই জাতি, সেই রাষ্ট্রই ধন্য। এই কেন্দ্রান্তিমুখ হইয়াই ইংলণ্ড দাসত্ব-প্রথা দূর করিয়াছিলেন। আমেরিকা যে কিলিপাইনবাসীদিগকে স্বরাজ দিতেছেন তাহাও তাঁহাদিগের এই কেন্দ্রে দৃষ্টি পড়িয়াছে বলিয়া। এই সূত্র ধারণ করিয়া যে জাতি তাঁহাদিগের সকল রাষ্ট্রকার্য্য নির্বাহ করেন, তাঁহারা জগতে বরণীয়, তাঁহারাই প্রকৃত লোকসংগ্রাহক। সর্ব্বকৃত হিতে রত না হইলে লোক সংগ্রহ হয় না। এবং তাহা হইতে

হইলেই আপনার স্বার্থগণ্ডী হইতে বাহিরে আসিতে হইবে। পরার্থবিসম্বাদী স্বার্থাবলম্বী হইলে কি হয়, অধুনা ইউরোপে যে রণচণ্ডীর তাণ্ডব-নৃত্য চলিতেছে তাহাই তাহার সাক্ষ্য দিতেছে। যে জাতি অপর কোন দুর্বল জাতির ভোগ সম্পদ দেখিয়া তাহা উদরস্থ করিতে স্বকণী লেহন করেন, অথবা যে জাতি অপর কোন জাতির জীবন-ধারা নষ্ট কিম্বা বিপথগামী করিয়া স্বকীয় শক্তি ও সম্ভায় মিলাইয়া বিজয়ঘোষণা করিতে চাহেন, তাহারাই ভগবদ্ভিদ্ৰোহী এবং তাহাদিগের কুচেকার কল অবশ্যস্বাভাবী। প্রকৃতি মূলে এক হইলেও অভিব্যক্তিতে পৃথক্ পৃথক্ ও তদনুসারে প্রত্যেক ব্যক্তি, সম্প্রদায়, জাতি ও রাষ্ট্রেরও স্বধর্ম পৃথক্ পৃথক্ এবং সেই স্বধর্ম্যানুসারেই জীবন-ধারা বিভিন্ন পথগামিনী, যদিও অবশেষে সকলেরই সাগরে পরি সমাপ্তি। এই স্বধর্মে প্রত্যেকেই অপর হইতে বলীয়ান, অস্ত্রহলে অভাবক্রটি যাহাই থাক্, এখানে সকলেই শক্তিশালী। আমরা যেমন দেখিতে পাই কাহারও কোন ইঞ্জিয়ার শক্তিহীন হইলে অপর কোন ইঞ্জিয়ার শক্তি বৃদ্ধি পায়, অন্ধ হইলেই শ্রুতি ও স্পর্শ-শক্তির বৃদ্ধি হয়, বধির হইলেই দৃষ্টি-শক্তি বৃদ্ধি পায়, তেমনি সেই অভাব-ক্রটির ক্ষতিপূরণ স্বরূপ যাহার যে স্বাভাবিকী-শক্তি অথবা স্বধর্ম-শক্তি তাহা চালনা করে দৃঢ়তর হয়। এমার্সন লিখিয়াছেন :—

“Only by obedience to his genius, only by the freest activity in the way constitutiona.

to him, does an angel seem to arise before a man and lead him by the hand out of all the wards of the prison."

“কেবলমাত্র স্বীয় ধর্মের বশবর্ত্তিতার, বাহ্যিক খাত্তগত বে
 ভাব তাহার অবাধ স্বক্ৰীতে মনে হয়, মানুষের সম্মুখে
 দিব্যদূত উপস্থিত হইয়া তাহাকে কারাগারের সকল প্রকোষ্ঠ
 হইতে হাতে ধরিয়া বাহিরে লইয়া যান।” এই উক্তি ব্যক্তি,
 সম্প্রদায়, সমাজ, জাতি, রাষ্ট্র সকলের সম্বন্ধেই প্রযোজ্য।
 যে ব্যক্তি কি জাতি আপনার স্বধর্ম ত্যাগ করিয়া পরধর্ম
 গ্রহণে অভিলাষী, সেই ব্যক্তি সেই জাতি পনের ধর্মে কুঠারা-
 ঘাত করিয়া পরকে আপনার স্বধর্মাবলম্বী করিতে উদ্যোগী
 হন, সেই ব্যক্তি সেই জাতিতে ভাগ্যহীন। সর্ব্বভূতহিতে
 মন রাখিয়া স্বকীয় ধর্মে অবস্থিত থাকিয়া অপর হইতে
 অভাব পূরণ করিয়া লইবার চেষ্টা কিংবা অপরের অভাব
 পূরণের সাহায্য করার উচ্চম লোকসংগ্রহের পন্থা। জন-
 মঙ্গলার্থ পৃথক্ পৃথক্ ধারার ত্রিবেণী-সঙ্গমে অথবা অসংখ্য-বেণী-
 সঙ্গমে মিলিত হইয়া সচ্চিদানন্দসাগরভিমুখ যাত্রাই লোক-
 সংগ্রহ।



কৰ্মযোগিলক্ষণ ।

লোকসংগ্ৰহচিকীৰ্ণ অথবা বিষ্ণুপ্ৰীতিকাম যে কৰ্ত্তা তিনিই
কৰ্মযোগী, তিনিই সাধিক কৰ্ত্তা । তাঁহার লক্ষণ শ্ৰীকৃষ্ণ
বলিতেছেন :—

মুক্তোহসঙ্কোহনহংবাহী ধৃত্বাৎসাহসম্বিতঃ ।

সিদ্ধ্যাগিছ্যোনির্বিবকারঃ কৰ্ত্তা সাধিক উচ্যতে ॥

ভগবদগীতা । ১৮।২৬

‘যিনি আসক্তিহীন, ‘আমি’ ‘আমি’ বলেন না, ধৈৰ্য ও
উৎসাহ সম্বিত এবং কৰ্মের সিদ্ধি ও অসিদ্ধি সম্বন্ধে নির্বিবকার,
তিনি সাধিক কৰ্ত্তা ।’

মুক্তসঙ্গ ।

যিনি আসক্তিহীন তিনি ত’ বন্ধনমুক্ত, স্বস্থ ও স্বাধীন !
কোন বিষয়ে আসক্তি না থাকিলে কাহারও কোন “ভোয়াকা”
রাখিবার প্রয়োজন হয় কি ?

এরূপ ব্যক্তি আসক্তিশূন্য বলিয়াই রাগদ্বेषবিমুক্ত এবং
যিনি রাগদ্বেষবিমুক্ত তিনি ভাবনাবিহীন এবং প্রসন্নচিত্ত ।

রাগদ্বেষবিমুক্তৈস্ত বিঘয়ানিস্ত্রিযৈশ্চরন ।

আত্মবশৈবিধেয়ান্য প্রসাদমধিগচ্ছতি ॥

১৯

ভগবদগীতা । ২।৬৪

‘যিনি অনুরাগ ও বিদ্বেষবিমুক্ত, আত্মবশীভূত ইন্দ্রিয়গণের
দ্বারা বিষয়ে বিচরণ করেন, সেই বিজ্ঞতম্ভা ব্যক্তি প্রসাদ লাভ

করেন।’—একুপ ব্যক্তি স্বল্প-দোলায় আন্দোলিত হন না।
সৰ্বদা সৰ্ববাহ্যায় প্রসন্ন থাকেন।

প্রসাদে সৰ্বদুখানাং হানিরস্তোপভায়তে।

প্রসন্নচেতসোহাস্ত বুদ্ধি পর্য্যবত্তিষ্ঠতে ॥

ঐ, ঐ, ৬৫।

‘প্রসাদ লাভ হইলে তাঁহার সকল দুঃখের নাশ হয়, প্রসন্ন-
চিত্ত ব্যক্তির বুদ্ধি অবিলম্বে আকাশরূপে প্রতিষ্ঠিত হয়।’

এই প্রণালীতে কৰ্ম করিয়াই জনকাদি সিদ্ধিলাভ করিয়া-
ছিলেন।

কৰ্ম্মণৈব হি সংসিদ্ধিমাশ্ৰিতা জনকাদয়ঃ।

ভগবদগীতা। ৩।২০

এইরূপ প্রসাদের প্রভাবে বুদ্ধি আশ্রিতে প্রতিষ্ঠিত হইয়াছিল
বলিয়াই জনক বলিতে পারিলেন :—

অনন্তং বস্ত মে বিস্তং যস্ত মে নাস্তি কিঞ্চন।

মিথিলায়াং প্রদগ্ধায়াং ন মে দহতি কিঞ্চন ॥

মহাভারত—শাস্তি। ১৭।২

‘আমার বিস্ত অনন্ত অথচ আমার কিছুই নাই, মিথিলা দগ্ধ
হইলে আমার কিছুই দগ্ধ হয় না।’

সুশুপ্তাবস্থিতস্তেব জনকস্ত মহীপতেঃ।

ভাবনাঃ সৰ্বভাবেভ্যঃ সৰ্বথৈবাস্ত্রমাগতাঃ ॥

যোগবাস্তিষ্ঠ—উপশম। ১২।১৩

‘জনক মহারাজ যেন সুবৃন্দাবনীয় অবস্থিত, তাই তাঁহার সফল বিষয়ের ভাবনা সর্বথা অন্তর্নিহিত হইল।’ রাজকার্যে আগ্রহ থাকিয়াও যেন সুবৃন্দ, সম্পূর্ণ জাবদাধিহীন হইয়া রহিলেন।

ভবিষ্যৎ নানুসন্ধিতে নাভীতং চিন্তয়ত্যসৌ।

বর্তমাননিমেবস্তু হসমেলাভিবর্ততে ॥

ঐ, ঐ, ঐ ১৪।

‘তিনি ভবিষ্যতে কি হইবে তাহার অনুসন্ধানে অস্থির হইলেন না, অতীতেরও চিন্তা রাখিলেন না, বর্তমান সময়টি হাসিতে হাসিতে যথাকর্তব্য করিতে করিতে যাপন করিতে লাগিলেন।’ সুতরাং সর্বদাই হাসিমুখ—অহোরাত্র প্রসন্ন। লংকেশো এই ভাবের কর্তা হইতেই উপদেশ দিয়াছেন—

“Trust no future, however pleasant.
Let the dead past bury its dead ;
Act, act in the living Present,
Heart within and God overhead.”

‘ভবিষ্যৎ যতই মধুময় হউক না, তাহাতে বিশ্বাস স্থাপন করিও না, মৃত অতীত তাহার মড়া লইয়া থাক, অতীত তোমার চিন্তার বিষয় নহে, তুমি জীবন্ত বর্তমানে ভগবানে নির্ভর করিয়া সবলে প্রসন্নচিত্তে কর্ম কর, কর্ম কর।’

মুক্তসজ্জ যিনি, তিনি রাগদ্বेषবিমুক্ত বলিয়া—‘দুঃখেবশুষ্টিগ্-
মনাঃ সুখেসু বিগতস্পৃহ বীতরাগভয়ক্রোধঃ।’

‘হৃদয়ে কখনও উন্মিত হন না, হৃদয়ের জলও উঁহাদের কন্ঠে
বোন লাগল নাই, স্তম্ভ ও ক্রোধ তখন স্থান পায় না।’

তিনি উদার। কোন মত বা সম্প্রদায়ে বন্ধ নহেন, বাহিরে
কোন সম্প্রদায়ভুক্ত থাকিলেও উঁহাতে কোন “গোঁড়ামী”
থাকিতে পারে না। তিনি বস্তুতঃ অসাম্প্রদায়িক। বন্ধনমুক্ত
বলিয়া গণ্ডীর বাহিরে আসিয়া দেখিতে পান ;—

“ভিন্ন ভিন্ন মত, ভিন্ন ভিন্ন পথ,
কিন্তু এক গন্যস্থান।”

প্রকৃতি-লীলা দেখিতে দেখিতে বহর মধ্যে সেই ‘এক’কে
উপলব্ধি করেন।

উর্দ্ধমূলোঃবাক্ষাথ এষোঃশ্বখ সনাতনঃ ।

কঠোপনিষৎ । ২।৬।১

তিনি দেখেন এই সনাতন অশ্বখ—ব্রহ্মাণ্ডব্যাপার—উর্দ্ধমূল
ও অবাক্ষাথঃ। ইহার মূল উর্দ্ধে, শাখা-প্রশাখা নিম্নে এবং
এই শাখা প্রশাখা বহু। বহুদারা একেরই লীলা সাধিত হই-
তেছে। প্রত্যেকেরই পৃথক্ কিছু করণীয় আছে, স্তম্ভরাং
“ভিন্নরুচির্হিলোকঃ।” প্রত্যেকেরই পৃথক্ ব্যক্তিত্ব আছে, বাহা
সহস্র চেষ্টা করিয়াও কেহ নাশ করিতে পারে না। সেই
ব্যক্তিত্বের আদর গোঁড়ামিশৃঙ্খ ব্যক্তি যেমন করিবে তেমন আর
কে করিবে ? মুক্তসঙ্গ জানেন—

“God fulfils Himself in many ways.”

—Tennyson.

‘ভগবান্ বহু পন্থায় স্বতন্ত্র সাধন করেন।’ তিনি বহুরূপী, তাঁহার তত্ত্ব-সাধন-পন্থাও বহু। এই বহুপন্থা লক্ষ্য করিয়াই শ্রীকৃষ্ণ অর্জুনেরকে বলিলেন—

যে যথা মাং প্রপন্নস্তে তাংস্তথৈব ভজাম্যহম্ ।

মম বদ্ধানুবর্তন্তে মনুষ্যাঃ পার্থ সর্বশঃ ॥

ভৃগবদগীতা । ৪।১১

‘যাহারা আমাতে যে ভাবে প্রপন্ন হইয়, আমি তাহাদিগকে সেই ভাবে ভজনা করি। হে পার্থ, মনুষ্যগণ সর্বপ্রকারেই আমার পথ অনুসরণ করিয়া থাকে।’

যুক্তসঙ্গ ইহা বুঝিয়াই সকলের প্রতি উদার ভাবাপন্ন হন। তিনি জানেন সকলেরই এই ভূমণ্ডলে স্থান আছে।

ইব্রাহিম ‘খলিলুল্লাহা’ আলার বন্ধু-বলিয়া খ্যাতিলাভ করিয়াছিলেন। তিনি ন্যস্ত না করিয়া আহা করিতেন না। অস্তিত্বঃ একজন অতিথি-সংকার করিতে পারিলে তবে তাঁহার আহা হইত। একদিন কেহই উপস্থিত হইতেছেন না দেখিয়া তিনি ব্যাকুলভাবে অতিথি অন্বেষণে বাহির হইলেন। শতবর্ষব্যস্ত অতি জীর্ণ এক বৃদ্ধকে পাইয়া তাঁহাকে সাদরে স্বগৃহে আনিলেন। বখন বৃদ্ধকে পাইয়া সপরিবারে ভোজনে বসিয়াছেন, সকলে চিরপ্রথামুসারে আহায়ের পূর্বে ঈশ্বরকে স্মরণ করিলেন। কিন্তু বৃদ্ধ তাহা করিলেন না। ইব্রাহিম ইহা দেখিয়া কারণ জিজ্ঞাসা করিলে, তিনি বলিলেন, তিনি মুসলমান নহেন, তাঁহার সম্প্রদায়ে ঈশ্বর-প্রথা নাই। তখন ইব্রাহিম ক্রোধে অধীর

হইয়া তাঁহাকে 'দূর দূর' করিয়া ডাড়াইয়া দিলেন। বেমন বৃদ্ধ গৃহ হইতে বহিৰ্গত হইলেন, অমনি দৈববানী হইল :—“কি রে ইব্রাহিম, বাহাকে আমি শতবর্ষ এত আদরে এই জনতে স্থান দিতে পারিয়াছি, তুই তাহাকে অৰ্দ্ধবৰ্শীৰ জন্ত তোর গৃহে স্থান দিতে পারিলি না ?” তৎক্ষণাৎ ইব্রাহিম তাঁহার নিকটে কমা প্রার্থনা করিয়া তাঁহাকে আবার স্বগৃহে আনিয়া বধোচিত সম্বৰ্দ্ধনা করিলেন। বোধ হয় ইব্রাহিম এই ঘটনার পরেই মুক্তসঙ্গ খলিলুল্লাহ হইয়াছিলেন।

মুক্তসঙ্গ ব্যক্তির এরূপ ব্যবহার করা অসাধ্য। তিনি পানীতাপীদিগকেও তাঁহার বিস্তৃত জেলাডে স্থান দিয়া ধন্ত হন। তিনি জানেন, এমন নরাধম কেহ নাই, বাহাকে ভগবৎকচ্যুত হইতে হয়। যে যতই নরাধম হোক না, ভগবানের বিশাল অঙ্কে সকলেরই স্থান আছে। কারাকুন্ড তক্ষর, দস্তা, নরহস্তার নিকটেও ডাৰের জল কখনও শুষ্ক হয় না, পরমাঙ্গ কখনও কটু হয় না। যিনি মুক্তসঙ্গ তাঁহার ত' কোন প্রকারের সাংস্কারিক কি সাংস্কারিক অঙ্কন থাকিতে পারে না। তাঁহার নিৰ্ম্মল দৃষ্টিতে তিনি প্রায় সকল লোকের মধ্যেই দেবত্ব ও পশুত্বের সংমিশ্রণ দেখিতে পান। যে মহাপাপী, তাহার ভিতরেও তিনি দেবত্ব দেখিতে পান। এমন পাপী কেহ নাই বাহার মধ্যে কোন না কোন বিষয়ে দেবত্বের চিহ্ন দেখা যায় না। এবং কাহার অস্তরের মধ্যে কি পরিমাণ দেবত্ব ও কি পরিমাণ পশুত্ব আছে তাহা পরিমাপের মানদণ্ডই-

বা কাহার নিকটে আছে ? মনুষ্য তাক্তিয়া জীল, কি রকিন্ হুডের মধ্যে যে মহত্বের পরিচয় পাওয়া যায়, তাহা কি আলোকসামান্য বলা যাইতে পারে না ? প্রায় প্রত্যেক স্বাক্ষি-তেই যেন বড়রসের সমাবেশ দেখিতে পাওয়া যায়। যে তোমার শত্রু, তাহার তিক্তত্ব তুমি আন্বাদন করিতেছ বলিয়া তাহাতে মধুরত্ব নাই মনে করিও না। কত প্রিয়জন সেই মধুরত্বে মুগ্ধ হইতেছে ! নরহস্তা একজনকে হনন করিল, পর মুহূর্ত্তেই অপর একজনকে আলিঙ্গন করিতেছে। এবং হয়ত নরহত্যাজনিত আঘাত তাহার প্রাণের স্তম্ভ ধর্ম্মভাব জাগাইয়া দিল। আমি এক নরহস্তাকে দেখিয়াছি, তাহার প্রাণদণ্ডের আদেশ হইয়াছিল। সে কারাগারে বসিয়া দিবারাত্র হরিনাম করিত। শেষ মুহূর্ত্তে শ্বাসরোধ হওয়া পর্য্যন্ত সে হরিনামই করিয়াছিল। তাহার মাত্র একটা প্রার্থনা ছিল। ফাঁসির পূর্বদিন সে বলিয়াছিল যে অস্তিম কালে যেন তাহার মুখে গন্ধাজল দেওয়া হয়। তাহা দেওয়া হইয়াছিল। (বরিশাল কারাগারে আর এক নরঘাতককে দেখিয়াছি। আমি যখন তাহার প্রকোষ্ঠ-দ্বারে উপস্থিত হইলাম, সে তখন গাঢ়নিদ্রাভিভূত। প্রহরী তাহাকে জাগাইয়া আমাকে অভিবাদন করিতে বলিল। তাহার নাম মাগন খাঁ। সামান্য এক কৃষক। আমি তাহাকে জিজ্ঞাসা করিলাম, “তোমার ফাঁসির ছকুম হইয়াছে ত’ ? কবে দিন স্থির হইয়াছে ?” সে দিনের উল্লেখ করিল। অল্প কয়েক দিন বাকী,—মনে হয় যেন চারি পাঁচ দিন।

আমি বলিলাম, “তুমি ত চন্দ্রকার ঘুমাইতেছ, এ অবস্থায় এমন ঘুমাইতে পার কি করিয়া ?” সে বলিল বাবু, ৬২ বৎসর বয়স হইয়াছে, কম দিন ত ছুনিয়ায় আসি নাই ! এ পৃথিবীর অনেক দেখিয়াছি, আর ক বৎসর বাঁচিব ? পাঁচ বৎসর কি সাত বৎসর ? এত দিনই যখন বাঁচিয়াছি, আর সামান্য কটা বছর নাই বাঁচিলাম । যথেষ্ট কাল এ পৃথিবীতে কাটাইয়াছি । আর দেখুন, বাড়ীতে মরিতে হইলে হরত রক্তমাশায় কি অশ্রু কোন কঠিন পীড়ায় পরিতাম, মাসের পর মাস হরত রোগ-শযায় পড়িয়া থাকিতাম । সেবা করিতে করিতে ক্লান্ত হইয়া কবিলা ভাবিত. ‘এখন গেলেই হয়’, পুত্র বলিত, ‘বাবা ! কদিন কষ্ট পাবে.এবং আমরাগকে কষ্ট দেবে?’ নিজেও, রোগের স্থালায় অস্থির হইয়া ভাবিতাম, ‘মরিলেই বাঁচি।’ বাবু, সেই রকম মরা ভাল কি ? এত এক টিপ্ । দেখুন, উচ্ছেদের কারণ আছে কি ?”—আমি অবাক । এরূপ অসাধারণ শৈর্ষ্য মগন খাঁ কোথায় পাইল ? ভাবিলাম—কাতার ভিতরে কি আছে তাহা বিচার করা আমাদের ধৃষ্টতা মাত্র, ইহা বুঝাইতে বুঝি কর্তা আমাকে এই নরহস্তার নিকটে উপস্থিত করিলেন । এরূপ শৈর্ষ্যশালী ব্যক্তির সম্মুখে আমি দাঁড়াই কোথায় ?

মুক্তসঙ্গ তাঁহার দিব্য-দৃষ্টিতে এই তৎ বুঝিয়াছেন এবং পতিতপাবনের প্রেম-চক্রের ঘূর্ণনে একদিন মহাপাপীরও শুভ্র হইতে হইবে, তিনি ইহাও হৃদয়ঙ্গম করিয়াছেন । যে যতই পাপ করুক, বিধাতার বিধানে সকলের ‘গাদ’ কাটিতেছে, রাশী-

কৃত মল খুইয়া যাইবেই, পাপীৰ পাপ কৰিতে কৰিতে বুকিতেই হইবে যে, সে বিপথে চলিয়াছে, ক্রমেই জ্বালাৰ বৃদ্ধি, সুপথ ধৰিতে হইবে, নহিলে শান্তি নাই। Out of evil cometh good—এমনই বিধিৰ বিধি যে কু হইতেও সু'র উৎপত্তি হয়। কু কৰিতে কৰিতে অস্থির হইয়া যাই, ক্লান্ত হইয়া পড়ি, পরে সু কোষায় তাহা বুকিয়া লই এবং তাঁহা অবলম্বন কৰি। একদিন প্রত্যেকেরই জল হইতেই হইবে ইহা জানিয়া মুক্তসঙ্গ সকলের প্রতিই উদার।

উদার ব্যক্তি কোন স্থলেই অপদস্থ হইতে পারেন না। ব্রহ্মাণ্ড ব্যপিয়া প্রাণ বিস্তৃত হইলে, অভিমান ও ইতরদ্ব দূর হইয়া যায়, সুতরাং 'he will be content with all places and with any service he can render.'—*Emerson*—'যে কোন পদে থাকিয়া পৃথিবীর যে কোন সেবা কৰিতে পারেন তাহাতেই তিনি সম্মুখে থাকিবেন।' তাঁহার নিকটে এমন পদ নাই যাহা গৌরবান্বিত নহে। তিনি কোন স্থান বা পদে বদ্ধ হইয়া অল্প স্থান বা পদকে ছেয় মনে কৰিতে পারেন না।

মুক্তসঙ্গ ত্যাগী। কোন বন্ধন বাঁহাৰ নাই তাঁহার ত্যাগে কষ্ট কোথায় ? যাহারা যত আসক্তি তাহার ত্যাগ তত কঠিন। যিনি রাগদেববিমুক্ত হইয়া আত্মস্বরূপে প্রতিষ্ঠিত, তিনি ত' সৰ্বার্থসিদ্ধ হইয়াছেন। আমরা যাহাকে ত্যাগ বলি তাঁহার আর তাহাতে ত্যাগ হয় কি ?

পূৰ্ণমদঃ পূৰ্ণমিদং পূৰ্ণাৎ পূৰ্ণমুচ্যতে ।

পূৰ্ণস্ত পূৰ্ণমাদায় পূৰ্ণমেবাবতিষ্ঠতে ॥

ঐশোপনিষৎ । বৃহদারণ্যকোপনিষৎ । শাস্তিৰচন ।

‘উহা পূৰ্ণ, ইহা পূৰ্ণ, পূৰ্ণ হইতে পূৰ্ণের উদয়, পূৰ্ণ হইতে পূৰ্ণ নিলে পূৰ্ণই থাকে বাকি ।’ এই শ্রীদীপটি পূৰ্ণ, ঐ শ্রীদীপটিও পূৰ্ণ, একটি হইতে বস্তু স্বালাইয়া নিলে, আর একটা পূৰ্ণ শ্রীদীপ হইল, যেটি হইতে অগ্নি নেওয়া হইল সেটিও পূৰ্ণ রহিল ।

যিনি এ তৰ বুঝিয়াছেন, তিনি জানেন ভাগ ত’ তাঁহার কোন প্রকারেই হ্রাস হয় না, তাই তিনি ত্যাগে কাতর হন না । দীপটি জানিতেন, জীবন-ত্যাগ ত্যাগই নহে । বৃষাসুর বধের কষ্ট অনায়াসে প্রাণ বিসর্জন করিলেন । তাঁহার অস্তিতে কে বজ্র নির্মিত হইল তদ্বারাই বৃষাসুর বিনষ্ট হইল । ত্যাগে বজ্রের উদ্ভব । রুস সেনাপতি পীসেল পোর্ট আৰ্থারে জাপানী-দিগের লোকোত্তর ত্যাগ দেখিয়া বলিয়াছিলেন—“জাপান-বাসিগণ যে স্বদেশের বেদিতে সৰ্ব্বস্ব ত্যাগ করতে প্রস্তুত, তাহাতেই তাহাদিগকে রণক্ষেত্রে এমন দুৰ্দ্ধৰ্ষ করিয়াছে ।” পোর্ট আৰ্থারবিজয়ী সেনাপতি নোগি তাঁহার দুই পুত্রের রণপ্রাঙ্গণে মৃত্যুর সংবাদ শুনিয়া বলিয়াছিলেন—“আমার পুত্রদ্বয় মরেছে ভাল ।” ত্যাগে যে শক্তি উৎপন্ন হয় তদ্বারা পাপ, অধৰ্ম্ম, অন্ধকার সমস্ত নাশপ্রাপ্ত হয় ।

কৰ্মযোগী মুক্তসঙ্গ ; অস্তএব স্বপ্ন, স্বাধীন, ভাবনাবিহীন, প্রসন্নচিত্ত, উদার ও ত্যাগী ।

অনহংবাদী।

সাংঘিক কর্তা অনহংবাদী। যিনি মুক্তসঙ্গ তাঁহার ত' 'আমি' 'আমার' ঘুটিয়া গিয়াছে, 'আমি' 'আমি' বহিবার স্থান রাখিল কোথায়? 'আমিহে'র আটক চলিয়া খেলে মানুষ আকাশের স্তার প্রযুক্ত হন, বিশ্বের সহিত এক হইয়া বান, স্তম্ভরাজ কিছুতেই উদ্বিগ্নচিত্ত হন না। বিশ্বব্যাপ্তির যেমন হৃদয়লভ্যভাবে সম্পন্ন হইতেছে তিনি বুদ্ধিতে পানেন তাঁহার জীবন ব্যাপারও সেই ভাবে চলিবে। বাহ্য কিছু জগৎবদানু-মোদিত, দেহগণ তাঁহার সহায়, প্রকৃতির যাবতীয় শক্তি ভদ্রমুকুল, ইহা বুদ্ধিয়া নিরহংবাদী আশ্রয়মতি হইয়া থাকেন। কখনও উদ্বিগ্ন হন না।

ত্যাগহংকৃতিরাস্তমত্তিরাকশশোভনঃ।

যোগবাসিষ্ঠাঃ উপশমঃ। ১৮।২৬

অহংকার ত্যাগ করিলে মতি আশ্রয়, উদেগশূন্য হয় এবং অহংকারহীন মনুষ্য আকাশের স্তার প্রযুক্তভাবে শোভাযুক্ত হন। গ্লাডস্টোন নিরুদেগ আশ্রয়মতি ছিলেন। ব্রিটিশ সম্রাজ্যের গুরুভার তাঁহার শিরে স্তম্ভ হওয়া সত্ত্বেও তাঁহার মিত্রের ব্যাঘাত হইত না। তাঁহাকে এক বন্ধু জিজ্ঞাসা করায় তিনি বলিয়াছিলেন—মাত্র একদিন তাঁহার মিত্রের ব্যাঘাত হইয়াছিল। তিন একটি ওকবন্ধ দুঠারাঘাতে প্রায় শেষ করিয়া আনিয়াছিলেন, ইতিমধ্যে সন্ধ্যা হওয়ায় লেন্সিন কার্য শেষ করিতে ক্ষান্ত হইলেন। রাত্রিতে এক বন্ধ হওয়ায়

তাঁহার নিম্নাঙ্কল হইয়াছিল এবং তিনি জীবিতছিলেন যে
কড়ই বৃক্ষটিকে পাতিত করিবে, তিনি শেষ-আঘাত দানে
যক্তি হইলেন। তিনি বলিতেন যে সাম্রাজ্য সম্বন্ধীয়
বড় জটিল চিন্তা, সমস্ত তিনি তাঁহার কার্যালয়ের ঘারে
হাখিয়া চলিয়া আনিতেন। স্বগৃহে চিন্তার লেশও
রাখিতেন না।

'আমি' চলিয়া গেলে কেহ আর পর থাকে না। তাঁহার কেহ
পর নাই, তিনি কাহারও নিকটে ধন্যবাদ বা কৃতজ্ঞতা চাহিতে
পারেন না। ভ্রাতা ভ্রাতার নিকটে কি ধন্যবাদ কৃতজ্ঞতা চাহিতে
পারেন? পিতা কি পুত্রের নিকট হইতে তাঁহার যশঃকীর্তন
শুনিতেন লোলুপ হইতে পারেন? তাঁহার সকলই আপন, তিনি
কাহারও নিকটে কৃতজ্ঞতা চাহিতে পারেন না এবং কাহারও
নিকটে কৃতজ্ঞতা প্রকাশ করিতেও ইচ্ছুক হন না। যে যাহা
ভাল করিতেছে সেও তাঁহার কর্তব্যই করিতেছে। কর্তব্য
করায় আর প্রতিষ্ঠা কি? না করিলে প্রত্যয় আর আছে। আর,
কর্তব্যের সীমা কোথায়?

অনহংবাদীর কর্তব্যসাধনে কোন আড়ম্বর থাকিতে পারে
না। প্রকৃতি মেরুপ আড়ম্বরশূন্য সহজভাবে তাঁহার কর্তব্য
করিয়া যাইতেছেন, তিনিও তেমনি ভাবে তাঁহার কর্তব্য
করিয়া যান।

নাভিবাঞ্জাম্যসংপ্রাপ্তং সংপ্রাপ্তং ন তাজামাহন।

স্বপ্ন আকুলি তিষ্ঠামি যশ্মমাল্পি তদস্বপ্নে ॥

ইতি সংচিন্ত্য জনকো যথাপ্রাপ্তাং ক্রিয়ামসৌ ।

অসক্তঃ কৰ্ত্ত্ব্যমুক্তনৌ দিনং দিনপতিৰ্বধা ॥

যোগবাশিষ্ঠ । উপশম । ১০।২৪।১১।১

‘আমি অপ্রাপ্ত বস্তু পাইবার জন্ম লালস নহি, প্রাপ্ত পদার্থও ত্যাগ করি না, যাহা আমার আছে তাহা আমার থাক । জনক রাজা এইরূপ চিন্তা করিয়া দিনপতি সূর্য্য বেরূপ দিন প্রকাশ করেন তদ্রূপ যখন যাহা কৰ্ত্তব্য অনাসক্তভাবে তাহা করিতে উদ্যুক্ত হইলেন।’ সূর্য্য বেরূপ সহজে স্বীয় জ্যোতি দ্বারা দিন প্রকাশ করেন, তিনিও সেইরূপ সহজে অস্তঃস্থ জ্যোতির প্রত্যয় উদ্দীপ্ত হইয়া জগতের সার্বজনীন মঙ্গল বিধান করিতে লাগিলেন । যিনি বলিতে পারেন ‘মিথিলা প্রদক্ষ হইলে আমার কিছুই দক্ষ হয় না’, যিনি অনন্ত বিস্তাধিপতি হইয়াও অকিঞ্চন, তিনি এইরূপ সহজভাবেই কার্য্য করেন ।

যিনি আড়ম্বব ছাড়িয়া সাহজিকতায় অবস্থিত হইয়াছেন, তাঁহার দৃষ্টিতে

অভিমানঃ সুরাপানং গৌরবং রৌরবস্তথা ।

প্রতিষ্ঠা শূকরীবিষ্ঠা ॥

‘অভিমান সুরাপান তুলা, জনসমাজে গৌরব রৌরবনরক তুলা এবং প্রতিষ্ঠা শূকরীবিষ্ঠা তুলা ।’ জাপানের নৌসেনাপতি টোগে এই ভাবাপন্ন ছিলেন বলিয়া একদিন তাঁহার প্রতিকৃতি-বিক্রেতার বিপণিতে উপস্থিত হইয়া তাঁহাকে ভৎসনা করিতে লাগিলেন, বলিলেন, “আমার ন্যায় অকৰ্ম্মণ্য ব্যক্তির প্রতিকৃতি

বিক্রম করিতেছে কেন ?” ইহা বলিয়া negative মূল চিত্র-
 খানি উপযুক্ত মূল্য দিয়া লইয়া গেলেন। ইহার নিকটে
 প্রতিষ্ঠা শূকরীবিষ্ঠাবৎ প্রতীয়মান হইয়াছিল, তাহা না হইলে
 এরূপ কার্য্য করিতেন না। তাঁহার সম্বন্ধে Daily Mail
 পত্রিকার সংবাদদাতা Maxwell সাহেব লিখিয়াছিলেন, “আমি
 তাঁহাকে (কোন রেলওয়ে স্টেশনে) জনতার মধ্যে ধুঁজিতে-
 ছিলাম, তখন তাঁহার এক সহচর আমাকে এক প্রকোষ্ঠে
 আহ্বান করিয়া নিয়া তথায় বলিলেন, ‘গাড়ী ছাড়িবার শেষ
 মুহূর্তের পূর্বে তুমি তাঁহাকে প্লাটফরমে দেখিতে পাইবে না।’
 তাঁহার অভিমানহীনতা ও আড়ম্বরশূন্যতা দেখিয়া জাপান-
 বাসিগণ তাঁহাকে ‘The Silent Admiral’ “নীরব
 নৌসেনাপতি” আখ্যা দিয়াছিলেন। ইহারই বলে
 তাঁহার সম্বন্ধে জাপানে একটি প্রচলিত আছে যে, “মাত্র
 একজন আপনার অঙ্গুলিভেলনের ত্যায় তাঁহার অধীনস্থ
 ব্যক্তিগণকে চালনা করিতে পারেন—সেই ব্যক্তি টোয়ো।”
 বাস্তবিক আড়ম্বরহীন, ‘সহজ’, নিরহংকার ব্যক্তির শক্তি দুজ্জয়।
 নিখিল বিশ্ব তাঁহার সহায়। সুতরাং তাঁহার সকল কার্য্যই
 অনায়াসসাধ্য। অপরলোকের যেমন চিহ্নাব করিয়া, ভুল-
 ভ্রান্তির সম্ভাবনা নিরাস করিয়া কার্য্য করিতে আয়সের
 প্রয়োজন, তাঁহার সে আবশ্যিকতা নাই। অহং এর গড় ভাঙ্গি-
 য়াছে বলিয়া তিনি জগতের সহিত প্রাণ মিলাইয়াছেন, তিনি
 সকলের ‘আপন’ হইয়াছেন, এবং সকলে তাঁহার ‘আপন’

হহকাছে—তাই তিনি স্বচ্ছ, সরল, অনাবিল,—‘বারুয়ারী’ তাঁহার প্রাণ। তাঁহাকে দেখিলেই প্রাণ ধুলিয়া যায়। সরল বলিয়া তাঁহাতে সতর্কতা নাই বলিব না। পিতা যেমন পুত্রের নিকটে সরল ও সতর্ক, তিনিও তেমনি। যাহার বাহা জ্ঞাতব্য, অধিকারিভেদে তিনি তাহাই জানান। তুমি না বুঝিয়া ক্ষতি করিতে পার এই জ্ঞাত তিনি সতর্ক। কিন্তু তাঁহার খোলা প্রাণের আদর তোমায় মুগ্ধ করিবে। জগতের সহিত তাঁহার ঘনিষ্ঠতা আত্মীয়তা হইয়াছে বলিয়া, এমার্সনের ভাষায়, “He has but to open his eyes to see things in a true light, and in large relations.” ‘যাবতীয় পদার্থের বাস্তব সত্তা ও সংস্থান এবং তাহাদিগের (জাগতিক) উদার সম্বন্ধ তাঁহার বুঝিতে চক্ষুরুন্মীলন মাত্র আবশ্যিক। চক্ষুরুন্মীলন করা মাত্রই তিনি সকল বুঝিয়া লন।

অনহংবাদী আকাশশোভন! আকাশ যেমন সকলেরই সন্নিহিত, তিনিও তেমনি সকলেরই সন্নিহিত, সকলেরই অস্তিত্বময়। পূজাপার রামকৃষ্ণ পরমহংসদেবকে মনে করুন। তাঁহার নিকটে যাইতে সন্দোচ ত বিন্দুমাত্রও হইত না, পরন্তু সতর্কণ তাঁহার নিকটে স্থিতি, মনে হইত তিনি যেন আমাদের সহপাঠী। যাহা মনে হইয়াছে তাহা তাঁহাকে বলিতে দ্বিধা হয় নাই। একরূপ লোক বালক, যুবক, শ্রৌড়, বৃদ্ধ—সকলেরই সমন্বয়সী। কি সুন্দরভাবেই আমাদের সহিত মিশিতেন! দূরে আসিয়া মনে হইত ‘কত বড় লোকটার নিকটে

যাইয়া কি চপলতাই প্রকাশ করিয়াছি !” প্রাতঃস্মরণীয়
 রামতনু লাহিড়ী মহাশয় একদিন কোন খ্যাতিনামা ব্যক্তির
 সহিত আমার পরিচয় করাইয়া দিবেন বলিয়াছিলেন। আমি
 বলিলাম, “আমার কেমন কোন বড়লোকের নিকটে যাইতে
 সঙ্কোচ বোধ হয়।” তিনি বলিলেন, “ঠাঁহার নিকট যাইতে
 সঙ্কোচ বোধ হয় তিনি কখনও বড়লোক নহেন।” বাস্তবিকও
 লাহিড়ী মহাশয়, রাজনারায়ণ বসু মহাশয়, রামকৃষ্ণ পরমহংস-
 দেব কিম্বা বিজয়কৃষ্ণ গোস্বামী শ্রদ্ধুর নিকটে যাইতে কাহারও
 কোন সঙ্কোচ হইয়াছে জানি না। এই জাতীয় মহাপুরুষগণের
 নিকট হইতে যাহা লাভ করা হয়, তাহাও উপদেশের তিন মণ
 গুরুভার লইয়া আমাদের নিকটে উপস্থিত হয় না। বায়ু-
 সেবন যেমন সহজ, ঈহাদিগের নিকটে শিক্ষা তেমন সহজ।
 ঈহাদিগের যাহা দেয় তাহা যেন অজ্ঞাতসারে আমাদের
 প্রাণের মধ্যে ক্রিয়া করে। ঈহারাও দিতেছেন বলিয়া কিছু
 মনে করেন না, আমরাও পাইতেছি বলিয়া অভিমানী হইতে
 পারি না। “It costs a beautiful person no exer-
 tion to paint her image on our eyes; yet how
 splendid is that benefit! It costs no more for a
 wise soul to convey his quality to other men.
 (Emerson) ‘কোন সুন্দর ব্যক্তির চিত্র আমাদের চোকে
 অঙ্কিত করিতে যেমন ঠাঁহার কিছুই পরিশ্রম হয় না;
 (ঠাঁহার উপস্থিতিমাত্রই ভাঙ্গা হয়) অথচ আমাদের কি বিপুল

লাভ, কোন মহাত্মারও অপর লোকের মনে তাঁহার সন্দেহ বর্ধাইতে তেমনি আয়াসের প্রয়োজন হয় না।

যাহার 'অহং' চলিয়া গিয়াছে তাঁহার মানাপমানবোধ থাকে না, দৃষ্টিশক্তি থাকে না, তাঁহার অন্তঃকরণে 'জিদ' অথবা বৈরভাব স্থান পায় না। তিনি "অদ্বৈতা সর্বভূতানাং নৈতঃ করুণ এব চ।" যদি কেহ তাঁহার সহিত শত্রুতা করে, তিনি তাহাকে নির্বোধ মনে করিয়া কৃপা করেন। যদি শাসনের প্রয়োজন হয়, তাহা হইলে পিতা পুত্রকে ষেরূপ শাসন করেন, তিনি সেই প্রাণে তাহার মঙ্গলার্থ শাসন করিতে প্রবৃত্ত হন।

অনহংবাদী বিশ্বাসী, আশ্রুতমতি, নিরভিমান, আড়ম্বরহীন, 'সহজ', সরল, অভিগম্য এবং দেবশূণ্য।

প্রতিসমবিতঃ।

সাত্বিক কল্পা প্রতিসমবিতঃ। বিঘ্নাদি উপস্থিত হইলেও যে অন্তঃকরণবৃত্তি প্রারব্ধকাম্য পরিভ্যাগ করিতে দেয় না, তাহাই প্রতি। বিঘ্নাদি সন্দেহ স্থির থাকিতে হইলে সংযম চাই। যাহার সংযম নাই তাহার ধৈর্য রক্ষা করা কঠিন। অসংযমীর ক্ষীণভিত্তিগৃহ বিঘ্নবাতায় সহজেই ধরাশায়ী হয়। প্রতিমান সংযমী। তিনি নিভীক, তিনি সহিষ্ণু। পৰ্বতসম বিঘ্নবাধা উপস্থিত হইলেও তিনি সন্তুষ্ট হন না। কোন প্রতিকূল অবস্থাই তাঁহাকে পশ্চাৎপদ করিতে পারে না। অনেকেই

জ্ঞানেন ত্ৰাস্কাধর্ষ্য প্রচারার্থ ভ্রমকালে পুণ্যশ্লোক বিজয়কৃষ্ণ
গোস্বামী মহাশয়ের বর্দমাহারে স্কন্ধবৃত্তি করিতে হইয়াছিল।
আরও কত কষ্ট পাইয়াছিলেন; কিন্তু তাহাতে কি কখনও
তাঁহার ধৈর্য্যচ্যুতি হইয়াছিল? যিনি ধৃত্তিশীল তিনি জনসংঘট্টের
উর্দ্ধে বিরাজমান। তথায় সর্বদা শীতল বায়ু বহে, কোন
প্রকারের তাপ উপস্থিত হইতে পারে না। তাই তাঁহার লোক-
ভয় নাই। ভীষণ জনকোলাহলের মধ্যেও তিনি নির্মমুজ
অরণের নিস্তব্ধতা অনুভব করেন। সহস্র সহস্র উদ্ভতায়ুধ
শত্রুর আত্মকণ্ঠনার মধ্যে তিনি অচল, অটল, স্থির। তাঁহার
প্রকৃতি কিছুতেই বিকৃতি প্রাপ্ত হয় না।

দগ্ধং দগ্ধং ত্যজতি ন পুনঃ কাঞ্চনং দিব্যবর্ণম্।

স্বস্তং স্বস্তং ত্যজতি ন পুনশ্চন্দ্রমং চারুগন্ধম্।

খণ্ডং খণ্ডং ত্যজতি ন পুনঃ স্বাত্ততামিকুদগুণম্।

প্রাণাস্তেহপি প্রকৃতিবিকৃতির্জায়তেনোত্তমানাম্ ॥

মহানাটক।

'সুবর্ণ বারংবার দগ্ধ হইলেও কিছুতেই তাহার দিব্যবর্ণ
ত্যাগ করে না। চন্দ্রকে যতই ঘর্ষণ কর কিছুতেই সে তাহার
মনোহর গন্ধ ত্যাগ করে না। ইন্ধুদগু খণ্ড খণ্ড হইলেও তাহার
স্বাত্ততা ত্যাগ করে না, তেমন উত্তম পুরুষের প্রকৃতি
প্রাণাস্তেও বিকৃতি প্রাপ্ত হয় না।'

বিরুদ্ধাচরণে ধৃত্তিশালী ব্যক্তির প্রকৃতি ত বিকৃত হয়ই
না, পরন্তু উৎসাহ বৃদ্ধি প্রাপ্ত হয়।

কদৰ্শিতস্তাপি হি ধৈৰ্য্যবৃন্তে-বুদ্ধেৰ্বিনাশো নহি শকনীয়ো ।

অধঃ কৃতস্তাপি তনুনপাতোনাধঃ শিখা^১ য়াতি কমাচিদেব ॥

নীতিশতক । ১০৬

‘উৎপীড়িত হইলেও ধৈৰ্য্যশীল ব্যক্তির বুদ্ধি নষ্ট হইবে
এরূপ আশঙ্কা করিবার কোন কারণ নাই, অগ্নিকে যতই
নীচে চাপিয়া ধর না কেন, তাহার শিখা কখনও নীচের দিকে
যাইবে না—সর্বদাই উর্দ্ধমুখ থাকিবে।’

মহাপুরুষ মহাম্মদ ধৃতিবলের কি প্রকৃষ্ট পরিচয়ই দিয়া-
ছিলেন! ধৃতিবলে মার্টিন লুথার অসীম প্রতাপশালী পোপের
ঘোষণাপত্র জনগণসমক্ষে নিঃসঙ্কোচে অগ্নিতে নিক্ষেপ করিলেন।
আমেরিকায় একদিন সহস্র সহস্র দাসত্বপ্রথাসমর্থক ব্যক্তিগণ
এক বিরাট সভা করিয়া দাসত্বপ্রথার অমুকূল বক্তৃতা করিতে
করিতে থিওডোর পার্কারের নাম করিয়া কেহ কেহ বলিলেন
“আজি যদি এখানে থিওডোর পার্কারকে পাইতাম তাহা হইলে
তাহাকে শত খণ্ড করিয়া ফেলিতাম।” সভার একদেশে পার্কার
বসিয়াছিলেন। তিনি এই বাক্য শ্রবণমাত্র সেই শত্রুপক্ষীয়
বিপুল জনসংঘ সমক্ষে দণ্ডায়মান হইয়া খীতবক্ষে উচ্চৈঃ-
স্বরে বলিলেন, “এই থিওডোর পার্কার, তোমাদিগের কাহারও
সাধা নাই যে তাহার কেশাগ্র স্পর্শ করিতে পার।” এই
বলিয়া সগোরবে বীরদর্পে সভার মধ্য দিয়া চলিয়া গেলেন।
সকলে অহাক্, স্তম্ভিত, নিস্তব্ধ। ধৃতিমান কেমন নির্ভীক, তাহার
কি সুন্দর দৃষ্টান্ত! ধর্ম্মার্থ কি দেশকল্যাণার্থ ত্যক্তজীবিত

মহাজাগণ ধৃতিবলের পরাকর্ষা দেখাইয়াছেন। লরেন্সিরাস্ নামে এক মহাজ্ঞার ধর্মবিখ্যাসের অল্প প্রাণবণ্ডের আজ্ঞা হয়। তাঁহাকে এক ষটার শয়ন করাইয়া ভগ্নিলে অগ্নি প্রেঙ্কলিত করিয়া দগ্ধ করা হইতেছিল। সম্রাট তথায় উপস্থিত ছিলেন। পৃষ্ঠদেশ কিয়ৎপরিমাণে দগ্ধ হইলে তিনি শ্মিতমুখে সম্রাটকে সম্বোধন করিয়া বলিলেন :—“মহারাজ এখন আমার শরীরের দগ্ধ ও অদগ্ধ উভয় প্রকারের মাংস ছুঁড়িকাদারা কর্তন করিয়া কোনটির কি প্রকার স্বাদ অনুভব করুন।” ইহা অপেক্ষা ধৃতিবলের আর কি উৎকৃষ্ট প্রমাণ হইতে পারে ?

উৎসাহ সম্বন্ধিতঃ।

সাব্বিককর্তা উৎসাহী। লোকসংগ্রহচক্রীর্ষায় অথবা বিক্ষু-প্রীতিকাম হইয়া সর্ব্বভূতহিতকল্পে যে কার্য্য করা হয় তাহাতে আনন্দ আছে এবং আনন্দ থাকিলেই উৎসাহের উৎসাহ আছে। স্তম্ভর্য্যং কন্দুযোগী আনন্দী ও উৎসাহী। উৎসাহী কাহারও মুখাপেক্ষা করেন না। তিনি আপনার দক্ষিণ বাহুতে সচল হস্তীর বল অনুভব করেন। তাঁহার সাহসেরও ইয়ত্তা নাই। তিনি বলেন :—

“যদি তোর ডাক শুনে কেউ না আসে,
তবে একলা চল রে,
একলা চল, একলা চল, একলা চলরে।

* * *

যদি সবাই কিরে যার, ওরে ওরে ও অভাগা,
যদি গহনপথে যাবার কালে কেউ কিরে না চায়,

তবে পথের কাঁটা

ও তুই রক্তমাখা চরণতলে একলা মল রে ।”

তিনি নিত্য নবীন। উৎসাহ থাকিলে কৰ্মের নবত্ব ফুরায় না, কৰ্মীর শ্রাণের নবত্বও ফুরায় না।

মনুষ্যমাত্রেরই স্বভাব এই—তেজ, আনন্দ ও নবত্ব দেখিলেই আকৃষ্ট হয়। সেই আকর্ষণে আনন্দী ও উৎসাহীর সংসর্গে যাঁহারা আসেন, তাঁহারাও আনন্দ ও উৎসাহপূর্ণ হন। তাঁহার “সঙ্গগুণে রং ধরিবেই।” যে স্থলে আনন্দ ও উৎসাহে ক্রিয়া চলিতে থাকে সে স্থলে নিরানন্দ ও জড়তা থাকিতে পারে না। হয়ত সংস্কারাক্রম লোক শ্রবণ বা দর্শনমাত্র নিকটে না আসায় কিঞ্চিৎ বিলম্ব হইতে পারে, কিন্তু উৎসাহীর সঙ্গকাল ফলিতেই হইবে উৎসাহিসঙ্গগুণে প্রতিবেশি-গণ কিরূপ সম্ভাবে উদ্দীপ্ত হইয়াছে এবং সেই উদ্দীপনায় কত মহাব্যাপার সংঘটিত হইয়াছে ইতিহাসে তাহার দৃষ্টান্ত বিরল নহে।

সিদ্ধাসিদ্ধ্যানিষ্কারণঃ ।

প্রাকৃত মনুষ্য যে সিদ্ধির জন্য উন্মত্ত হয়, সাধিক কর্তার মনে সেই ফলাকাঙ্ক্ষা স্থান পাইতে পারে না। তিনি জানেন

বাহিরের ফল না ফলিলেও অন্তরে ফল ফলিবেই। জ্ঞানে যেমন অন্তরে জ্যোতির্বৃদ্ধি, প্রেমে যেমন আনন্দবৃদ্ধি, কর্ণে তেমন শক্তিবৃদ্ধি। পুণ্য চেক্টার পুণ্যফল অবশ্যস্বাবী। বাহিরে সম্প্রতি কার্য সকল না হইলেও অন্তরে শক্তিপ্রয়োগের ফল হইবেই হইবে। শ্রীকৃষ্ণ যখন দুর্ঘোষনের সহিত সন্ধির প্রস্তাব করিতে যাইতেছেন, বিদুর বলিলেন :—“দুর্ঘোষন শুনিলে না, বিফল প্রস্তাব করাতে লাভ কি? আপনাকে অগ্রাহ্য করিবে।” শ্রীকৃষ্ণ বলিলেন :—

ধর্ম্যকার্যং যতন শক্ত্যানোচেৎ প্রাপ্তোতি মানবঃ ।

প্রাপ্তো ভবতি তৎপুণ্যমত্র মে নাস্তি সংশয়ঃ ॥

মহাভারত । উদ্যোগ । ৯২।৬

‘শক্ত্যানুসারে ধর্ম্যকার্য করিতে যত্ন করিয়া ফল না পাইলেও তাহার যে পুণ্যফল সঞ্চিত হয় তাহাতে আমার সন্দেহ নাই।’

বাহ্যিক ফল সম্বন্ধেও ইহা প্রবঃ—“নেহাভিক্রমনাশোগস্তি”। পাশ্চাত্য চেলসিয়াবাসি ঝরি বলিয়াছেন :—No true effort can be lost” ‘প্রকৃত শক্তিপ্রয়োগ কখনও বার্থ হয় না তাই বলিয়া আমার জীবনেই আমার সকল কার্যের ফল দেখিবার আশা করিতে পারি কি? কতদূরে যাইয়া কোন সময়ে কোন কার্যের ফল ফলিবে আমাদের হৃদয়দৃষ্টিতে তাহা বুঝিতে পারি কি? অতি প্রকাণ্ড সরোবরগর্ভে একটি লোটু নিক্ষেপ করিলাম, আঘাতজনিত ত্বরঙ্গায়িত চক্র দেখিতে থাকিলাম, কতদূর আন্দোলিত হইল, তারঙ্গের পর তারঙ্গ

কোথায় নিশাইল, বুঝিতে পারি কি ? মানবসমাজসাগরে কিংবা এই বিশ্বজলধিতে আমার একটি ক্ষুদ্র চেফ্টার কি কল জন্মায় তাহা কি আমি ধারণা করিতে পারি ? যে আশা লইয়া কার্য্য করিয়াছিলাম তাহার বিপরীত কল কলিল, একরূপ দৃষ্টান্ত অনেক দেখিতে পাই। কিন্তু আজ যে চেফ্টা বিফল হইল, কাল তাহাই সকল হইল। আজিকার ভয়োত্তম কাল সিদ্ধার্থ হইল। পুণ্যোত্তম বিফল হইয়া সফলতার পথ দেখাইয়া দেয় ও অবশেষে সফলতা আনয়ন করে। ইটালীর স্বাধীনতাপ্রাপ্তির চেফ্টা কতবার অকৃতকার্য্য হইল কিন্তু ততবার শক্তি ক্ষুরণে যে বল সঞ্চিত হইল, তাহারই প্রভাবে অবশেষে কৃতার্থ হইল। ইংলণ্ডে প্রজাশক্তির অভ্যুদয় কত পরাভবের মধ্য দিয়া সকলতায় পঁচছিয়াছে !

—“Freedom's battle once begun.

Bequeath'd from bleeding sire to son,

Though baffled oft is ever won.”

Byron.

স্বাধীনতার জন্ম সংগ্রাম একবার আরম্ভ হইলে রক্তাক্ত কলেবর পিতা কর্তৃক পুত্রে অর্পিত হইতে থাকে, সে সংগ্রামে পুনঃ পুনঃ পরাভবপ্রাপ্তি হইলেও অবশেষে জয় অবশ্যস্বাবী” — সামাজিক কি রাষ্ট্রীয় সকল প্রকারের স্বাধীনতা—বন্ধনমুক্তি—সব্বক্ষেই ইহা সত্য। আধিতৌতিক বন্ধন ও আধ্যাত্মিক বন্ধন, উভয় বন্ধন হইতে মুক্তির উত্তম বার্থ হইতে হইতে একদিন

কলপ্রদ হইবেই। আঙ্গুলগুকে 'হোমকল' দিতে গ্লাডকোন অবধি ব্যর্থচেষ্টে হইলেন। আজ বিধির বিধানে সেই চেষ্ঠা ফলোন্মুখ। বীণুস্বীক্টের পুণ্য চেষ্ঠা তাঁহার জীবনে কতটুকু ফলবতী হইয়াছিল? আজ ও তাঁহার ফল ব্রহ্মাণ্ডব্যাপী হইয়াছে। সিদ্ধির জন্ত উৎসর্গ হয় সে, যে 'খনং দেহি, যশো দেহি, ধিবোজহি' বলিয়া ভগবানের নিকটে প্রার্থনা করে। যিনি এরূপ সকাম ভাব ত্যাগ করিতে সমর্থ হইয়াছেন, তিনি বলেন,—

“এই বিশ্ব সাঁহার, যাহা তাঁহার বিধিসম্মত কার্যা বলিয়া জানি যথাসক্তি তাহা করিয়া যাইব, ফল তিনি জানেন। আমি কোন ভূম্যধিকারীর মোকদ্দমার উদ্বিরকারক হইলে, যথাসাধ্য তদ্বির করিব, আমার কর্তব্য কার্যের ত্রুটি না হয় দেখিব, মোকদ্দমার জয় পরাজয়ের সহিত আমার কি সংশ্রব? আর যেখানে সাঁহার মোকদ্দমা, তিনিই বিচারক, সেখানকার ও কথাই নাই। তোমার মামলা তুমি ডিক্রী দাও কি ডিসমিস কর, তুমি জান। আমি এইমাত্র চাই তোমার কুপায় যেন বুদ্ধির ভুলে কি আলস্যবশতঃ আমার কর্তব্যসাধনে কোন অভাব না থাকে। যথাসাধ্য বিবেচনা করিয়াও যদি বুদ্ধিভ্রংশ হয়, তুমি তাহা সংশোধন করিবে, কেননা অন্তদর্শী তুমি, জগতের মঙ্গলবিধাতাও তুমি। কর্মফলে অধিকার তোমার, আমি কেবল তোমার শ্রীচরণে মস্তক রাখিয়া কায়মনোবাক্যে বিশ্বমঙ্গলকল্পে ষাটিতে থাকিব।”

অর্জুনকে এই মতে অধিষ্ঠিত করিবার জন্তই ভগবান বলিলেন :—

কৰ্মণ্যেবাধিকারস্তে মা কলেষু কদাচন ।

মা কৰ্মফলহেতুভূমী ত্তে সঙ্গোহত্বকৰ্মণি ॥

ভগবদগীতা । ২।৪৭

‘তোমার কৰ্ম্মেতে অধিকার আছে, কৰ্ম্মফলে যেন তোমার কখন অধিকার হয় না । কৰ্ম্মফল যেন তোমার প্রবৃত্তির হেতু না হয় এবং ‘কৰ্ম্মফল বন্ধনের হেতু বলিয়া কৰ্ম্ম করিব না’ একরূপ বুদ্ধিও যেন না হয় ।’

যোগেশ্বঃ কুরু কৰ্ম্মাণি সঙ্গং ত্যক্ত্বা ধনঞ্জয় ।

সিদ্ধাসিদ্ধোঃ সমো ভূত্বা সমত্বং যোগ উচ্যতে ॥

ভগবদগীতা । ২।৪৮

‘আনুক্তি ত্যাগ করিয়া এবং কলসিদ্ধি ও অসিদ্ধি সমান ভাবিয়া যোগেশ্ব অর্থাৎ পরমেশ্বরে একনিষ্ঠ হইয়া কৰ্ম্ম কর । এইরূপ সমত্বজ্ঞানকেই যোগ বলা হয় । যিনি সিদ্ধি ও অসিদ্ধি সমদৃষ্টিতে দেখেন, তিনিই কৰ্ম্মযোগী ।’

ময়ি সৰ্ব্বাণি কৰ্ম্মাণি সংহত্যাধ্যাত্তচেতসা ।

নিরাশী নমামো ভূত্বা যুধ্যস্ব বিগতজ্বরঃ ॥

ভগবদগীতা । ৩।৩০

‘সকল কৰ্ম্ম আনাতে অর্পণ করিয়া ‘অধ্যাত্তচেতসা অন্তর্ভাব্য ধ্যানোহং কৰ্ম্ম করোম্যসি দৃষ্ট্বা,’ আমি অন্তর্ভাব্য অর্থাৎ হইয়া কৰ্ম্ম কারতোছি’ এই জ্ঞানে নিষ্কাম হইয়া ও ‘আমার হাতে কল, আমার লাভার্থ এই কৰ্ম্ম’ এইরূপ ভাব ত্যাগ করিয়া বিকারহীন হইয়া যুদ্ধ কর ।’

কেবল ধর্মবুদ্ধ নহে, জগতের সকল কর্মই এইভাবে করিতে
হইবে

বুদ্ধিষ্টির এইভাবে অনুপ্রাণিত কর্মযোগী ছিলেন। তিনি
দ্রোপদীকে বলিয়াছিলেন :—

নাহং কর্মফলাশেষী রাজপুত্রি চরাম্যুত ।
নদামি দেয়মিতোষ বজে বস্তবামিত্যুত ॥
অস্থবাত্র ফলং মা বা কঠবাং পুরুষেণ যৎ ।
গৃহে বা বসতা কৃষ্ণে যথাশক্তি করোমি তৎ ॥
ধর্মকরামি স্তুশ্রোণি ন ধর্মফলকারণাৎ ।
আগমাননতিক্রমা সতাং বৃন্দমবেক্ষ্য চ ।
ধর্ম এব মনঃ কৃষ্ণে স্তভাবাচ্চৈব মে পুত্রম্ ।
ধর্মবাণিজ্যকো হীনো জঘন্সো ধর্মবাদিনাম্ ॥

মহাভারত । বন । ৩১।২—৫

‘হে রাজপুত্রি, আমি কর্মফলাশেষী হইয়া বিচরণ করি না।
দিল্পিত হয়, তাই দিই ; ধস্ত করিতে হয়, তাই যজ্ঞ করি ; ফল
হউক বা না হউক, গৃহস্থ পুরুষের যাহা কঠবাং যথাশক্তি হে
কৃষ্ণে, আমি তাহাই করি। বেদবিকৃত বিধি অতিক্রম না
করিয়া ও সংযুগলের আচারের প্রতি দৃষ্টি রাখিয়া আমি যে ধর্ম-
কারী করি তাহা ধর্মফল পাইবার জন্ত করি না। স্বভাবতঃই
আমার মন ধর্মে অবাস্থিত। যাহারা ধর্মচরণ করিয়া তাহার
বিনিময়ে ফল চাহে তাহারা ধর্মকে পণ্যদ্রব্য করিয়াছে স্তুরাং
ধর্মবাদীগণ তাহাদিগকে নিতাস্ত হীন জঘন্স মনে করেন।’

"To live by law,
Acting the law we live by without fear,
And because right is right to follow right
Were wisdom in the scorn of consequence"

Tennyson.

‘বে বিধি অবলম্বন করিয়া জীবন ধারণ করিতেছি, নির্ভীকভাবে সেই বিধি প্রতিষ্ঠা এবং ফল অবজ্ঞা করিয়া ধর্ম কর্ম ধর্ম বলিয়াই সাধনের নাম মনীষা।’

প্রকৃত মনীষী “সিন্ধাসিন্ধোনির্বিকারঃ” হইয়াই যাবতীয় কঠব্য সম্পাদন করিয়া থাকেন।

সংসারনাট্যাভিনয়।

কর্মযোগীর কয়েকটি প্রধান লক্ষণ পাইলাম। যিনি এতাদৃশ লক্ষণযুক্ত, তাঁহার কর্ম নাট্যাভিনয় ভিন্ন কি হইতে পারে? তাঁহার ত স্বার্থপ্রণোদিত কোন ক্রিয়াই হইতে পারে না। কোন অভিনেতাকে যদি দেখিতে পাই, তিনি ধন কি মান অথবা যশের বিন্দুমাত্র আকাঙ্ক্ষা না রাখিয়া মাত্র দর্শকের তৃপ্তি এবং লোকশিক্ষার্থ প্রাণটি ঢালিয়া অভিনয় করিয়া যাইতেছেন। এই দৃষ্ট দ্বারা কর্মযোগীর কন্দাভিনয়তত্ত্ব কথঞ্চিৎ প্রমাণে বুঝিতে পারিব। তিনিও স্বার্থশূন্য হইয়া বিমুগ্ধপ্রীতি ও লোকসংগ্রহার্থ প্রাণ ঢালিয়া সংসারনাট্যাভিনয় করেন।

ঋষিপুত্রব বশিষ্ঠ শ্রীরামচন্দ্রকে যেভাবে সংসারে বিচরণ করিতে উপদেশ দিয়াছেন তিনি সেই ভাবে কর্ম করিয়া যান।

পূর্ণাং দৃষ্টিমবষ্টভ্য ধ্যেয়ভ্যাগবিলাসিনীম্ ।

জীবন্মুক্ততয়া স্বপ্নো লোকে বিহর রাঘব ॥

যোগবশিষ্ঠ । উপশম । ১৮।১৭

‘দেহেন্দ্রিয়াদি ও অঙ্গপাদাদি আমার প্রাণস্বরূপ এবং পুত্রমিত্র কন্যত্র ধনাদি আমার’, এই জাতীয় মনের ভাব দূর করাকে ধ্যেয়বাসনাত্যাগ বলে। হে রাঘব, ধ্যেয়বাসনাত্যাগে যাত্রার আনন্দ সেই পূর্ণদৃষ্টি অবলম্বন করিগে। জীবন্মুক্তিলাভকৃত স্বপ্ন থাকিয়া লোকে বিহার কর ।’

অন্তঃ সংসারসর্চ্চাশো বীতরাগো বিবাসনঃ ।

বহিঃ সর্বসমাচারো লোকে বিহর রাঘব ॥

ঐ, ঐ, ঐ, ১৮

‘হে রাঘব, অন্তরে সকল আশা, আসক্তি ও বাসনা পরিত্যাগ করিয়া বাহিরে সংসারের সমস্ত কার্য করিতে থাক ।’

অন্তনৈ রাশ্যমাদায় বহির্যাশোন্মুখেহিতঃ ।

বহিস্তপ্তো অস্তরাশ্চিত্তে লোকে বিহর রাঘব ॥

ঐ, ঐ, ঐ, ২১

‘অন্তরে আশাহীন থাকিয়া বাহিরে তুমি যেন আশাতে উৎকৃষ্ট চট্টাট সমস্ত কর্মচেষ্টা করিতেছ, এইরূপ ভাবে অন্তরে নিকরদেগ, অস্ত্রএব শীতল, বাহিরে উদ্বেগী, স্তম্ভরং তপ্ত চট্টা, হে রামচন্দ্র, লোকে বিচরণ কর ।’

কৃত্তিমোলাসহৰ্ষস্বঃ কৃত্তিমোদেগগৰ্হণঃ ।

কৃত্তিমারম্ভসংরম্ভো লোকে বিহর রাঘব ॥

ঐ, ঐ, ঐ, ২৪

'কার্যামুদারে কোন কার্য সম্বন্ধে কৃত্তিম উল্লাস ও হৰ্ষ এবং কোন কার্য সম্বন্ধে কৃত্তিম উদেগ ও নিন্দা প্রকাশ করিয়া কৰ্ম-
ব্যাপারে কৃত্তিম আবেগ দেখাইয়া, হে রামচন্দ্র, ইহলোকে বিহার
কর ।'

বহিঃ কৃত্তিমসংরম্ভো জদি সংরম্ভবর্জিততঃ ।

কর্তা বিহরকর্তাস্তঃলোকে বিহর রাঘব ॥

ঐ, ঐ, ঐ, ২২

'হে রাঘব, অন্তরে আবেগবর্জিত হইয়া অথচ বাহিরে
কৃত্তিম আবেগ দেখাইয়া, ভিতরে অকর্তা থাকিয়া বাহিরে কর্তা
হইয়া সংসারে বিচরণ কর ।'

কৰ্মযোগী বাহিরে কর্তা বলিয়া প্রতীয়মান হইলেও তিনি
অকর্তা । সূতরাং তাঁহার নিকটে সকল বৃত্তিই সমান । তিনি
কোন ব্যক্তিকেই হেয় মনে করেন না । তাই উপদেশ
হইতেছে —

আশাপাশশতোশ্মুক্তঃ সমঃ সৰ্ব্বাশ্ম বৃত্তিবু ।

বহিঃ প্রকৃতি কার্যাস্থো লোকে বিহর রাঘব ॥

ঐ, ঐ, ঐ, ২৬ ।

'হে রামচন্দ্র, শত আশাপাশ হইতে উশ্মুক্ত হইয়া সকল

বুদ্ধিকে সমান জ্ঞান করিয়া, বাহিরে ভোমার প্রকৃতি অনুসারে কার্যা করিতে করিতে লোকে বিচরণ কর।

যে অভিনয়ের উপদেশক ও তাহার ত্রুটী স্বয়ং বিষ্ণু ; উদ্দেশ্য, তাহার লীলাপুষ্টি অথবা লোকসংগ্রহ অর্থাৎ সচ্চিদানন্দ-প্রতিষ্ঠা ; তৎকাল অভিনেতার প্রাণে থাকে আনন্দিকতার পরাকর্ষা।

এইরূপ আনন্দিকতাসংকেত অহংকারময়ী বাসনাভ্যাগী আকাশশোভন জীবনযুক্ত অভিনেতার কর্মসাধনার্থ চিন্তাসুলভ হইতে হয় না। একবার বুদ্ধির আকর্ষণ আবার বুদ্ধির তিরোস্তার হয় বলিয়াই লোক চিন্তায় উদ্বিগ্ন হয়।

নাস্তমেতি ন চোদেতি যশ্চিদাকাশবশুহান্।

সর্বং সংপশ্যতি স্বপ্নঃ স্বপ্নো ভূমিতলং যথা ॥

ঐ, ঐ, ঐ, ৬৩।

‘যিনি আকাশের ন্যায় মহান্, তাহার উদয় বা অস্ত নাই, তিনি সর্বদা জ্যোতির্ময়, যে রূপ স্বপ্ন অবিকলাঙ্গ ব্যক্তি ভূমিতল পৃষ্ঠানুপৃষ্ঠরূপে দেখিতে পান, তদ্রূপ তিনি স্ব-স্বরূপে প্রতিষ্ঠিত হইয়া সকলই সৃষ্টানুসৃষ্টরূপে অবলোকন করেন।’

যুক্তায়ুক্তদশাশ্রমশোপহন্তচেষ্টিতম্।

জানাতি লোকদৃষ্টাস্তং করকোটরবিম্ববৎ ॥

ঐ, ঐ, ঐ, ১০

‘উচিত কি অনুচিত কি,’ এই চিন্তাগ্রস্ত, আশা করুক উপক্রম লোকব্যবহার তিনি করকোটরস্থ বিম্ব-কলের ন্যায়

সমগ্র পরিষ্কার দর্শন করিয়া থাকেন। সুতরাং একরূপ ব্যক্তির কোন কার্য সম্বন্ধে দেশ, কাল ও পারিপার্শ্বিক অবস্থা পর্যালোচনা, সর্বতোভাবে সমীক্ষা, সুবিচার, সুমন্ত্রণা, সাধনোপায়োদ্ভাবন এবং সুনিয়মে ও সুবিক্রমে কার্যসিদ্ধি করিতে মানসিক আয়াস পাইতে হয় না। সহজ নিরহকার ব্যক্তির একরূপ আয়াসের প্রয়োজন হয় না, ইতিপূর্বেও বলা হইয়াছে।

উপসংহার।

কর্মযোগীর লক্ষ্য কি, কর্ম্যকেন্দ্র কোথায়, লক্ষণ কি, কর্ম্যভিনয় কিরূপ, কিয়ৎপরিমাণে আলোচিত হইল। কিন্তু এই আদর্শাধিষ্ঠিত কর্ম্যযোগী অতি বিরল। অধিকাংশ লোকই রাজস অথবা তামস কর্তী। রাজস কর্ম্যের লক্ষণ :—

যস্য কামেপ্সুনা কস্য সাহকারেণ বা পুনঃ ।

ক্রিয়তে বললায়াসং তস্রাজসমুদাহৃতম্ ॥

ভগবদগীতা । ১৮:২৪

‘ফলাকাঙ্ক্ষাদ্বারা প্রীণোদিত হইয়া অহংকারসহ বললায়াসকর যে কর্ম্য করা হয় তাহা রাজস কর্ম্য।’

অহংকার থাকিলেই মানুষ সহজ হইতে পারে না, তাহার কর্ম্যও সহজ হয় না। ‘মানের টাটির জন্ত অনেক ‘হিসাব’ করিতে হয়, হিসাবে ‘পাটওয়ারি বৃদ্ধির উৎপত্তি, পাটওয়ারি বৃদ্ধি সাধারণ কর্ম্যকেও বলল আয়াসকর করিয়া তোলে। পর

দ্রব্যে অভিলାষ, স্বদ্রব্য ত্যাগে কাউরভা, পরশীড়া প্রভৃতি অহংকার হইতেই জন্মে। অহংকারজনিত আসক্তি ও দম্বই ইহাদিগের উদ্ভবহেতু।

রাগী কৰ্ম্মফলাপ্ৰেপ্সুলু ক্লেহিংসাত্মকোচশুচিঃ ।

ইর্দশোকাদিতঃ কৰ্ত্তা রাজসঃ পরিকীৰ্ত্তিতঃ ॥

ঐ, ঐ, ৪৭

‘যিনি আসক্ত, কৰ্ম্মফলকামী, পরস্বাভিলাষী, দানকুণ্ড, পর-
শীড়ক, বাহ্যাস্ত্রঃশৌচবর্জিত, ইন্দ্ৰপ্ৰাপ্তিতে ভর্যাদিত, অনিষ্ট-
প্ৰাপ্তি এবং ইন্দ্ৰবিয়োগে শোকাদিত, তিনি রাজস কর্ত্তা।’

অম্বুবন্ধং ক্ষয়ং হিংসামনপেক্ষা চ পৌকবন্ ।

মোহাদারভাতে কৰ্ম্ম যৎ তত্তামসমূচ্যতে ॥

ঐ, ঐ, ২৫

‘পশ্চাত্তাবী ফল, শক্তিক্ষয়, অর্থক্ষয়, বিস্কক্ষয়, প্রাণিপীড়া
এবং স্রসামর্থা বিবেচনা না করিয়া যে কৰ্ম্ম মোহপ্রযুক্ত আরম্ভ
করা হয়, তাহা তামস কৰ্ম্ম।’

অযুক্তঃ প্রাকৃতঃ স্তব্ধঃ শঠো নৈব্রতিকোহলসঃ ।

বিবাদী দীর্ঘসূত্রী চ কৰ্ত্তা তামস উচ্যতে ॥

ঐ, ঐ, ২৮

‘যিনি অনবহিত, নিবেকশৃঙ্খ, অনগ্র, শঠ, পরবৃত্তিচ্ছেদনপর,
অলস, বিবাদী ও দীর্ঘসূত্রী, তিনি তামস কর্ত্তা।’

রাজস ও তামস কৰ্ম্ম ও কৰ্ত্তার লক্ষণ পাইলাম।

পশ্চাত্তা দেশসমূহে অধিকাংশ লোক রাজস কর্ত্তা। তাঁহা-

দিগের পরাক্রম ও পার্থিব উন্নতির সঙ্গে সঙ্গে দাস্তিকতারও বিশেষরূপে বৃদ্ধি হইয়াছে এবং তাঁহারা রাজসভাসম্মত বিষয়ক ফলও ভোগ করিতেছেন। তাঁহাদিগের বিস্ময়জনক অতিকার সমন্বয়গুলি হইতেও অনেক সময়ে রাজসংকল্প বিনির্গত হয়। লক্ষ লক্ষ মুদ্রাদান “কলমুদ্দিশা”—রাজা হইতে সম্মানলাভ, অস্তুতঃ জনসাধারণ হইতে যশোপ্রাপ্তির আশায় প্রদত্ত হয়। সাদৃশ্য ভাব লুপ্ত হইয়াছে বলিতে পারি না, তবে বৈষয়িক সুখ-ভোগে রক্ষাশূন্য অতিরিক্ত পরিমাণে বঞ্চিত হইয়াছে। কৰ্ম-চক্রের ঘূর্ণনে সাদৃশ্যভাব শাস্তি, নীরবতা অতিশয় হ্রাস পাইয়াছে। তাই তাঁহাদিগেরই কোন কোন মহাপুরুষ তাঁহা-দিগকে সাদৃশ্য ভাবে অনুপ্রাণিত করিতে চেষ্টা করিয়াছেন ও করিতেছেন। এবং সাদৃশ্য ভাব ক্রমশঃই বৃদ্ধি পাইতেছে। ভারতবর্ষীয়, চীন ও অপর দেশীয় প্রাচীন ঋষিগণের সাদৃশ্য চিন্তা ও গাথার আদর পূর্বাপেক্ষা অনেক বাড়িয়াছে। ইহারই ফলে রবীন্দ্রনাথের ‘নোবেল’ পুরস্কার প্রাপ্তি। তামস ভাব তাঁহাদিগের মধ্যে অপেক্ষাকৃত কম। তামস কল্পের অনবহিত অলস, বিষাদী ও দীর্ঘসূত্রীর ভাব তাঁহাদিগের মধ্যে অতি অল্পই দেখিতে পাওয়া যায়। রক্তস ভাবই প্রবল। পরস্পর ঘেৰিকট সংঘর্ষ উপস্থিত হইয়াছে তাহার মূল রাজসিকতা। মধ্যে মধ্যে যে সাদৃশ্য ভাব কৰ্মগোচর হইতেছে, তাহা নেতৃগণের প্রাণ আকর্ষণ করিলে তাঁহারা কৰ্মযোগের পন্থাতে অগ্রসর হইতে পারিবেন। সেদিকে উন্নতি না হইলে তামস পদবীতে

অবরোধ করিবেন। কতারা লীলাচক্রাঙ্গুড় হইয়া কাহারও একস্থানে স্থির হইয়া থাকিবার সাধ্য নাই। হয় উন্নতি, নয় অবনতি। সম্ভবতঃ যে ভীষণ সংগ্রাম চলিতেছে, ইহা হইতে অবশেষে কল্যাণই সমুদ্ভূত হইবে। দীর্ঘ দৃষ্টিতে দেখিলে যে কল্যাণ হইবে, সে বিষয়ে ত ভিলাদ্রও সন্দেহ নাই। অতি দীর্ঘদৃষ্টির প্রয়োজন নাই। আশা করি অল্পদিনের মধ্যেই ইঁহারা স্বকীয় মূৰ্খতা হ্রাসয়ঙ্গম করিয়া সাত্তিক অধিষ্ঠানে অধিষ্ঠিত হইবার ক্রম অবলম্বন করিতে সক্ষম হইবেন।

কিঞ্চিৎ অনুধাবন করিলেই মনে হয় আমাদের অনেকের তামস কর্তা। তামস কত না নিজের, না অপরের মঙ্গল-সাধন করেন। আপন সম্বন্ধে অনবহিত, বিবেকশূন্য, অজস, বিঘাদী ও দীর্ঘসূত্রী এবং অপথলোক সম্বন্ধে অনমন, শঠ, পরবৃত্তিচ্ছেদনপর। আমাদের ভ্রতপূর্ব দেশাধিপতিগণ এইরূপ স্বভাবাপন্ন না হইলে এদেশ এভাবে পতিত হইত না এবং আমরা এইরূপ না হইলে এভাবে পতিত থাকিতাম না। আমরা অনেকে স্বর্গীয় মঙ্গল বৃক্ষি না এবং তৎক্ষণ উদ্যোগীও নই, অথচ শঠজ্ঞ করিয়া পরবৃত্তিলোপ ও পরস্বত্বাধিকার করিতে আগ্রহান্বিত; ইহা কি সত্য নহে? প্রায় প্রত্যেক গ্রামেই যে গ্রামবাদিগণের মনোমালিন্য, বিবাদ, বিসম্বাদ, 'দলানলি' দেখিতে পাই, তাহা কি তামস ভাবজনিত নহে? ভাবী শুভাশুভ কি স্বলানর্থা সম্বন্ধে কিছুমাত্র জ্ঞান নাই; কাহাকেও পরাভূত করিবার জগু শক্তি, বিস্তু, অর্ধক্ষয়

করিয়া কি অনেক লোক সম্পূর্ণ নিঃস্ব ও মৃতকর হইতেছে না ? বাহাদিগকে অশিক্ষিত বলি, তাহাদিগের কথা দূরে থাক, “শিক্ষিত” দলের মধ্যেও নিজের নাসিকা কর্তন করিয়া পরের বাত্বাত্তের দৃষ্টান্ত নিতান্ত বিরল নহে। বিপুল পরিশ্রমে সঞ্চিত অর্থ হিংসাবহিতে আছতি দিয়া নিজের সামান্যভাবে জীবনযাপনেরও সংস্থান না রাখার অনেক উদাহরণ দেওয়া যাইতে পারে। যাহা কিছু উপার্জিত হইয়াছিল, তাহা প্রায় সমস্ত কোর্টফিতে, উকীল, ব্যারিষ্টার, আমলা, সাক্ষী, চাপরাসী, কনফেবল প্রভৃতির পূজায়ই ব্যয়িত হইল, সুতরাং আপনার ও পরিবারবর্গের জীবিকানির্বাহের উপায় নিরাকৃত হইল ; এরূপ বুদ্ধিমন্তার পরিচয় কতই দেখিতেছি ! ইহাকে ভ্রামস স্বার্থভ্যাগ বলা যাইতে পারে।

কিন্তু এদেশে ভ্রামসিকতাগ্রস্ত হইলেও সাব্বিকতা সম্পূর্ণ ভুলিয়া যায় নাই। ঋষিগণ, ভক্তগণ এ দেশের অস্থি মজ্জায় সাব্বিক ভাব এমন দৃঢ়রূপে প্রবেশ করাইতে চেষ্টা করিয়াছেন যে অত্য়পি সামান্য কোন ক্রমক তীর্থভ্রমণ করিয়া আসিলে, তাহাকে সেই ভ্রমণের কথা জিজ্ঞাসা করিলে কিছুতেই সে তাহা প্রকাশ করিতে ইচ্ছুক হইবে না, পাছে তাহাতে তাহার মনে অহংকার স্থান পায়। ‘তোমার ক’টি পুত্র কন্যা ?’ জিজ্ঞাসা করিলে বলিবে ‘আজ্ঞা ! আমার কি ? ভগবান আমার গৃহে এই ক’টি রেখেছেন।’ এখনও অনেক লোক আছেন যাহারা সংবাদপত্রে নাম প্রকাশ না পায় উজ্জ্বল স্তম্ভ, অতি সঙ্গোপনে

দান করেন এবং আপনার কন্ববা সম্পাদন করিয়া থাকেন। ঋষিচরণেণুপূত এ দেশ কিছুতেই বিনাশ পাইবে না বলিয়াই বোধ হয় ভগবানের কৃপায় এখনও সার্বিক ভাব প্রচ্ছন্নরূপে স্থানে স্থানে বর্তমান রহিয়াছে। কিন্তু আত কল্পস্থলেই কন্বে স্ফুর্তি পাইতেছে। রাজসভাবও আমাদিগের মধ্যে আপক্ষাকৃত কম। তামস ভাব চাড়িয়া; রাজসে উন্নত হওয়ার দিন যেন আসিতেছে মনে হয়। অবধান, নিদ্রা, জড়তা ক্রমেই দূর হইতেছে। 'উঠো, ভাগো,'—এই আহ্বান পশ্চিচিয়াছে। ভিন্ন ভিন্ন প্রদেশ, ভিন্ন ভিন্ন সম্প্রদায়, পরস্পরের সাহায্য করিতে হস্ত প্রসারণ করিতেছে। দেশময় একটা 'মাদ' পড়িয়াছে। কন্বা আমাদিগের সহায়। আমরা তদনুসারে চরমাবস্থায় পতিত বলিয়া নিশ্চয়ই তাঁহার সিংহাসন টলিয়াছে। তাঁহার কাণ আছে তিনি নিরবচ্ছিন্ন "মা ভৈঃ মা ভৈঃ" পানি শুনিতেন। তাঁহার চোখ আছে তিনি উনার আলোক দেখিতেন। যে ভাসুর মহিমায় সমস্ত ভারতবর্ষ পুনরায় উদ্ভাসিত হইবে, ইহা তাঁহারই অগ্রদূত। এই পূর্ণাভাস মনে করিতেই বৃদ্ধেরও প্রাণ স্পন্দিত হইতেছে, জদয় উৎসুর হইতেছে, ধমনীতে ধমনীতে বেগে শোণিতে প্রধাবিত হইতেছে। কিন্তু যুগপৎ প্রাণে ভয়ের উদয় হইতেছে, পাছে বজ্রাধ্বজ ভারতের বিশিষ্টতা নষ্ট কাব্য ফেলে। কন্বার শ্রীচরণে প্রার্থনা করি, কোন জাতির হিংসা বেগে দক্ষবুদ্ধি হইয়া আমরা যেন অন্তঃসারশূন্য বাহ্যিক উন্নতির মোহে মুগ্ধ না হই। আমরা যেন

সেই আৰ্মিনিক্ৰিষ্টে সাধিক লক্ষ্য স্থির রাখিয়া শুভেচ্ছাধাৰা সমগ্র পৃথিবীটাকে আবৃত্ত করিয়া জগন্ময় সচ্চিদানন্দপ্রতিষ্ঠাভিমুখ স্বকীয় উন্নতিসাধনে রুতকার্য হইতে পারি। বাক্টিগত, জাতিগত, রাষ্ট্ৰগত বাৰ্ত্তীয় উদ্যম, অনুষ্ঠান ও প্রচেষ্টায় আমাৰিগের যেন সাধনা মনৈ থাকে—

ব্রহ্মার্পণং ব্রহ্মকৰ্ণবিব্রহ্মাগ্নৌ ব্রহ্মণা হৃতম্।

বৈক্ৰেব তেন গম্ভব্যং ব্রহ্মকৰ্ম্ম সমাধিনা ॥

ভগবদ্গীতা ১৪।২৪

স্বামী বিবেকানন্দের মনোবাঞ্ছা পূর্ণ হউক। ভারতে
কৰ্ম্মযোগ আবার জয়যুক্ত হউক।



সমাপ্ত